

فرقة العوانس المتحدة

رواية

فرنا إبراهيم

داركتاب للنشر والتوزيع



مسئول النشر

طارق رمضان

مدير التوزيع

عمر عبد السميع

مدير العلاقات

مها عادل

الطبعة الأولى

الكتاب : فرقة العوائس المتحدة

تأليف : فرنا إبراهيم

تصنيف الكتاب : رواية

مصمم الغلاف : عبد الرحمن سندوي

إخراج : أحمد عبد الرحمن

المقاس ١٤ × ٢٠

رقم الإيداع : ٢٣٩١٠ / ٢٠١٨

الترقيم الدولي : 8 - 48 - 6597 - 977 - 978

جميع الحقوق محفوظة

all rights reserved . no part of this book may be reproduced ' stored in aretieval system , or transmitted in any from or by any means without prior permission in writing of the publisher .

جميع الحقوق محفوظة لا يسمح بإعادة إصدار هذا الكتاب أو أي جزء منه أو تخزينه في نطاق استعادة المعلومات أو نقله بأي شكل من الأشكال ، دون إذن خطي مسبق من الناشر .

العنوان : ٤٧ تقاطع الفلكي مع محمد محمود - القاهرة - مصر

التليفون : ٠١٠٩٧٥٥٣٣٢٨

Email : darkitabone@gmail.com

إهداء

منذ سنوات قد عاهدت نفسي أن يكون إهدائي الأول
لك...كم أشتاق إليك ولكنني أشعربك في كل شئ حولي.
أهدي قصتي الأولى إلى روح جدتي العزيزة التي مازالت
تُعطي حتى بعد فراقها للحياة،مازالت تُعطي وتحب.

كلمة شكر

من أعماق قلبي .. أشكر كل من دعمني، أصدقائي ومتابعيني على مواقع التواصل... ولكن هناك أشخاص أحببت خصهم بذلك الشكر:

والداي اللذان دعماي واحتملاني... أعطاني كل الحب والتشجيع... لولاكم ما أصبحت ما أنا عليه... أنا فخورة لأنني ابتكم.

وأود أن أشكر شخصاً غالي على قلبي.. رغم بعد المسافات يشعري ودائماً معي في ضيقاتي يدعمني، شكراً لك يا صديقتي «كارولين دميان» حقاً تعلمت منك الكثير... كل الشكر لحبك ودعمك لي

جميعنا يحلم، يحلم بالحب، بالأمان، بالمستقبل
والنجاح..... لكل منا أحلام خفية لا يعلمها سوانا
نخبئها بداخلنا في غرفة لا يستطيع أحد الوصول إليها
سوى من نريد أن نفتح له باب تلك الغرفة غرفة
أحلامنا غرفة لا يملك أحد مفتاحها سوانا .

ولكن أشياء كثيرة تخنق تلك الأحلام مثل ضغوط
المجتمع والتي تعتبر من أكبر الضغوط التي تتحكم بنا
وبما نحلم به يطلق المجتمع أحكاماً أحياناً تكون
قاسية وأحياناً ظالمة وأحياناً قاتلة ولهذا يجب أن
نتصدى له فالبعض أستطاع التصدى وهناك
من بدّل قدره وهناك أيضاً من ظل ضعيفاً وفشل في
المواجهة .

تلك الكلمات كانت بداية المقال الأسبوعي لراوية ...
فهى صحفية ناجحة، شهرتها واسعة، تبلغ الثامنة
والعشرون من عمرها فهى أيضاً تحلم بأن تكون
من أشهر الكُتّاب في جيلها في خلال سنوات قليلة، تحلم
بأن بعد مئات الأعوام يتردد اسمها في صفحات التاريخ
كأنيس منصور ومصطفى أمين، وقفت راوية أمام ممدوح
رئيس التحرير يتناقشان حول مقال الأسبوع حتى اشتد
الحوار

ممدوح :ايه الحكاية يا راويةمقال الأسبوع ده أتأخر
أوى إحنا عايزين ننزله الطبعة الى جاية

راوية :لا يا استاذ ممدوح مش هينفع خالص

ممدوح :هو ايه الى مش هينفع هو انا بعزمك على
الغداده شغل

راوية :بس انا

ممدوح :راوية بالكثير الموضوع ده هخده منك بكره....
انتهى اتفضلى

راوية :استاذ ممدوح أنا بعد اذنك هستأذن النهاردة
بدرى

ممدوح :كمانأنتى عارفة لولا وجودك فى الجريدة
هنا مهم.....أنا كنت طلبت منك تستقيلى وتريجينى بس
اعمل ايه القراء بيحبوكى..... ده انتى لو كنتى مديرة
ماكنتيش هتعملى كده

راوية :انت ليه عصبى كدهالعصبية وحشة عليك
احنا عايزينك ...على فكرة ماتنساش تاخد دوا الضغط
علشان باين انه اترفع

وترحل وتغلق الباب خلفها

مدوح: طول ما أنتى ورايا مش هيجيلى الضغط
بس..... ده أنا مرارتى اتفقعت

وفى زقاق صغير من أزقة السيدة زينب، حيث المنازل
تستند كل منهم على الآخر، ويظهر من بين تلك المنازل
بيت من البيوت القديمة وكأنه مبنى تاريخى أو أثرى
،عندما تراه تشعر وكأنك فى حقبة تاريخية قديمة أو داخل
فيلم من أفلام الأبيض والأسود، يتحدى الزمن ليسند
نفسه من السقوط فى زمن الأبراج والكومباوند، ومن هذا
المنزل نسمعها تصرخ كعادتها اليومية..... إنها الأم المصرية
التقليدية دائمة الصراخ والشكوى

الأم: أنتى يا بت يا زفتة

تجلس وعد على أريكة قديمة وأمامها التلفزيون تشاهد
الاعلانات المملة التى تُذاع طوال اليوم ٢٤ ساعة وحلقة
المسلسل التى أصبحت تأتى مثل الفاصل بين الاعلانات
وعد: الله يخرب بيت وعد وسنينها الواحد مايعرفش
يقعد قدام التلفزيون شوية

الأم: انتى بتبرطمى بتقولى ايه يا زفتة

وعد: نعم يا ماما ما بيطمش ولا حاجة هو حرام
أقعد في يوم الاجازة ارتاح شوية

الأم: امال مين الى هيمسح البيت انا

وعد: ماما انا لسه ماسحة البيت همسحه تانى

الأم: مش بدل ما انتى قاعدة فاضية كده قاعدة
جانبى زى خبيتها

وعد: ثانية واحدة يا ماما اكملك باقى المسلسل الى
بتفرجينى عليه كل يوم ... الى قدك اتجوزوا وانتى قاعدة
على دماغى ده انتى كان زمانك عندك عيل واتنين

الأم: أنتى يا بت بتريقى عليا

وعد: ماما ارحمىنى أنا بتتك أنتى أمى ماتحسسينش
أنك مرات ابويا

الأم: بقى كده ... كل ده علشان عايزة مصلحتك

وعد: أنا مصلحتى مش فى أى جوازة والسلام

الأم: امال أنتى ناوية تتجوزى وزير ولا أمير، عيشى
عيشة أهللك

وعد: وليه لأ.....ليه ما اتجوزش أمير.....هما
يعنى الى اتجوزوا ولاد ناس أحسن منى.... أنا مش ناوية
أدفن نفسى طول عمرى، ولا هسجن نفسى بقيت حياتى
فى حوارى السيدة ومسيرى هخرج

الأم: تخرجى فىن يا بت سعادة السفير

وعد: بتتريقى يا ماما بكره تعرف فى قيمة بتتك وعد.....
أنا لما أحط حاجة فى دماغى هعملها

الأم: واللهى دماغك دى هى الى هتوديكي فى داهية

فتقاطعها وعد عندما ترى كلمة عدنا على التلفاز

وعد: خلىنى اسمع المسلسل.....يااااه شايقة الفيلا
الى ساكنة فيها البطلة.....يعنى المسلسلات مليانة
قصور وفيلل والاعلانات بقت كلها عن الكمبوندات
.....أما هى دى مصر امال إحنا ليه معندناش قصور فى
السيدة زينب؟

الأم: انتى التلفزيون ده كل دماغ.....طول النهار قاعدة
قدام المراية تتعيقى وتتغاندرى زى نجوم السيما الى بتشوفهم
فيه أقومى الله يرضى عليكى اعملي لك حاجة مفيدة

مكان ساحر بعيد..... على خشبة مسرح الأوبرا ،
 الخشبة التى سحرت الكثيرين هذا الصرح العظيم
 ، وعلى المسرح الكبير تقف وكأنها نجمة وكأن المسرح
 سماؤها الواسعة ، ترتدى فستان الباليه الساحر ثم تبدأ
 رقصاتها على دقات البيانو الناعمة مع موسيقى الكمان
 التى تأخذها لعالم آخر وكأنها جنية جاءت من عالم
 آخر ملئ بالسحر تطير فى السماء كما تطير جاسمن
 على المسرح إنها فتاة جميلة قاربت على الثلاثين من
 عمرها ، جسدها ممشوق كالمانيكان أنها الباليرينا الأولى
 ، تعشق المسرح وتعتبره عالمها الخاص الذى تختبئ فيه من
 واقعها ولكنها دائماً تعود للواقع عندما تدخل منزلها وتجدها
 والدتها تنتظرها مثل كل يوم لكن اليوم لم تجدها ولكن
 وجدت منها ١٠ مكالمات على الموبايل بعد أن دخلت
 وألقت بمفاتيح سيارتها على طاولة الانتريه الزجاجية
 وألقت بنفسها على الشيزلونج ثم وضعت الجاكيث الثقيل
 الذى كانت ترتديه بجانبها فى الطقس فى المنزل ليس بارداً
 كالطقس فى الخارج اتصلت بوالدها فى الموبايل

جاسمن :ماما انتى فىن انا زعلانة منك..... تبقى
 عارفة ان عندى حفلة وماتجيش

الأم: اجى ازای بس واسيب نجوى اختك انتى
ماتعرفيش ايه الى حصل

جاسمن: ايه الى حصل

الأم: نجوى اختك سقطت وانا معاها دلوقتي

جاسمن بفرع: بتقولى ايه يا ماماهى نجوى كانت حامل

الأم: ده انا قلبى اتخلع اول ما جلال كلمنى وقالى
روح على المستشفىلازم ابات معاها فى المستشفى
النهاردة

جاسمن: طب طميننى يا ماما هى كويسة ولا تعبانة

الأم: بقت احسن بس خدت حقنة نيمتها

جاسمن: انا الصبح هجيلكم على طول

الأم: طيب يا حبيبتى اتعشى كويس انا عارفة انك
مابتكلىش لقمة بره.....تصبحى على خير

جاسمن: حاضر يا ماما وانتى من اهلكه باى.....
وبعدين ياربى هى ليه كل ما ده بتضيق كده

ودخلت غرفتها واضاءت النور وفتحت خزانة ذكرياتها
التى تحبها

أمسكت ألبوم قديم جلست تتصفحه وتشاهد صورها القديم لتكتشف الشيء الذى سيغير حياتها وحياتهم، أنهم أصدقائها، أصدقاء ثانوى أكثر أيام السعادة التى عاشتها..... فشردت فى ذكرياتهن... ثم تذكرت الحلم القديم الذى أحبوه أصدقائها التى عاشت معهن أجمل الأيام وظلت تفكر ترى أين هن الآن... وكيف أصبحت حياتهن ثم نامت وهى تحضن ألبوم ذكرياتها .

تجلس مع والدها بالمستشفى على كراسى الانتظار فى العيادات الخارجية... ترتدى ملابس رسمية جداً..... قميص أبيض وبنطال وجاكيت... زى رسمى وكأنها ذاهبة إلى مقابلة عمل.... شعرها الأسود الطويل فضلت أن تربطه وترفعه، لم تكن ماريهان تريد الذهاب ولكن والدها أصر على عرضها على الطبيب بعد أن رآها تتألم ولا تتكلم... فأصر أن ينهى آلامها ويعرف ما هى حالة ابنته التى فجأة جاءها الألم من حيث لا تدرى ، فهى وحيدته وشريكته الوحيدة بالحياة بعد أن توفت والدتها لذلك فهو دائم الخوف عليها وأخيراً تنادى عليها الممرضة

الممرضة: أنسة ماريهان شاكر

الأب:ايوة

المرضة :اتفضلوا

فتدخل إلى غرفة الكشف وتجلس أمام مكتب الطبيب
الذى يظهر لها من هيئته وشكله ...أنه صغير السن

شريف :اهلا اتفضلوا

الأب:شكرا يا دكتور

شريف :خير حضرتك بتشتكى من ايه

الأب:لا يا دكتور ده مش انا ده بنتى

شريف :اتفضلى يا انسة مش انسة برضه

ماريهان :ايوة يا دكتور

شريف :خير بتشتكى من ايه

ماريهان:الم رهيب فى معدتى وصداع ودوخة فظيعة

شريف :مهمممم معدتك ودوخة طيب خيلنا نكشف

فتنهض وتذهب معه ليفحصها وتنام على سرير
الكشف، يضع الطبيب الساعة فى أذنه ويكشف عليها ثم
يضع عينه فى عينها

شريف: انتى بتكلى من بره كثير

ماريهان: لا يا دكتور مابكلش

الأب: صدقها يا دكتور دى لا بتاكل من بره ولا من جوة

شريف: لا ده مش كويس يا انسة.... اسمك ايه

ماريهان: ماريهان

شريف: انتى كده هتضعفى يا انسة ماريهان وممكن
يكون اللى عندك ضعف وقلة تغذية عموما اعملى
التحاليل دى علشان نضمن

ماريهان: ميرسى يا دكتور

شريف: هتجى لى تانى الاسبوع اللى جاى

ماريهان: حاضر عن اذنك

وتخرج ماريهان ويقف شريف أمام الاب وكأنه يمنعه
من الخروج

الأب: فى حاجة يا دكتور

شريف: استاذ شاكر بتتك فى الغالب تعبها مش
عضوى.....هى ممكن يكون عندها سوء تغذية بس فى
حاجة تانية

الأب: حاجة تانية ازاي يعنى

شريف: ساعات لما الواحد بيتعب نفسيا ده بيظهر فى شكل ألم فى الجسم..... مع ان ممكن يكون الجسم سليم....
هى فيه اى ضغوط عليها؟

الأب: ضغوط ما فتكرش

شريف: اتكلم معها جايز عندها مشكلة

الأب: هعمل كده.... عن اذنك

شريف: اتفضل

وبعد أن خرج الأب نظرت له مريهان بدهشة

مريهان: بابا هو انا حالتى خطيرة ولا ايه

الأب: لا..... ليه

مريهان: اصلك اتأخرت عند الدكتور

الأب: لا ده انا كنت بشتكى له من ضهرى

مريهان: طيب..... سلامتك يا حبيبى... لازم تاخذ
بالك من صحتك

الأب: سلامتك انتى يا حبيبتى

وأمام المستشفى.....تقف جاسمن تبحث عن تاكسى
ولم تجد.....تصطدم بظهرها فى شخص ما....تلتفت إلى
الخلف لتعذر

مريهان:متأسفة

جاسمن:لا مافيش حاجة

فينظروا إلى بعضهم ويشتوا فى أماكنهم وكأنهم تسمروا
فى الأرض

مريهان:انا شوفتك قبل كده

جاسمن:وانا كمان بيتهيألى انك

مريهان تصرخ:جيسى

جاسمن:ماهى.....ويرتموا فى أحضان بعضهم البعض

ماريهان:بابا.....جاسمن صاحبتى بتاعت ثانوى
مش فاكرها

الأب:اهلا يا حبيبتى دى صدفة حلوة اوى

جاسمن:ميرسى يا عمو ازى صحتك

الأب:الحمد الله..يلا اسبيكم انا علشان عندى مشاوير
وانتى ياماهى...لما ترجعى من عند خالتك كلمينى

ماريهان :حاضر يا بابا

يشير الأب لتاكسىيستقله ويمضى.....بينما
تستمر الفتان فى حديثهم

جاسمن :بقولك ايه انا مش هسيبك النهاردة

ماريهان :وشغلك هو انتى مش بتشتغلى برضه

جاسمن :هحكى لك وراكى حاجة

ماريهان :لا

جاسمن :يبقى يلا بينا

تذهبان إلى إحدى الكافيهات الفخمة المليئة
بالزحام.....وبصعوبة تجدان طاولة خالية....ففى هذا
الطقس يحتاج الجميع إلى المشروبات الدافئة ليقاوموا برودة
الطقس عدا هاتين المجنونتين التى تنادى على النادل وفى
صوت واحد

جاسمن و ماهى :ليمون بالنعناع

النادل :نعم

جاسمن :اتنين لمون بالنعناع

نادل :تؤمروا بحاجة تانى يا فندم

ماريهان: لا شكرا

نادل: حالاً

جاسمن: مش معقول لسه فاكرة

ماريهان: ومش معقول تكونى لسه بتتطلبى زى

جاسمن: انا مش مصدقة، ماهى قولى لى عملتى ايه فى حياتك

ماريهان: اتخرجت من اداب انجليزى وبشتغل فى مدرسة
وانتى

جاسمن: انتى بتسأللى انت مش فاكرة ولا ايه

ماريهان: معقول دخلتى معهد الباليه

جاسمن: برقص فى الاوبرا مع فريق الباليه

ماريهان: واو برافو عليكى تعرفى حاجة عن البنات

جاسمن: راوية بقت صحفية انتى ازاي ماتعرفيش
ده اسمها بقى معروف اوى راوية جمال

ماريهان: راوية جمال بتاعت الخبر الحر انا افتكرت
تشابه اسماء

جاسمن: انا افتكرت كده برضه لحد ما فى يوم شوفت
صورتها فى مقال من مقالاتها

ماريهان :و وعد

جاسمن :ماعرفش عنها حاجة.....بس ايه رأيك نطب
على راوية فى الجرنال

ماريهان :طب انا عندى فكرة احسن احنا نتفق
ونتقابل...ونتجمع زى زمان وندور على وعد

جاسمن :ومازن

ماريهان :مازن، هو فين

جاسمن :بتهيألى اكيد راوية او وعد واحدة منهم تعرف مكانه

ماريهان :صحيح كنتى بتعملى ايه فى المستشفى

جاسمن :هحكى لك كل حاجة

فتقص كل منهن للأخرى ماحدث معها السنوات
الماضية وتحدثان عن الذكريات وتذكرا وتضحكن على
تلك الأيام التى لم يحملوا فيها هموم .

تقف وعد أمام المرأة ساعة ونصف وترفع يديها ببطء
وكأنها فى مشهد سينمائى بطئ....تمسك الايلينر وترسم
فوق عينيها ثم تستعد للخروج .. تفتح باب الشقة وتنزل
فيعرض جابر طريقها

جابر: يا مساء الفل يا ست البنات

وعد: انت موقفنى على السلم علشان تقولى مساء
الفل..... او عى من قدامى

جابر: جرى ايه يا ست الحلويين سايقة عليا
العوج ليه

وعد: عوج ايه يا معلم جابر الى سايقاه عليك
جابر: حلوة منك يا معلم دى..... انتى عارفة انى اكبر
راس فيكى يا منطقة

وعد: جرى ايه ؟ انت موقفنى علشان تشرح لى
تاريخك.... ابعده عن طريقى وما تخلنيش اعملها معاك
فيقترب منها جابر: ياريت

وعد: لا دى قلة ادب واوعى من وشى بقى انا اتأخرت
تركه وتنزل..... وأمام عربية الكبدية بجانب العمارة
التى تسكنها وعد تقف سيارة تاكسى .. ينزل منها شاب
يرتدى تى شيرت أسود وجينز شعره طويل يربطه
بأسيتيك مثل الهيبس الأمريكان ويحاسب السائق
مازن: خد يا اسطى طريقك اخضر الف شكر

ويقف أمام العربية التى تعمل عليها فتاة جميلة وفاتنة
بالرغم شكلها البسيط وملابسها البسيطة لم يستطع الفقر
وضغوط الحياة أن يخفى جمالها

قمر: واد يا حوكشة روح يلا ودى الطلب ده على القهوة

حوكشة: اوامرك يا برنسيصة

مازن: صباح الخير

قمر: صباح الخير والسعادة أوامر يا باشا

مازن: ساندوتشين كبدة من ايديكى الحلويين

قمر: اتفضل يا باشا

مازن: تسلم ايدك يا قمر

قمر: ايه ده انت عرفت اسمى منين

مازن: انتى اسمك قمر

قمر: ايوه

مازن: اسم على مسمى خدى يا قمر

فتنظر له وتضع يدها على خصرها

قمر: ايه ده يا باشا ساندوتشين كبدة ب ٢٠٠ ج
لا هو انت فاكر نفسك فى كنتاكي هنا

مازن: دول علشانك

قمر: لا يا باشا انت غلطان فى العنوان انا بيع
كبدة..... مابشحتش ولا بمشى مع حد
مازن: ده انتى الى فهمتيني غلط انا اقصد

قمر: الكلام خلص خد فلوسك وامشى من هنا
جابر: ايه يا بت يا قمر حد اتعرض لك يا بت
فى حاجة يا برنس

قمر: فى ايه يا جابر الباشا جاى ياخذ كبدة لىك شوق
فى حاجة

جابر: الله ما براحة علينا يا قمر انا قولت يمكن عايزة
حاجة

قمر: لا مش عايزة حاجة

فتخرج وعد من المنزل وتفاجأ عندما ترى مازن أمامها

وعد: مش معقول مازن

مازن: وعد

جابر: تعرفيه يا ست الحسن

وعد: ده ابن خالتى يا جابر اطرء من هنا بقى

جابر: ابن خالتك ولا بنت خالتك

مازن: ايه يا ريس ما تلزم الادب

وعد: عجبك كده جبت لنا الكلام بشعرك ده

مازن: طب يلا يا اختى سلام يا قمر

قمر: بالسلامة يا باشا

فيجلسون فى جاد فى وسط البلد ويظهر على وعد التوتر
والخوف

مازن: جرى ايه يا وعد مالك ؟

وعد: كويس انى عرفت القى كدبة اكدبها
الناس فى السيدة ما بترحمش ما يعرفوش يعنى صداقة بين
بنت وولد

مازن: اه علشان كده قولتى انى ابن خالتك ده بدل
ما تقولى لى وحشتنى

وعد: طب تصدق انك وحشتنى انت عرفت مكانى
منين

مازن: بت یا وعد انا نفسی الشلة تتجمع زی زمان

وعد: يا اااااااااااااااااااا عايزنا نرجع زى الزمان قول للزمان
ارجع يا زمان.... تصدق انى ما عرفش حاجة عن حد
فيهم غير راوية

مازن : راوية

وعد :اه..... حبيبة القلب اصل احنا دخلنا اعلام
مع بعض بس هى الزهر لعب معاها وبقت صحفية وانا
اثرميت فى مكتب فى قصر الثقافة واديك ضيعت عليا يوم
فى الشغل كمان

مازن :هعوضها لكانا بقى ياسيتى دخلت
حقوق

وعد: محامی..... یخربیتک ده انت تلاقیك بتکسب
دهب علی کده

مازن: هو انتی لسه مسحوبة من لسانكنزله
حسد فيا من ساعة ما اقعدت ارحمی أنتی محسانی ان
عندی مکتب

وعد: امال بتعمل ايه..... انت بتدخل على القاضى ازاي
شعرك ده

مازن :انا بشتغل فى شركة كويسة فى الشئون القانونية

وعد:طب ما انت بتقبض اهو

مازن :يا ساتر يارب منك..... بقولك ايه ده تليفونى
اول ماتعرفى حاجة عن العيال كلمينى أعلى فكرة حلوة
اوى الكبد فى منطقتكم

وعد:كبدة اه..... بس الكبدة توجع لك معدتك يا
عم الامور... دى شطتها كثير
مازن يتسم :بس عجبانى

وأمام التلفاز تجلس راوية لتشاهد مسلسله المفضل
..... ويجلس طارق أخيها.....يمسك ورقة وقلم وكأنه
يحسب حاسبة.....ثم تتدخل عليها زوجة أخيها وتقف
أمام التلفاز

شمس:انتى مش هتنامى

راوية :والنبى يا شمس تحاسبى شوية علشان عايزة
اشوف المسلسل

شمس :مسلسل ايه

راوية: عايزة اشوف ادهم هيعمل ايه مع هبة

شمس: ادهم ايه وهبة ايه خلیکی معایا هئا وردی علیا

راویة: جرى ايه يا شمس

شمس: ايه رأيك في صفوت ابن خالتي؟

راوية: انتى مسيبانى المسلسل علشان تسألينى عن صفوت

طارق: قولت لك مش هتوافق انا عارف اختي

شمس: اصله کان بیدور علی عروسة قولت انتی اولی

راویة:ادی طارق رد علیکی

شمس: یعنی الحق علیا انی عایزه استرک

راویة: انا مستورة یا سیتی آسیینی بقی اتفرج علی

المسلسل.....تبقى خدمتيني خدمة عمرك

شمس: اختك دى مجنونة اقولها عريس تقولى

المسلسل.....انا الى غلطانة انا داخله اتحمّد

راويۃ : یاااااھ اخیرا ھیخرجوا مع بعض فی عید

میلادها آکید هیجها انت شایف ایه

طارق: انا شايف انك بضيعى من ايدىكى كل الفرص

لحد ما فيوم من الايام مش هيبقى في فرص خالص

راوية: طارق احنا اتكلمنا فى الموضوع ده ١٠٠ مرة

طارق: راوية انتى كده هتكملى عمرك لوحدك

راوية: انت عارف صفوت ده اكبر منى بكام
سنة..... بتعتبر واحد اكبر منى ب ١٥ سنة فرصة
طارق: ما انتى فرصك بتقل يا راوية.....انتى
داخلة على التلاتين

راوية: فرصى هو انا نازلة فى مزاد ولا ايه.....طارق
اقفل الموضوع ده احسن

فيرن جرس موبايلها فتقوم وتأخذه من على الطاولة....
فترى رقم غريب على الشاشة فتجيب عليه

راوية:ايوة مين معايا

جاسمن: انا جاسمن

راوية:جاسمن مين

جاسمن: بتاعت ثانوى..... ايه يا بت يا راوية مش
فاكرانى

راوية تصرخ: جيسى.....مش معقولانتى جبتى
رقمى منين

جاسمن :يا بنتى مافيش حاجة صعبة عليا
بقولك ايه انتى تعرفى طريق وعد

راوية :طبعا

جاسمن :تعالوالى بكرة على شقة المهندسين الى كنا
بناخذ فيها الدروس فاكراها

راوية :طبعا الساعة كام

جاسمن :الساعة ٥

راوية :بجد اوكى معاكى ،والله وهنرجع جنان زمان

وضع المفتاح فى باب شقته ثم دخل و ضغط على زر
الاضاءة لينير المنزل ثم نظر لها والحزن يملئ عينيه
..... وكأنه جاء من جنازة شخص عزيز عليه
فدخلت خلفه لم تستطع الوقوف على ارجلها فتستند
على الطاولة وهى متعبة ثم تجلس على كرسى الانتريه
يظهر عليها تعب الاجهاض

جلال :نورتى بيتك يا نجوى

نجوى :بجد نورته

جلال: انتى شايفة ايه

نجوى: انا مابقتش شايفة بس حاسة بنظرات فى عينيك غريبة

جلال: ليه انتى غلطتى فى حاجة ولا ده احساس بالذنب

نجوى: انا ما كتتش اعرف انى حامل

جلال: مش هتفرق ولا انتى ولا انا كنا عايزينه

نجوى: لدرجة دى بتكرهنى

جلال: لا بس مش عايز اغصبك على حاجة انتى مش

عايزاها

نجوى: مش عايزة ايه بالضبط

جلال: افكر انك فاهمانى كويس وعموما انتى تعبانة

لازم ترتاحى تصبحتى على خير

نجوى: وانت من اهله

فتركها ويدخل غرفته لياخذ بيجامته ويبدل ملابسه

فى غرفة الضيوف فتنده عليه فينظر لها وهى تسأله ماذا

يفعل فيبلغها بقراره فقد قرر أن يترك لها

الغرفة لترتاح بها لأنها متعبة وأنه سينقل كل أشياءه

ومعيشته فى غرفة الضيوف حتى لا يزعجها ثم يدخل

غرفته الجديدة ويغلق الباب خلفه..... ينظر إلى صورة زفافهم وهو يفكر هل خطيئته أنه أحبها أم خطيئتها أنها تزوجته، في الوقت الذي دخلت فيه غرفتها وهي متعبة لدرجة أنها لم تستطع تغيير ملابسها وتضع رأسها على الوسادة لتحاول أن تستريح..... فتجد نفسها تفكر ما الخطأ الذي يعاقبها عليه وماذا فعلت.

تدخل وعد مع راوية وهي خائفة ومتوترة لعمارة قديمة بالمهندسين، محاطة بالأبراج العالية ومحلات البراندات العالمية التي يرتديها مستويات معينة من المجتمع، عمارة مدخلها فخم وواسع كالعمارات قديمة الطراز .

راوية :مالك يا وعد

وعد: انتى وخذانى فين

راوية :يعنى هكون خاطفاكى يا مجنونة.....انتى معقول مش فاكرة العمارة دى

وعد:ليه..... هو انا جيت هنا قبل كده

راوية :بت انتى عندك فقدان فى الذاكرة ولا ده زهايمر..... عموما لما تطلعى هتعرفى

ثم تقف أمام شقة وترن جرس فتجد الباب مفتوحاً
فيزيد قلق وعد

راوية: ادخلي

وعد: نعم ادخل فين

راوية: في ايه يا وعد ماتدخلي

وعد: حاضر

وتفتح الباب وتدخل لتجد الشقة مظلمة وتتخبطان في
الظلام

وعد: انتي جايباني ترعيني

راوية: لا شكلها هي الى جايبانا ترعينا

وعد: هي مين

فيضاء النور فجأة لتظهر جاسمن وماريهان

جاسمن: انا

وعد: جيسي

راوية: ماهي

ويرتموا الأربعة في أحضان بعضهن البعض

ماهى :مش مصدقة اننا اتجمعنا تانى

راوية :ولا انااه يا ولاد اللذينا

وعد:معقول شلة الجنان اتجمعت تانى

جاسمن :انتوا جيتوا فى الوقت المناسبانا
عاملة لكم مفاجأة

ثم تدخل إلى غرفة فارغة من الأثاث فتدخلن خلفها
ثم ترفع غطاء أبيض يغطى أشياء

وعد:درامز

ماهى :كامنجا

راوية :ترومبيت

جاسمن :واو كورديون وده طبعا علشانى

وعد:ايه ده او مال الطلبة دى بتاعت مين

ماهى :الخامس بتاعنا ولا انتى نسيته

وعد:مازن

راوية :يعنى بجدهنرجع الايام الحلوةالحلم
القديم بند المزىكابس انتوا نسيتموا حاجة اجوازكم
مش هيوفقوا

جاسمن : اجواز مين يا بنتى انا سينجل

وعد: وانا شرحه

ماهى : طبعاً انا عمرى ما هيسبكم لو حدكم
سينجل برضه

وعد : هايل يعنى احنا هنبقى فرقة العوانس المتحدة

جاسمن : ايه الكلمة البايخة دى ... اسمه فريق المضربين
عن الجواز

راوية : برافو عليكم انتم جييتوا لى موضوعى
الجديد انا لقيتكم ولقيت موضوعى الجديد معاكم
ماهى : طب يلا بينا نحتفل

يفتحون الالاب توب ويشغلون ٣ ويرقصون على
صوت ماجد الراشد احتفالاً بلقائهم مرة اخرى بعد كل
هذه السنين

«مشكلني حبك يا روح الروح مشكلني»

«واتعبنى قلبك مع الحساد اتعبنى»

«ياما نصحتك وقتلتك كانك اتعبنى»

«ابعد عن الشر يا عمري وغني لهُ»

يرقصون من سعادة بأنهم وجدوا بعضهن ووجدوا
أيام السعادة الضائعة

«طيفك يلاحق عيوني وين اروح القاه»

«الله عليه يا حبيبي ياسلام الله »

«اهواه و اهوى وجوده يالغلا اهواه»

«وإذا ابتعد ياهنا بالي شا اسوي له»

وفي مكتب رئيس التحرير تقف راوية كالتلميذة المتوترة
قبل الدخول إلى الامتحان تقف خائفة من ردة فعل رئيس
التحرير على موضوعها الجديد التى تنوى الكتابة فيه

مدوح :ايه ده

راوية :الموضوع يا فندم

مدوح :العنوسةحلو الموضوع ده..... بس
مش اهرس كثير...ولا انتى شايقة ايه

راوية :بس انا هكتب بوجهة نظر جديدة يعنى مثلاً
فى نقط معينة ماحدث عمره جاب سيرتها العنوسة بتبدأ
من كام سنة، امتى بيتقال على بنت عانس، العنوسة

دلوقتى بقت مفهوم عن الولاد والبنات مش البنات بسو
الحاجة الالههم ايه هى العنوسة وممكن البنت تواجه مجتمع
بالسخافة دى ازاي

ممدوح: نعم

راوية: حضرتك كل الناس الى كاتبه فى الموضوع ده
خدت القشرة..... لكن الى انا هتكلم فى الى ماحدش
هيفكر يتكلم فيه

ممدوح: وده لانك مجربة طبعاً ولا مابتعبريش نفسك
منهم

راوية: عموماً العنوسة مش شتيمة يا استاذ ممدوح ولا
عيب فى الشخص

وتذهب عند الباب وتقف وتنظر له

راوية: على فكرة يا استاذ ممدوح هو انت ماجوزتش ليه
فينظر لها بدهشة: نعم

راوية: بتهيألى انك من الناس الى هتكلم عنهم ولا ايه
رأيك ثم تخرج وتغلق الباب بقوة خلفها

وفى جو ملئ بالقداسة وهنا تخلع حذائك لقدسية
 المكان حولك..... حيث أيقونات أبداع الفنانين فى
 رسمها وأمام كل ايقونة يضئ المؤمنون الشموع لتصعد
 مع دخانها صلواتهم.....إنها الكنيسة وعندما تدخل
 ذلك المكان الذى يجبرك على احترامه..... تدخل فى هدوء
 وخشوع وهذا ما فعلته ماريهان وكلما تقترب من الهيكل
 تشعر بوجود الله يملئ المكان وصورة المسيح أمامها وفى
 الجانب الآخر أيقونة العذراء.....فتقف ماريهان أمام
 الهيكل وتضم يديها وتغمض عينيها وتصلى وعندما تفتح
 عينيها تتفاجأ به أمامها

شريف: أنسة ماهى ايه المفاجأة الحلوة دى

ماهى: أنت ودى كمان صدفة.....يا دكتور أنا
 بلغت انى شوفتك قريب من بيتنا امبارح صدفة.....
 كمان اشوفك النهاردة هنا صدفك كترت

شريف بصوت منخفض: هششششش احنا فى الكنيسة
 والناس بتصلى

ماهى: طب كويس انك عارف انها كنيسة

شريف: طبيعى انى اجى الكنيسة

ماهى: نعم

شريف :واضح ان ماعندكيش قوة ملاحظة وماخديش
بالك من اللوحة الى على مكتبى فى المستشفى مكتوب
عليها شريف لطفى صمويل

ماهى :انت مسيحي

شريف :هى تهمة

ماهى :لا انا استغربت بس

شريف :طب احنا اكيد مش هنرغى فى الكنيسة ممكن
اعزمك على حاجة

ماهى :لا اسفة انا ورايا معاد مع صاحبتى

شريف :بس عايز اقولك

ماهى :عن اذنك

وفى نادى من الأندية المعروفة.....تبحثن عن طاولة
بداخل المطعم وتجدن بسهولة واحدة.....ففى هذا
الوقت لاتجد الكثير من الناس خارج المنازل فلم يكن
هناك سوى طاولتين أو ثلاثة فقط شاغرة بالناس.....
تجلسن وتنادى النادل ليطلبن الغداء

ماهى :انا مش عارفة اقولك ايه على العزومة الحلوة
بتاعت النهاردة

وعد:صحيح جاسمن بنت الناس الكويسين..... احنا
لولاكى ماكنش هندخل نادى زى ده

جاسمن :عدوا الجمهيل هى راوية اتأخرت ليه ؟
ماهى :زمنها جاية

فيرن موبايل جاسمن :دى راوية تلاقيها على باب
النادى هروح اجبها

وعد:خدينى معاكى على الاقل اتفرج على النادى
ماهى :طب ما تتأخروش

وتنهض وعد وجاسمن ويذهبون إلى باب النادى
وتفاجأ ماهى للمرة الثالثة به أمامها

شريف :معقول اشوفك مرتين فى يوم واحد
ماهى :أنت تانى

شريف :مش قولت لك استنى ادام طريقنا واحد كنت
هو صلك معايا.....ممكن اقعد

ماهى :لا

فيجلس على الكرسي امامها

شريف: ميرسى

ماهى: هو ايه الموضوع بالضبط هو حضرتك بترقبني

شريف: لا هو بس حظى حلو

ماهى: وانا حظى وحش جدا ممكن لو سمحت تسييني
أنا معايا اصحابى ولورجعوا القوك هيبقى المنظر بايخ

شريف: بالعكس ليه ماتعرفنيش عليهم

ماهى: حضرتك بجح اوى.....ايه حكايتك

شريف: ولا حاجة بس عايز نبقى أصحاب

فلم تدرى بنفسها ووجدت نفسها تمسك بكوب الماء
الموضوع أمامها و تطيح بالكوب فى وجهه.....لتزيد جسده
برودة بالماء الذى أغرقت به ملابسه.....فيشعر بجسده
يرتعش ولكنه يجلس ثابت أمامها من الصدمة

شريف: انا قولت كده انك محتاج صديق بس كان
ممكن تقولى لى انك موافقة ببقى اصحاب بطريقة غير كده
فى البرد ده.....عموما انا مبسوط انى شوفتك عن

اذنك.....ok have a nice day

يمضى ويتركها وتأتى صديقاتها وتجلسن جميعا لتطلبن
الغذاء.....ويقف أمامهم الجرسون

جرسون:تؤمروا بايه يافندم

جاسمن:تاكلوا ايه

ماهى:مش عارفة

راوية:تعرفوا انا نفسى فى ايه

وعد:سمك وجمبرى

راوية:هو ده

جاسمن:ايوة خلاص هات لنا سمك وجمبرى

وعد:بص بقى سلاطات وعيش.....عايزاك تروقنا

جرسون:تؤمروا يا فندم.....المكان مكانكم اى
خدمة تانى

جاسمن:ميرسى

ويمشى الجرسون ثم تنظر وعد إلى طاولة أمامهم.....
فتشعر راوية بان ماهى ليست بخير

راوية:مالك يا ماهى

ماهى :مافيشحد بس عصبنى شوية

وعد :بت يا جاسمن مين المزز دول

ماهى :الله يخربيت عينك الزايغة

راوية :ايه ده الولد الى هناك ده انا حاسة انى شوفته
قبل كده

جاسمن :امير طبعى تكونى شوفتيه عندى على الفيس

راوية :لا انا ماشفتوش على الفيس حاسة انى شوفته
على الحقيقة

جاسمن :امير الطحاوى ده صاحب اكبر شركات سياحة
فى البلد ورثهم عن باباه بس لما تتعاملى معاه ماتحشيش
انه غنى وعنده ملايين

وعد :ومين بقى المز التانى ده

جاسمن :لا ده انا ماعرفوش غير من الصور بتاعته
فى المجالات اسمه نبيل السحرتى صاحب اكبر مجموعة
منتجعات وقرى سياحية فى شرم ومارينا بس ده مايتعاملش
مع اى حد

وعد :يخربيتك يا جاسمن تعرفى كل دول ولسه سينجل

جاسمن: هو ای حد معاه فلوس ینفع یا وعد؟

ماهی: انا کل ما افکر انک کنتی معانا فی الدرس
استغرب ازای دخلتی شلة المنحوسین دی وانتی مدرسة
انترناشیونال واحنا علی ادینا دخلنا التجریبی بالعافیة

جاسمن: ایة الکلام الفاضی ده یا ماهی بقولکم ایة
الاکل جه اهو ناکل احسن بقی

یأتی الجرسون ویتبعه شخص آخر یحمل بصوانی وأطباق
..... فیأخذها الجرسون ویضعها علی الطاولة ثم یدهب

وعد: انا بقول کده السمک بینادینی

راویة: طب انزلی یا اختی خدی لك غطس

وعلی الطاولة التی امامهم یجلس نبیل وامیر

أمیر: یا نبیل بطل تتکلم فی الشغل شویة انا جای هنا
علشان انسی الشغل مش علشان انت تصدعنی بیه

نبیل: **okay I'm sorry** انا مش فاهم انت ازای
ابن رجل اعمال کبیر وما بتحبش البیزنس

أمیر: نصییی السئ الی خلانی ابن رجل الاعمال
بتهیألی لو کنت انسان عادی زی کل البنی ادمین العادیة
کنت هقدر اعیش حیاتی احسن

نبيل :طب **shut up** بقى انا الى غلطان ان عايز يكون
فى بينا شغل

أمير :الشغل بيبوظ الصداقة وانا مش عايز صدقتنا
تبوظ

نبيل :**all right** على راحتك يا امير
أمير :بقولك ايه هستأذنك ثوانى اسلم على ناس
اصحابى

نبيل :او كيه

ويذهب امير الى طاولة جاسمن وصديقاتها

أمير :جاسمن ازيك

جاسمن :هاى يا امير ازيك ماتقعد تاكل سمك

أمير :ما انتى عارفة انا مابجبوش خالص

جاسمن :نسيت اعرفك يا سيدى راوية وعد وماهى
اصدقاء الطفولة

أمير :اهلا **nice to meet u**

راوية : **nice to meet u too**

ماهى :ميرسى

وعد: بخربيت ذوقك

أمير: نعم

وعد: لا ده انا بقول مبسوطين اوى اننا اتعرفنا عليك

أمير: انا اكرأ عن اذنكم مش هعطلكم عن
الغدا جاسمن مبسوط انى شوفتك

جاسمن : me too

أمير : exuce me

ويذهب امير الى طاولته

وعد: يا نهار اسود هو فى كده

راوية : غريبة انا متأكدة انى شوفته قبل كده

جاسمن : سيبكم من امير وقولولى عايزين نحدد اول
مواعيد للبروفات امتى

ماهى : انتى لسه مصره على الجنان ده

جاسمن : انتوا هتغيروا رأيكم ولا ايه

وعد: انا معاكى

راوية : وانا كمان

وينظروا لماهى

ماهى :تتبصوا الى ليه أنا مش معاكم طبعاً ده جنان

وتجلس راوية على سريرها وتضع اللاب توب أمامها
ثم تبحث فى الفيسبوك حتى تجده هذا الغنى الوسيم
الذى لم تعلم أين ألتقته من قبل

راوية :أمير الطحاوى، ياترى شوفتك فىن قبل كده

وفى نفس التوقيت كانت وعدت تجلس أمام الكمبيوتر
وتبحث على النت على صور ومعلومات عن نبيل
السحرتى

وعد:نبيل السحرتى هو ده، اخيراً جيت انا مستنياك
من زمان، انت اللى بدور عليه من زمان علشان يخلصنى
من الارف اللى انا فيه وحياتك لاجيبك يا ابن السحرتى

وفى مديرية الأمن التى تخططها العساكر من كل الجانب
وتقف أمامها عربات الشرطة بالداخل درج كبير
وطويل فى نهايته ممر واسع على جانبيه مكاتب الضباط
..... أما هذا المكتب فإنه خاص ومختلف لأنه مكتب

أهم وأكفء ضابط بالمديرية.....يجلس على مكتبه لمراجعة
قضايا هامة....يدق الباب

سيف: ادخل

طه: جيبى يا سيف

سيف: خير

طه: الاخبار مش عندى، الاخبار عندك انت
وبعدين بصى لى وانت بتكلمنى يا عم

فيرفع رأسه وينظر لطه: فى ايه يا طه اخبار ايه الى عندى

طه: العروسة يا اخى

سيف: عروسة ايه

طه: ماتركز يا حضرة الرائد صاحبة المدام الى عرفتك
عليها امبارح.....ايه ما عجبتكش

سيف: ممممم فهمت بقى دى كانت عروسة الحقيقة
ما خدش بالى منهالان حضرتك فهمتنى انك عزمنى
على عشا برا ولما لقتها قولت جايز صدفه فماركزتش

طه: يعنى ايه هو ما فيش واحدة بتعجبك خالص ايه
يا اخى انت ناوى تفضل عازب على طول

سيف: وانا مضايقتك في ايه أعموما ماما عاملة تزن
عليا انى اشوف عروسة جاييهاالى واحد صاحبى بس انا
مش مقتنع

طه :طب ما تشوفها يا اخى جازيز تغير رأيك

سيف : هشوفها علشان اريحكم ، المهم قضية الطحان
عملت فيها ايه

طه :انت مابتعرفش تتكلم غير فى القضايا، عموما يا
سيدى شغال فيهابس الادلة متلفقة كويس اوى
لدرجة ان مافيش خرم ابرة تدخل منه

سيف :عيب على ضابط كفى زيك يقول كده، سيبك
من العرايس اللى بتجيبهم لى واشتغل احسن

طه :كده طيب يا حضرة الرائد.....لا تستاهل الترقية

سيف :ترقية ايه وايه حكاية حضرة الرائد الى انت
ماسك لى عليها دى

طه :واضح ان العروسة الجديدة وشها حلو عليك،
سمعت طراطيش كلام ان جايلك ترقية فى السكة

سيف :بجد، سمعت ولا متأكد

طه : ماتستعجلش يا حضرة الرائد الخبر هيوصلك لحد عندك

وفى جلسة عائلية جدا.....تجلسن فى الانترية ذو الذوق
العالى الذى يعطينا انطباع عن مستوى هذه العائلة عالية
المستوى....يلتفون حول جاسمن وكأنهم يحاولون اقناعها
بشئ ما انها (قاعدة ستات)

جاسمن :فى ايه يا ماما، وايه الى جاب نجوى
النهاردة.....هو فى ايه وقاعدين بتلفوا ودوروا على ايه
الام:جاسمن يا جيبتي انا مش هفضل قاعدة الموت
مايسبش حد

نجوى :بعد الشر عليكى يا ماما

جاسمن :بس.....الدخلة دى انا عارفها شوفتها قبل
كدهانا شامة ريحة عريس فى الكلام ده

الأم :ده ولد كويس اوى شوفيه بس..... ده ضابط

جاسمن :مهممممم

نجوى :مممكن يطلع كويس يا جيسى

الأم: ده اختك الصغيرة اتجوزت وانتى كبرتى هتفضلى
لواحدك والناس

جاسمن: بس يا ماما كفاية

الأم: قولى لها حاجة يا نجوى

نجوى: ماما ممكن تسيبنا لوحدنا

الأم: حاضر..... وتقوم الام وتدخل المطبخ

جاسمن: نجوى ارجوكى بطلى تقنعينى انى كبرت
وانكم خايفين اعنس ومافيش حاجة اسمها كده اصلا
.....فيه ناس بتتجوز وناس مش عايزة....انا ياسيتى
مش عايزة والناس تولع...يقوله الى يقولوه

نجوى: لا يا جيسى انا مش هكلمك زى كل مرة ولا
هحاول اقنعك بالجوازة زى كل مرة

جاسمن: غريبة

نجوى: انا كل مرة كنت بجرحك فيها اُكنت بحاول
اقنع نفسى انى انا الى صح اوعى تفتكرى الى ماتجوزتش
غلطانة ولا شاذة..... فى ناس كتير متجوزين وحاسين
بالوحدة وكأنهم متجوزوش حاسين بالنقص والفشل أمافيش
حاجة ممكن تجبر الواحدة انها تضحى بعمرها وتتجوز

واحد لا هو حاسس بيها ولا هي حاسة بيه....لا هو
فهمها ولا هي فاهماه وممكن كمان يطلع عيل ماترباش
ويهدلها ويضربها كل ده علشان مايتقلش انها عانس

جاسمن :مش معقول انتى الى بتقولى كده

نجوى :انا اختك الصغيرة صحيح بس انا جربت
يعنى ايه واحدة متجوزة تحس انها ماتجوزتش أأتجوزت
وانا عندى ٢٠ سنة مع انى كنت صغيرة اوى بس تخيلي
فى سنى ده كنت خايفة اعنس اصلهم ماقلولناش العنوسة
بتبدى من كام سنة وانا اكر واحد زينت عليكى
تتجوزى.....علشان بغير منك

جاسمن :بتغيرى منى

نجوى :ايوة... علشان انتى عملتى الى انتى عايزاه
لكن انا عملت الى هما عايزينه أنتى عشتى حياتك وانا
ماعشتهاش أعملى الى انتى عايزاه وماتحافيش من اى كلمة
هتتقال عليكى ماحدث هيعشلك حياتك ولا حد هيشيل
فشلك غيرك وادام انتى الى هتعيشى يبقى انتى الى تختارى

جاسمن :انا بحبك اوى يا نجوىوتحضنها

نجوى :وانا كمان



وتقف وعد ومازن ينتظرا تاكسى سوياً وتنظر وعد
لمازن وكأنها تريد أن تقول شئ وتمنع نفسها
وعد: شعرك ده مش عجبنى كده شكلك يدى على عيل
سيس

مازن: ماتبصيش على اللى بره يا وعد بصى على الاصل
وعد: طيب يا اخويا

مازن: طب فاهمينى يا بنتى رايجين على فين
وعد: وقف لنا تاكسى الاول وبعدين اقولك
مازن: لا قولى الاول انا مابحبش المفاجأت
وعد: رايجين لجاسمن عايزانا فى شقة المهندسين

مازن: وانا هطلع معاكم ازاي وانتوا كلكم بنات وانا
الولد الوحيد

وعد: جرى ايه يا حلوة خايفة نخطفك ولا نتحرش
بيك

مازن: لا يا ماما انا معايا حزام اسود هههههههه أنا
خايف عليكم انتوا الجيران هيقولوا ايه
وعد: لا ما تخافش بشعرك ده هيفتكروك واحدة صاحبتنا

وسط عوادم السيارات وأصوات الكلكسات.... ذلك
المشهد الذى يتكرر يوميا كمشهد الممل

المتكرر فى كل الافلام المصرية، تقف بسيارتها فى إحدى
أكثر المناطق ازدحام فى ميدان التحرير..... تجلس جاسمن
وراوية فى السيارة

جاسمن :افتح لك الكاسيت نتلى شوية

راوية :لا انا عايزاكى فى موضوع مهم

جاسمن :وانا كمان

راوية :طب قولى

جاسمن :لا انتى الاول

راوية :عايزة اسألك على امير الطحاوى ده ايه حكايته

جاسمن :اشمعنى

راوية :انتى عارفة انى بعمل مقالات عن العنوسة
اقصد تأخر الجواز.....وانا ماشوفتش فى ايديه دبلة

جاسمن :بس امير عنده ٣٢ سنة يعنى لسه صغير ده
غير انه ولد

راوية: اشمعنى احنا الى لما بنعدى ال ٣٠ ويمكن قبلها
بنبقى عنسنا يا جيسى

فتنظر لها جاسمن: الاشارة فتحت

وتنطلق بالسيارة هرباً من الزحام والضوضاء

راوية: جيسى الولد والبنت الاتنين دلوقتى بقوا
بيعنسوا او بيتأخروا فى سن الجواز، هو سن الجواز ده امتى
اصلا الى بيتأخروا عليه ماعرفش.....ده بقى من ضمن
موضوعى فى المقال

جاسمن: واميـر ماله ومال الموضوع ده

راوية: عايزة اعرف حد زيه غنى ووسيم وشكله
جيتل ماتجوزش ليه

جاسمن: شوفى يا سىتى امير فى بنات كتير حولوا يقربوا
منه كان فيهم الى طمعان طبعاً وكان فيهم الى معجبة بيه
بس كل ما واحدة تحاول تقرب منه العقارب يطفشوها
راوية: عقارب مين

جاسمن: عمامه الى عايزين يورثوه بالحية وفى الآخر
بقوا مطلعين عليه اشاعة انه نحس وما فيش جوازة له
بتكمل علشان البنات يخافوا يقربوا منه

راوية :وهو عارف

جاسمن : لا ما يعرفش ولو حد قاله مش ممكن هيصدق
ده بيحبهم جدا وبيثق فيهم

راوية :امال انتى عرفتى منين

جاسمن :من البنات اللى كان يعرفهم وهو دايمًا كان
بيحكى لى ان كل موضوع له بيتفشكل

راوية :القصة بتاعته تشد اوى

جاسمن :انتى ايه حكايتك، معجبة ولا ايه

راوية :لا ده انتى دماغك راحت لبعيد اوى، قولى لى بقى
انتى كنتى عايزانى فى ايه

جاسمن :متقدم لى عريس لسه ماشوفتوش بس انا
قررت اتخطب

راوية :ازاى ده انتى ماشفتوش

جاسمن :مش مهم هو مين، المهم انى قررت اتخطب
علشان اسكت ماما و طنط حشرية شوية وبعدين افك
اهم يقولوا انى اتخطبت وفكيت بدل مايقولوا.....

راوية :انتى التجنتى بتقولى ايه

وعندما اجتمعوا جميعاً في الشقة الأنيقة الخاصة بجاسمن
بالمهندسين والتي تنوى عمل بروفات الباند بها نظر مازن
مند هسًا

مازن :ايه ده

جاسمن :شوفت هديتك

مازن :طبله

وعد :ايه رأيك

راوية :مفاجأة

مازن :الراقصة والطبال هى وصلت بيكم الحال لكده
ومين فيكم الراقصة اللى هطبل وراها

وعد:بيقول ايه المجنون ده

راوية :ايه يا عم الافلام دى

جاسمن :يا ميزويا حبيبي احنا هنعمل الباند اللى كنا
بنحلم بيه انت نسيت زمان ولا ايه

مازن :بجد اما حته فكرة

راوية :بس خد بالك انت الولد الوحيد فى الفرقة

جاسمن :يعنى لو زعلتنا.....نكلك

مازن: لا الطيب احسن **good job** عصابة المجانين
راجعة

ثم يفاجئوا جميعاً بصوت الباب الذى تركوه نصف
مغلق ويفاجئوا بماهى أمامهم

ماهى :بس العصابة ناقصة واحدة

فوضع كلا منهم يده فوق يد الآخر ويصرخون سويًا
:ثرى تو وان عصابة المجانين

جاسمن :واخيرا اتلمينا

وفى الطريق ليلاً فى طريق ٦ اكتوبر ووسط الصحراء
الساحرة صباحاً ومخيفاً ليلاً نرى سيارة أمير الذى
يسير فى طريق فارغ تمام وهو يسمع عبد الحليم أغنيته
المفضلة «كان يوم حبك اجمل صدفة» ويصاب بالدهشة
لظهور سيارة مفاجأة خلفه وكأنها تطارده أو تحاول قتله
ويحاول الهرب منها ولا يعرف حتى كادت تقتله
لولا ظهور سيارة بعرض الطريق اعترضت الطريق
السيارة التى تطارده فأصبحت هذه السيارة هى
الخط الأحمر الذى يفصل بينهم فهربت السيارة التى كانت
تطارده بعد أن صدمت السيارة الأخرى التى اعترضت

طريقها وهربت وأما السيارة الأخرى التى حطمت
من الجانب إثر التصادم نزلت منها فتاة جميلة وما كانت
تلك الفتاة سوى راوية التى قادتها الصدفة إلى ما أرادت ان
تقترب منه

راويّة: ايه ده فى ايه

فنظر لها أمير نظرة غريبة لم تعرف هل هى نظرة شكر
أم دهشة أم أنه يتذكر أنه رآها قبل ذلك الوقت

راويّة: انا بكلمك على فكرة

أمير: متشكر

راويّة: على ايه انا عربيتى ادمرت

أمير: انا مش عارف اشكرك ولا اعتذرلك

راويّة: هو كان عايز منك ايه

أمير: ماعرفش واضح انه كان عايز يقتلنى بس انا
ماليش اعداء دى حاجة غريبة

راويّة: انت متأكد ان مالکش اعداء فعلا

أمير: نعم

راوية: لازم تاخذ بالك من الى حواليك كويس انا
مش كل مرة هتنقذك.....قصدي مش كل مرة الصدفة
هتنقذك

أمير: انا اسف على الى حصل في عربيتك أنا هصلحها
لك ممكن اوصلك يا

راوية: راوية صحفية في الخبر الحر

أمير: امير الطحاوى ، ياريت تقبلى انى اوصلك

راوية: مفيش قدامى حل تانى

فيركن لها سيارتها ثم تركب معه سيارته ويدور السيارة
ليو صلها

أمير: انا بصراحة مش عارف اشكرك ازاي

راوية: وانا مش عارفة اشكرك على الى حصل لعربيتى
بسببك

أمير: انا اسف انا هوصلها لك الصبح لحد عندك بعد
ما تتصلح

راوية: عموما حصل الخير

أمير: بس انتى متأكدة انى ماشفتكيش قبل كده

راوية: بتهيا إلى جاسمن عرفتنا على بعض

أمير: افكرت انتى صاحبة جاسمن انا اسف ازاي
مافكرتش

راوية: انت بتعتذر كثير اوى عمو ما انت مديون لى
بجميلة

أمير: طبعا قولى لى اردھا لك ازاي

راوية: سهلة جدا..... تدينى الكارت بتاعك اجى
اتكلم معاك واعمل مقال عن شركتك

أمير: بس كده انتى تؤمرى

راوية: بس عندك البيت هنا

أمير: تصبى على خير

وتنزل راوية من السيارة: وانت من اھله

يجلس منتصر الطحاوى على المكتب وأمامه أخيه متولى
الطحاوى يخططان كيف يتخلصان من ابن أخيهم ليرثوا
الثروة والشركات

منتصر: الله يخربيتك ازاي تعمل حاجة زي دي من غير
ماتقولي

متولي: واحنا هنفضل مستنين لحد ما عزرائيل يجي
لو حده ده عيل صغير أيعني لسه عمره طويل انا قولت
اعجل بالحكاية

منتصر: كويس ان الرجل بتاعك طلع خايب وما عرفش
يعمل المصيبة دي..... انت عارف ان امير ممكن يكون
سايب وصية وما نطولش منه حاجة..... ولا يتهمونا بقتله
متولي: طب وبعدين

منتصر: ابعث لنانسي بتك هي الحل الوحيد

متولي: نانسي هتعمل ايه يعني

منتصر: انا مش قادر استحمل غائبك، احنا خايفين
انه يتجوز ويكون له وريث

متولي: اه طبعا

منتصر: و لو الوريث ده كان حفيدك

متولي: حفيدى ازاي تقصد نانسي بتتى

منتصر: تتجوزه

متولى :افرض ماوقفش

منتصر:متولى.....هى بنتك سهلة دى توديه البحر
وترجعه عطشان.....ابعت لها وبعدين نبقى نرسم
خطة للحكاية دى

وتدخل راوية غرفتها وهى تفكر فى هذه الليلة الغريبة
كيف مرت وكيف قادها قدرها صدفة للشئ الذى تريده،
هل هذا يعقل من هذا وإلى أين ستقودها تلك القصة
المجنونة التى تركض وراءها بحاستها الصحفية ولماذا
أختارت أمير من ضمن أبطال مقالاتها المجنونة ولماذا تشعر
أنها تعرفه من أول لحظة رآته ولكنها ليست بالشخص
العاطفى.... فهى فقط تفكر كيف تستفيد من قصته
فى مقالاتها عن العنوسة.... ولكنها تشكر الله أن أخيها
سافر مع زوجته وإلا كان أعطاها النصائح اليومية والنشرة
المسائية التى تسمعها دائماً عندما تتأخر.

وفى ظهيرة اليوم التالى كانت جاسمن تنتظر وصول
العريس الموعود التى قررت قبل أن تراه أن توافق عليه
مؤقتاً ثم تحاول تطفيشه بعد ذلك.... أما سيف فذهب مع
والدته ليرى عروسته الموعودة التى لم يكن يتحمس لها

إطلاقاً..... فهو ضابط وأعباء مهنته لا تتحملها أى امرأة
عاقلة وغير ذلك أنه يجب عمله أكثر من النساء، فدخل
سيف إلى بيت عروسته لأول مرة وأجلسته والدته العروسة
في الصالون مع زوج ابنتها الصغيرة..... ووضع علبة الجاتو
التي يحملها على الطاولة أمامه

جلال: أهلاً يا سيف اتفضل

سيف: جلال ازيك

جلال: لحد دلوقتي كويس وربنا يستر

سيف: ليه فى حاجة

جلال: لا دى شوية مشاكل فى الشغل آيه يا طنط امال
فين جاسمن

الام (فتوشوشه فى اذنه: متقلقش جاية مش هتقلب
التريزة زى كل مرة

جلال: ربنا يستر

جاسمن: مساء الخير

و كما جرت العادة أن يترك الأهل العروسين ليتعرفوا
على بعضهم البعض ولكن فى حالة جاسمن وسيف هما
الذين تركوا الأسرة وجلسوا فى الشرفة..... يشاهدون

السيارات والمارة وما يحدث في الشارع ثم نظر سيف
لجاسمن

سيف: ممكن اقولك يا جيسى مش كده

جاسمن: بصراحة انا

سيف: وانا كمان..... تعرفى انى تعبت من ماما من
كتر مازنت عليا فى موضوع الجواز ده

جاسمن: نعم

سيف: مش انتى كتنى هتقولى انك تعبتي من مامتك
من كتر ما زنت عليكى علشان كده وفقتى تشوفينى

جاسمن: ايه ده انت بتقرا الافكار بقى

سيف: عينيكى اللى بتقول انا ضابط برضه وافهم
المتهم من النظرة الاولى

جاسمن: بس انا مش متهمه

سيف: وانا مش عريس..... انا اصلا مانفعش
فى الجواز انا بحب شغلى اكر من اى حاجة وعمرى
ما جربت احب غيره اصلا

جاسمن: هايل اتفقنا

سيف: موافق

جاسمن: على ايه

سيف: اننا نتخطب علشان نريهم واهو ناخذ راحة
من الزن.....مش كده

جاسمن: انت هایل هایل اوى وانا كمان موافقة علشان
انا برضه الزن تعبني

سيف: انتى حلوة اوى على فكرة

جاسمن تبسم: انت بتعاكسنى ولا ايه

سيف: مش خطييتى احنا اتفقنا عموما انا خايب اوى فى
الكلام الحلو وتقريبا مابعرفش اتعامل مع ستات
جاسمن: ده كويس برضه

وفى شركة أمير الطحاوى، هذه الشركة الضخمة التى
لا يعرف عدد موظفيها الكثيرة وفى مكتبه الأنيق جدًا ذو
الديكورات الكلاسيك التى يعشقها.....فخلف مقعده
ساعة تشبه ساعة بيج بن من كثرة حبه للسفر واقتناء
التحف أيضًا.....تدخل عليه سيكرترته

السكرتيرة: فى واحدة بره عايزة حضرتك اسمها راوية

أمير: معقول جت بالسرعة دى دخليها

راوية: مساء الخير

أمير: اهلا اتفضللى تشربى ايه

راوية: اى حاجة عايز تشربها لى

أمير: عندنا عم صبحى هنا بيعمل قهوة حكاية

راوية: يبقى قهوة عم صبحى المظبوظة

أمير ينادى على السكرتيرة: قولى لعم صبحى يجيب اتنين قهوة مضبوط.....نزلتوا اعلان ان مطلوب سكرتيرة ولا لسه

سكرتيرة: لسه يا فندم اصل

أمير: اصل ايه اتفضللى قولى لهم ينزلوا.....السكرتيرة ماشية اخر الاسبوع واتسوح انا بقى

راوية: نعم

أمير: لا خيلنا احنا فى موضوعنا اتفضللى ابدئى الحديث

راوية: بصراحة انا قبل ما ابدأ الحديث عايزة اشكرك انت بجد بتاع معجزات ازاى لحقت تصلح العربية و كمان تحطها تحت البيت الصبح قبل ما انزل الشغل

أمير: انا ما فيش حاجة بتصعب عليا الحقيقة ما حبتش
اصحكي الصبح

راوية: انت عرفت عمارتي منين مع انك ماوصلتنيش
عندها

أمير: مين قال كده انا ممشتش غير لما شوفتك وانتى
داخله العمارة والصبح لما روجت اديت مفتاح العريية
للبواب يوصلها لك ما حبتش ازعجك

راوية: انت مذهل فعلا بس حد زيك كده ليه ما
تجوزتش لحد دلوقتي

أمير: هههههههههههه ده سؤال صحفية ولا معجبة

راوية: صحفية طبعا

أمير: بلاش اسئلة شخصية انتى جاية علشان الشركة
وهو ده اللي اقدر اجوبك عليه..... نبدأ

راوية: اه طبعا

وفي الكنيسة أمام المذبح تجلس ماريهان في جلسة اعتراف
مع أب اعترافها

ماهى :يا ابونا ارجوك انا مش عايزة اتجوز

ابونا :ايوة يا بنتى بس ابوكى قلقان عليكى

ماهى :قوله مايقلقش يا ابونا قوله ان «لكل شئ تحت
السموات وقت » مش الكتاب قال كده

ابونا :ايوة يا بنتى مضبوط ربنا يجعل ايماننا زى ايمانك
القوى ده وانا متأكد ان ربنا هيجبك اكثر من اللى بتحلّمى
بيه علشان ايمانك دهبس انا برضه عايزك تفكرى

ماهى :صلى لى يا ابونا

ويضع القسيس الصليب على رأسها ويصلى لها ثم
تركه وتضطدم به للمرة الثانية

ماهى :انت تانى

شريف :على فكرة انا مش جايلك

ماهى :دكتور شريف صدقنى لو فضلت تطاردنى
بالشكل ده انا هقول لمراتك

شريف باستغراب:مراتى بس انا مش

ماهى :ماتكدبش الدبلة فى ايدك مش هتكذب

شريف :انا مش بطردك وبعدين انا جاى لابونا يسى

ماهى :وكمان دى صدفة... عموما انا عندى مدرسة
ومش فاضية لك

وتذهب وتتركه.....فيجلس الكاهن ليتحدث معه

شريف :سلام ونعمة يا ابى

الكاهن :شريف انت مختفى فين

شريف :المستشفى يا ابونا واخدة وقتى كله

الكاهن :وربنا له حق عليك

شريف :طبعاً يا ابونا انا باجى القداس كل حد

الكاهن :انا عارف يا شريف ربنا يباركك ويعوضك يا
ابنىمراتك كانت ست قديسة ربنا ينيح روحها انت
بقالك ٥ سنين دلوقتى عايش لوحدة من يوم وفاتها

شريف :معلش يا ابونا انا مرتاح كده

الكاهن :بس كده يا ابنى حرام عليك..... انك تقعد
لوحدة باقية عمرك انت لسه صغير

شريف :عموما يا ابونا صلى لى يمكن ربنا شايل حاجة
حلوة

الكاهن :ده اكيد انه شايلك هدية

وفى شقة المهندسين تجتمع الشلة لتبدأ أول بروفاتها
ماهى :انا انا اغنى انتوا اتجنتوا..... مش كفاية
انى وفقت انى اعزف معاكم ...لا انا مقدرش اغنى
وعد :ليه انشاء الله هيعلقولك المشانق ولا خايفة
يحدفوكى بالبيض

جاسمن :ما انتى عارفة يا وعد انها بتخاف من خيالها
راوية :الله ماتسبوها براحتها
فيغنى لها مازن :غنى لى شوى شوىغنى لى وخذ
عينيا

ماهى :مفيش فايدة برضه هعزف بس
راوية :خلاص يا جماعة ماترخموش عليها واخلونا نبداً
بروفة بقى

وتغنى وعد: الهشباشاتاكاهشباشاتك يعنى وبعدين
معاك يا ساقينى المرسك

يرد مازن: مراية الحب عامية بلورها مش اوى ونار
الحب حاميه وانا فيها بتكوى

الجميع: مابلاش ان كان ضرورى اشوى لك رطلين
بورى

وعد: ده القلب من هواك بيعمل تكتك

مازن: يعنى وبعدين معاكا يا ساقينى المرسك

ويضحكون جميعاً

جاسمن: بس كفاية تهريج بقى احنا عايزين نبدأ
بروفات بجد

مازن: امال احنا بنعمل ايه دلوقتى

راوية: بصوا بقى انا هعمل اعلان عن البند بتاعنا فى
الجرنال الى انا شغالة فيه لازم نعمل لنفسنا دعاية

ماهى: ايوه صح

جاسمن: بس انا عندى اول حفلة هنعملها

وعد: فين

مازن: جدعنة يا سیتی..... انا ماصدقت العریة
اتصلحت

وعد: جدعنة بشعرك ده مش لایقة عليك

مازن: انا مش عارف شعری مضایقكم فی ایه

وعد: بصراحة مش منظر راجل یا مازن

مازن: هو الراجل بالمنظر، الراجل هو الی بیتصرف
تصرفات الراجل مش الی لابس بدلة وكارفتة ویلا
اطلعی بقی مع السلامة

وعد: بای

وعندما تصعد وعد إلى منزلها ينزل مازن من سيارته
ويقف أمام عربية الكبدة

مازن: مساء الخير

قمر: جبرنا یا باشا

مازن: ده انا عایز انفعك

قمر: وانا بقولك جبرنا

جابر: قمر الزمان یا مساء الورد والفل والياسمين

قمر: وبعدين بقی فی الليلة الغبرة دی

حميدو: جرى ايه يا بت يا قمر او مال فين الاويج
بتاع النهاردة

قمر: مش دافعة يا حميدو مايتلويش دراعى واللى
عندك اعمله

مازن: جرى ايه يا بهوات ما قالت لكم سكتكم
خضرا

جابر: اخرج منها يا ابو شعرا انت

مازن: انا مش عارف يعنى اقصه علشان ترتاحوا

حميدو: اصل لمؤخدة شكلك مايديش راجل بشعرك ده

جابر: وياترى بتعمله سشوار ومكوة

ويضحكان جابر وحميدو ثم يذهب حميدو ويضع يديه
على كتف قمر

حميدو: بت يا قمر اعلى بالمعلوم بدل ما اعملها معاكى

فيمسك مازن يد حميدو: وهى دى بقى الرجولة تمد
ايدك على واحدة ست

ثم يتعاركون سوياً قمر تضرب جابر و مازن يضرب
حميدو

قمر: هسسسس انت هتعملنا هيصة الولاد نايمين

مازن :ولاد هو انتی متجوزه

قمر: لا اخواتي الصغيرين

مازن: انتی مش خایفه منی

قمر: ههههههههههههه خايفة انت مش شايفني لسه
طاحنة اتنين قدامك

مازن : قصدك طاحنينهم

قمر: بس انت طلعت جامد ماکتتش اعرف انك
بتضرب

مازن :يا بتي الراجل مش بشكله ممكن يبقى بشنب
يقف عليه الصقرو عيل

قمر: معاك حق يلا مش خدت واجبك ورينا جمال
خطوتك

مازن: انتى عايشة بين الوحوش دول ازاي

قمر: بدراعى انا اتكتب عليا ابقى راجل البيت
ده.....يلا بقى ممكن تمشى علشان ماتعمليش مشاكل
مازن: دى نمرة تليفونى ممكن لو عوزتى حاجة
تكلمينى

قمر: مش عارفة هشوف

مازن: تصبى على خير

قمر: وانت من اهله

وعلى أريكة كلاسيكية تجلس راوية فى الصالة أمام
التلفاز فيأتى أخاها وزوجته يجلسان بجانبها وهى فى
وسطهم

راوية: فى ايه

شمس: شوفى بقى انا حالك المايل ده مش عجبني

راوية: وانتى مالك بيا انتى مرات اخويا مش وصية
عليا يا شمس

طارق: ولا انا عاجبنى تأخيرك كل يوم بالشكل ده
انتى عازبة وكلام الناس عليكى كتير انتى مش دريانه انا
عاشين وسط ناس

راوية: ولو اتجوزت هتبقى ست متجوزة وماينفعش
انزل من غير اذن جوزى ولو اطلقت ابقى مطلقة والناس
مش هتسينى فى حالى ولو اترملت هيطمعوا فيا هما
امتى هيسيونى فى حالى لما اموت هو انا المفروض اموت
يا ابيه علشان اتولدت بنت

فيحضنها أخاها

طارق: راوية انتى اختى وانا بخاف عليكى حقك عليا
انا ما قصدش ازعلك يا حبيبتى وما حدش يقدر يتعرض لك
بس علشان خاطرى ما تتأخريش انا بقلق عليكى ممكن

راوية: حاضر يا طارق

طارق: تصبى على خير

راوية: وانت من اهلك

شمس: ماتنسيش تقفل الانوار

راوية :حافضة التعليمات بالحرف يا مرات اخويا

شمس :طيب يا اختى وحياتك ماتسهرش

راوية :طيب

يدخل طارق وزوجته الى غرفتهم وتجلس راوية فى الصالة لمشاهد مسلسلها التلفزيونى المفضل هبة رجل الغراب وهى تشاهده وتفكر

راوية :طب ازاى ادخل شركة امير انا حته لو قدمت كسكرتيرة ممكن يرفضونى غير ان امير عارف شكلى وبعدين وهى تشاهد اللقطات الكوميدية بين أدهم وهبةحيث تقع السكرتيرة قبيحة الشكل فى حب صاحب الشركة الوجيه الوسيمولكنها تخفى الحب فى قلبها لأنه حلم مستحيل إلى أن يلعب عليها صاحب الشركة ويمثل عليها الحب ليضمن ولائها

راوية تصرخ :هبة أيوة كده.....هو دهاعمل بنت وحشة واغير شكلى واكيد هما مش هيشكوا فىا ولا عمرهم هيفكروا انى ارسوم عليه ولا انه يجبنى وبكده يأمنوا لى ويسبونى اقعد فى الشركة الله عليكى يا هبة الله

لتبدأ خيوط الصراع على الأحلام في الشابك ويتصارع كل منا على أحلامه... الطموح، الحب، الثروة والنجاح فيبدأ كل منا يركض نحو هدفه ولكن في طريق الهدف نقابل الكثير من المفاجآت والأحلام الأخرى التي قد نسيناها لتحيا مرة أخرى عن طريق الصدفة أو ما يسمى بالقدر

عندما تحارب من اجل حلمك فأنت حى، ولكن تأكد أنك تحارب من أجل ما يستحق أن تحارب من أجله..... تحارب المجتمع بأكمله وتقاليده الخاطئة تلك كانت أولى كلمات راوية في مقالها الجديد، أولى مقالاتها عن العنوسة من هى العانس هل هى من لم تتزوج فقط ، هل العنوسة تختص بالفتيات وما هو سن العنوسة..... متى يمكن أن نطلق هذا اللقب على فتاة أو حتى على رجل نعم على رجل أيضاً.....لماذا يركضون وراء الزواج ويقولوا أنه قطار سيفوت؟ هل هناك سن تنتهى به صلاحية الإنسان ولا يصلح للحياة.....نعم لن أتزوج إن لم أجد الأمير الذى أحلم به وليقول المجتمع ما يقول فأنى مسئولة عن أحلامى ونجاحى وفشلى فلماذا يحاسبنا المجتمع على حياتنا الشخصية.....لماذا يرسمون لنا حياتنا وأحلامنا؟

وفي هذه الأثناء كانت تجلس وعد في غرفة نومها تخطط لاصطياد نبيل السحرتى وكيف تتعرف عليه، فقد درست جميع الأماكن التى يتردد عليها جيداً لتكتمل خططها بجزء بسيط بمكالمة تليفونية لصديقتها جاسمن..... لتطلب منها بعض الملابس الأنيقة لتكتمل خططها وتفهم صديقتها بأنها تريد الملابس لعمل جديد يتطلب عليها مظهر لائق وتشغل جاسمن فى تجهيز حفلة الخطوبة المزيفة التى تعرف نهايتها جيداً ومتى تنهيها ولكنها لا تعرف ماذا يجبى لها القدر أو انها إرادة القدير... يستعد أيضاً سيف أن يخوض هذه التجربة التى رفضها كثيراً..... فهل من الممكن أن يحب شئ غير عمله فقلبه لا يسع الحب، فأن عمله يستحوز على قلبه وعقله .

وحينها كان يجلس شريف على الأريكة المودرن بالصالة..... شارد بمريضته..... تلك الحالة التى جذبتة لا يعلم لماذا ولكن هذا ما حدث ويفكر فى الكذبة التى كذبها بغير قصد بأنه متزوج فتأتى أخته بجانبه

جيرمين : فى ايه يا شريف

شريف : مش عارف هى حكاية غريبة كده مش مفهومة

جيرمين :حكاية ايه مالك

شريف :مريضة عندى أهى مش مريضة بالضبط يعنى هى

جيرمين :هى مين

شريف :هى واحدة جات لى العيادة مريضة يعنى بس
لاحظت ان مرضها مش عضوىممكن يكون نفسى
غالبا اكتئاب

جيرمين :ده واضح انك مهتم اوى

شريف :مش بالضبط بس حالة شدانى وعايذ اساعدها
وهى مش مدية فرصة لحد يساعدها قبلتها كام مرة صدفة
جيرمين :صدفة مممم

شريف :كل ماتشوفنى تهزق فيا وبتتهمنى انى ماشى
وراهاها فى كل حته وفى الاخر افتكرت انى متجوز علشان
الدبلة اللى فى ايدى

جيرمين :ماقولتش الحقيقة ليه

شريف :اولا هى اللى فهمت غلط أثنيا انا بصراحة
عجبتنى اللعبة خليها فاهمة انى متجوز بتهيألى كده
هيساعدنى اكر

جيرمين: عموما خد بالك احسن ممكن السحر يتقلب
على الساحر

شريف: همممم سحر سحر ايه ... امال فين ديفيد

جيرمين: خلص الواجب ونام قدامنا بكرة يوم طويل

شريف: اشمعنى

جيرمين: سيف جارنا عزمنا على خطوبته ومش معقول
مش هنروح

شريف: اه طبعا هنروح

و فى ازدحام شديد فى قاعة فى فندق فخيم، تملئها
الأضواء الملونة التى تعطى ضى لزينة المكان وتجعله غاية
فى الاناقة، فى ليلة تسعد كل فتاة وهى ملكة الليلة والمكان
وعيون الجميع عليها، فى تمثيلية أنيقة تقوم ببطولتها جاسمن
التى تمثل على جميع الموجودين بأنها العروس السعيدة التى
وافقت أخيراً على العريس الموعود، فى كذبة قد تقودها إلى
قدر لا تعرفه حيث كذبت على الجميع عدا راوية صديقتها
التى تعرف تفاصيل المسرحية

ويأتى بند المجانين الذى يمثل لهم هذا اليوم، يومًا
مميز فهو بداية تحقيق أحلامهم فى الموسيقى وأول حفلة لهم
وللحظ السعيد خطوبة صديقتهم ومؤسسة الفريق، فهو
يومًا مميزاً من كل الزوايا

مازن: أنا مش عارف قلقان ليه

وعد: من ناحية ايه بالضبط

مازن: من ناحية صاحبك المجنونة

وعد: ده انا هموت واشوفها ياترى شكلها هيطلع ايه

راوية: هيطلع ايه عروسة

ماهى: انا حاسة انها هتعمل مفاجأة ومش هتخضر
خطوبتها

مازن: تعملها دى مجنونة

راوية: بالعكس دى علشان مجنونة هتيجى ربنا يعديها
على خير

ماهى: طب ممكن نبدأ بقى

ثم تنظر ماهى اتجاه الباب وتتفاجأ ويتغير وجهها
وتصيح

ماهى :يا نهار اسود

راوية :فى ايه يا مجنونة

ماهى :الدكتور اياه

راوية :شريف هو فى فى

ماهى :اسكتى خالص دلوقتى

وعد:طب بطلوا جنان بقى العروسة جت

ويبدأ كل منهم بالعزف ويعزفون موسيقى هادئة لأغنية
انا قلبى دلىلى

وتدخل جاسمن التى ترتدى فستان أزرق أنيق وتضع
على رأسها تاج وكأنها أميرة وتمسك بيد خطيبها سيف

وتبدأ وعد بالغناء :انا قلبى دلىلى قالى هتجبنى
قلبنى دلىلى قالى هتجبنى ودايما يحكى لى وبصدق قلبى ...
انا قلبى قلبى دلىلى.....يجذب سيف جاسمن اليه

جاسمن :ايه ده انت هتعمل ايه

سيف :هرقص

جاسمن :معايا

سيف :المفروض ارقص مع مين

جاسمن :انا مابعرفش ارقص

سيف يمسك يدها ويقترب منها:بس انا بعرف
وهعلمك

ويبدأ رقصته الاولى مع خطيته المجنونة فتنظر له وهى
لا تعرف ماذا يدبر لها وهو يعرف انها لا تريده هل ينفذ
معها خطة ام انه يتحايل عليها بذكاءه ليوقع بها فى لعبة
زواج حقيقية

اما الحفل المليئة بالمفاجآت لم تخلو من مفاجأة لراوية
ولكنها مفاجأة متوقعة بحضور امير كصديق يحضر حفل
صديقه أو عندما تنتهى الرقصة يجلس العروسين وينتهى
البند ويبدأ الذى جى فيجلس فريق المجانين على طاولة
بجانب طاولة شريف الذى يتفاجأ ايضا بوجود ماهى

شريف :مش معقول

جيرمين :فى ايه

شريف :البنت اللى قولت لك عليها هنا

جيرمين :هى فين

شريف :الى قاعدة فى التراييزة الى جانبنا لابسة فستان
اسود

جيرمين :طول عمرك ذوقك جامد

شريف :انا ناقص هزارك دلوقتي

أما على طاولة فرقة المجانين كان الدكتور هو موضوع
الحوار

ماهى :اكيد دى مراته

راوية :انتى مالك مهتمة اوى كده ليه

ماهى :ماfish علشان هو اللى ماشى ورايا فى كل حته

وعد:ميزو ماتيجى ترقص معايا

مازن :مين ميزو ده

وعد:انت

مازن :انتى راضية عنى اوى

وعد: يعنى هترقص ولا اقوم ارقص لوحدى

مازن :عيب على جيتل مان زى يسيب واحدة زى

القمر ترقص لوحدها

وعد:انت بس لو تقص شعرك ده

مازن :انا مش فاهم مضايقكم فى ايه

وعد: غايظني أماعلينا يلا بينا

فيقوم مازن ويقف امامها

مازن : **mademoiselle** تسمحي لي بالرقص دي

وعد: مميمم اولك

فيمسك يدها ويأخذها ليرقصوا سوياً ويقترّب شريف
من الطاولة التي تجلس عليها ماهى وصديقتها

شريف : ماهى ممكن كلمة

ماهى : انت تانى

شريف : ممكن نبقى اصحاب وتبطلي كل ماتشوفيني
تتجننى عليا.... وتيجى معايا اعرفك بجيرمين

ماهى : اوك احنا اصحاب ارتحت كده

شريف : جدا اتفضلي معايا علشان اعرفك عليها

فيصطحبها شريف ليقدمها لأخته ، فيجد أمير راوية
وحيدة ويذهب ليجلس معاها

أمير : تسمحي لي اقعد معاكي

فتنظر راوية خلفها وتجده وتبتسم

راوية: طبعا اتفضل

أمير: انا مبسوط اوى انى شوفتك

راوية: ميرسى قولى ايه رأيك فى المقال الى كتبته عنك

أمير: هايل عجبنى اوى الحقيقة اسلوبك فى الكتابة ممتاز
انا بقيت بتابع مقالاتك

راوية: ميرسى اوى انت مجامل اوى

أمير: على فكرة انا مابجاملش انتى صحفية كويسة اوى

راوية: ايه ده انت بتفهم فى الصحافة

أمير: على قدى

راوية: احنا كده هنبقى اصحاب

أمير: اكيد

وهناك على طاولة بعيدة عن الجميع تجلس والدة
العروس لتستريح من الضوضاء وتجلس بجانبها ابنتها
الصغرى وزوجها

الأم: نجوى انتى قاعدة ليه أما تقوموا ترقصوا يا جلال

جلال: انا اصلى مابعرفش ارقص

نجوى :معلش يا ماما سيينا على راحتنا انا اصلى
تعبانة شوية

الأم: براحتكم انا هقوم اشوف المعازيم
فتذهب الأم وتتركهم وتنتهز نجوى الفرصة
لتحدث مع زوجها

نجوى: في حاجة مضايقاتك

جلال: لا انا بس مابحبش الدوشة

نجوی: جلال انت متغیر ولا بیتھیالی

جلال: انتی بیتھیالک حاجات کتیر الیومین دول

نجوی: تعرف اننا بقالنا کثیر مارقصناش سوا

جلال: هههههههههههه انا مار قصناش غير يوم فرحنا يا
نجوى

نجوى: عندك حق صحيح

جلال: انا هقوم اشوف البوفيه عن اذنك

أما على طاولة شريف، جلست ماهى لتتعرف على
جيرمين

ماهى: انا مبسوطة اوى انى اتعرفت عليكى يا مدام
جيرمين

جيرمين: وانا كمان

شريف: بس قولى لها بقى انى دكتور كويس احسن
ما بتسمعش كلامى.....ومش مقتنعة انى دكتور اصلا

ماهى: لا خالص يا دكتور انت الى مش مقتنع انى
مش عيانة.....افنعى جوزك ارجوكى ده مصر انى عيانة

جيرمين: جوزى

شريف يغمز لها: ايوة يا جيرمين بس ساعات فى
مريض ما يكونش عارف انه مريض يا ماهى

ماهى: هو انت عرفت النيكيم كمان عموما الزمن
هيثبت لك انى مش مريضة

جيرمين: لا انتوا هتخانقوا ولا ايه

شريف: لا دى مجرد مناقشة.....الخناقة خليه بعدين
علشان ده فرح ولا ايه يا ماهى؟

ماهى :اه طبعاً

جيرمين :اه صحيح انتى تعرفى سيف منين

ماهى :لا انا اعرف جاسمنصاحبتى

شريف :احنا بقى نعرف سيف.... جارنا

وما إن انتهت الليلة وبدأت كل منهن فى تحضير خطتها، بدأت وعد فى تحضير الفساتين التي استعارتها من صديقتها ووضعتهن فى خزانها، أما راوية فبدأت فى ترتيب أوراقها التي ستقدمها فى وظيفة السكرتارية باسم هند جمال واشترت خط اخر جديد، شخصيتها الجديدة التي اختلاقتها لتدخل شركة أمير الطحاوى وعالمه السرى الذى لا يعرفه أحد. ولكنها لم تتعب فى تحضير الاوراق لأنها أوراقها الحقيقية لأن هند هو اسمها الحقيقى الذى لا يعرفه سوى المقربين فقط... وكل ماكانت تحتاجه فقط ملابس الشخصية وبعض المكياج لتختبأ فى شخصية هند السكرتيرة.

وجاء الوقت واليوم هو يوم المقابلات الذى سيختار أمير سكرتيرته وكانت هند (راوية) أول المتقدمين بعد إن بدلت شكلها تمام لتكون شبيهة هبة رجل الغراب، أرادت نظارة كعب كوباية وركبت تقويم أسنان وأيضاً

أثقلت حواجبها بالكحل لتظهر أنها غليظة وأرتدت قميص وتنورة طويلة.....جاء دورها ونادت عليها فتاة الاستقبال هند جمال فدهشت الفتاة من مظهرها الغريب الذى ليس به جمال بالمرّة ثم دخلت عليه مكتبه وهى خائفة من أن يكشفها فغيرت نبرة صوتها أيضًا وجعلتها نبرة رفيعة وكان يجلس فى المكتب مع أعمامه، فنظر لها مندهش من شكلها العجيب

أمير: اتفضلى يا انسة انتى هند صح

هند(بنرتها الرفيعة: ايوة هند جمال

أمير: معاكى ايه يا انسة

هند: شنطة لسه شريها امبارح

أمير: ههههههههه لا اقصد خريجة ايه

هند: تجارة انجليش تقدير عام جيد جدا

أمير: مممممممم حلواوى

منتصر: تعرفى كمبيوتر

هند: طبعا

منتصر: وتعرفى ايه كمان

هند: بعرف ارد على التليفون أرتب المواعيد
أمير: حلو اوى طيب ممكن تسيبي السى فى وهنكلمك
اتفضللى

هند: حاضر

منتصر: استنى عندك انتى استلمتى خلاص

أمير: ايوة يا عمى بس

منتصر: ايه يا أمير

أمير: مافيش يا عمى

منتصر: اتفضللى يا هند وتيجى تستلمى شغلك من بكرة

هند: ميرسى اوى

وتخرج هند وينظر امير لعمه

أمير: ايه اللى انت عملته ده يا عمى

منتصر: البنت كويسة جدا هى لازم تكون قمر يعنى

أمير: مش فكرة جمال يا عمى بس دى واجهة الشركة
وبعدين دى شكلها غيبة

منتصر: دى احسن حاجة فيها

أمير: نعم

منتصر: اقصد يا سيدى مش غبية ولا حاجة

أمير: عموما هجرها اسبوع ونشوف

متولى: طيب نروح على مكتبتنا احنا بقى

ويخرجون الى مكاتبهم

متولى: ايه الى انت مختارها دى

منتصر: هى دى الى هنضمن مايبصلهاش خالص احنا لازم ناخذ بالناس من سكرتيرته دى بيقضى معاها معظم الوقت وبعدين شكلها غبى وده بالضبط الى احنا عايزينه

فى كوستا المعادى كانت تجلس على طاولة تشرب كابتشينو حتى جاء فريستها نبيل السحرتى ليطلب قهوته، فتتظر حتى يشرب قهوته ويطلب الشيك فتطلب الشيك هى أيضًا وتذهب خلفه، وهو يقف فى الخارج أمام الكافيه يتحدث فى الموبايل لتأتى بجانبه وتبدأ الخطة وتمثل بأنها تشعر بدوار

نبيل: ايوه اقفل دلوقتى هطلبك تانى

وعد: اه اه

وتميل عليه وكأنها تستند عليه

نبيل: في حاجة انتي كويسة يا انسة

وتقع مغمى عليها

نبيل: يا انسة يا مدام

فيأتي الساييس

الساييس: في حاجة يا باشا

نبيل: هو انت مش شايف يا غبي اسندها معايا

ندخلها جوة

فيسندوها ويجلسوها بداخل الكافيه حتى تفيق

وعد: اه في ايه.... هو ايه الى حصل

نبيل: انتي كويسة ؟

وعد: هو ايه الى حصل

فينظر نبيل للنادل: انت بترسم لي صورة ولا حاجة.....

اتفضل واقف كده ليه..... روح هات ليمون بسرعة

النادل: اوامر ك يا نبيل بيه

وعد:نبيل

نبيل :نبيل السحرتى

وعد:واضح انك معروف هنا

نبيل :اصلى زبون هنا باجى تقريبا كل يوم اخذ قهوتى
هنا انتى كويسة دلوقتى

وعد:اه الحمد لله

نبيل :اسمك ايه بقى

وعد:انت هتصاحبنى ولا ايه

نبيل :يعنى انا غلطان انى سندك لحد هنا أصحيح
خيرا تعمل شرا تلقى

وعد:خلاص انا بهزر انا وعد أبابا باهر طاهر رجل
اعمال كبير وانا بشتغل معاه

نبيل:انا اول مرة اسمع الاسم ده

وعد:همم اصل انا وبابى كنا عايشين فى باريس كل
شغلنا برة بس انا نزلت مصر من كام شهر وقررت
اشتغل هنا

نبيل: اهلا وسهلا تشرفنا انا اسف جدا.....انا
مضطّر اسيبك لان عندي **meeting** مهم

وعد: والليمون

نبيل: ماله

وعد: مين هيحاسب عليه.....قصدي مين هيشربه

نبيل: بالهنا والشفا انا عازمك عليه أممكن اخذ تليفونك
اطمن عليكي

وعد: طبعا أقصدي ممكن مع اني مش بدى تليفونى
لاى حد

وتعطيه رقمها ثم يذهب ويركب سيارته

وعد: ايه قلة الذوق دى كان المفروض يعرض عليا
يوصلنى

النادل: نعم بتكلمينى يا هانم

وعد: انت ايه الى موقفك هنا

النادل: تجبى اطلب تاكسى لسيادتك

وعد: لا انا عندي ال **chauffeur** هيعدى عليا بالعريّة

وتنهض تتجه نحو باب الخروج ثم تختفى
عن الانظار

وفي أول يوم ترتعش فيه يديها وهي تفتح باب مكتبه
وتدخل هند وليست راوية إلى متى ستصمد كذبتها
وعندما تفتح الباب تقف ولا تتحرك وتنظر إلى أمير
الجالس على مكتبه يراجع اوراق امامه ثم يرفع رأسه
ويراها فينهض من على مكتبه ويقرب منها

أمير: هند مالك متسمة كده ليه شوقتي عفريت

هند: لا مافيش اصل

أمير: في ايه ما تتكلمى شكلك مش هتعمري معايا
..... انتى بتفهمى

هند: طبعا يا فندم انا خريجة تجارة انجليش

أمير: انا شاكك في الموضوع ده مع علينا الايام
الجاية صعبة يا هند عندنا تقفيل مزانية ولازم نقعد وقت
اضافي

هند: مزانية

أمير: اه مزانية مش انتى تجارة ولا ايه

هند: اه طبعا

هند: بالعكس حضرتك شغلى

أمير: ده كويس اوى ادا انا هبقى شغلك ييقى هطولى
معانا

تفتح نانسى باب المكتب وتركض نحو امير وترمى
نفسها فى احضانه

نانسى: هالو امير وحشتنى اوى

أمير متفاجئ: نانسى انتى جيتى امتى من لندن

نانسى: جيت من المطار على هنا مفاجأة حلوة مش
كده

امير: طبعا على الاقل هلاقى حد اتغدى معاه ايه
رأيك ياهند ماتيجى تتغدى معانا

هند: ميرسى اتفضلوا انتوا

نانسى: يلا بينا

أمير: يلا طبعا

فتمسك نانسى يده وتشده فيذهب معها

هند: نانسى تطلع مين نانسى دى جيسى
ماجتليش سيرتها

وفي أول لقاء بينهم بعد خطبتهم وهما مازالوا أغراب
عن بعضهم البعض، في كافثيريا على النيل.....يجلس
ويضع مفاتيحه وموبايله على الطاولة أما هي فتضع
حقيبتها على كرسي فارغ بجانبها وتمسك بأصابعها
الرقيقة خصل شعرها الذي يتطاير من شدة الهواء.....
إنه مارس الشهر الذي لا تعرف له هل هو صيفًا أم
شتاءً.....ملاحه رقيقة من أجمل فصول السنة إنه
بداية الربيع وتفتح الزهور.....حتى ألوانها اليوم تختلف
عن أي يومًا سابقًا وكأنها جزء من الطبيعة ترتدى الربيع
كبلوزتها الستان الحمراء التي ترتديها،ينادى سيف على
النادل ويطلب قهوة له وعصير مانجو لها ففتفاجئ بأنه
يعرف ماتحب

جاسمن: انت عرفت مين انى بحب المانجة

سيف :هههههههههههههههه مش انتی خطیتی برضه ولا
انا بتهمالی

جاسمن: انت ناوی علی ایه

سیف: علی کل خیر

جاسمن: مش فاهمة

سيف: احنا اتخطبنا ليه

جاسمن: في رأيك انت ليه

سيف: علشان نجرب مش يمكن

جاسمن: يمكن ايه انت هتخلينى اغير رأيى فيك.....
انا اول ما شوفتك قولت انك ذكى

سيف: ليه مانعرفش على بعض اكر

جاسمن: عموما انا مش ضدك انت شخصيا

سيف: طب ده كويس اوى يمكن وفقتى عليا صدفه
وانا برضه عرفتك صدفه.....بس مين عارف الصدفه
هتودينا لفين

جاسمن: هتودينا لعصير المانجه الى طلبتهولى اتأخر اوى

سيف: اه صحيح اهو جه

ينحنى النادل ويضع أمامه القهوة وأمامها العصير....
ثم أخرج سيف من جيبه علبة سجائر وأشعل سيجارة

جاسمن: ايه ده انت بتشرب سجائر

سيف: مابتحبش الراجل الى ييشرب سجائر

جاسمن: ماعرفش ماجربتش ارتبط بحد ييشرب
سجائر بس دى حرية شخصية

فيطفأ السيجارة في الطفاية

سيف :آسف دى اخر سيجارة هتشوفها معايا
.....انا بطلتها خلاص

فيتندش جاسمن وتنظر له وكأنها مصدومة :هتبطلها
علشان ايه

سيف :علشان قررت اكمل معاكى التجربة دى

فتصدم وكأنها سمعت انفجار قبلهتنظر له فى
صمت وذهول يسيطر عليها

تجلس فى مكتب من المكاتب الحكومية القديمة تضع
يديها على خديها وتنظر إلى الموبايل وتجلس بجانبها امرأة
فى سن الأربعين تتحدث فى الموبايل ومن الحديث يتضح
أنها تتحدث مع أحد أبنائها الذى ينتظر نتيجة الثانوية
العامه وهى فى حالة قلق عليه ولكن بعد أن نهت المكالمه
تلاحظ شرود وعد

زميلتها :وعدانتى يا بنتى مالك باصة فى الموبايل
كده ليه

وعد:نعم لا مافيش حاجة

زميلتها: ايه بتحبى جديد ولا ايه

وعد: نعم لا ابدًا مافيش (وتنظر للموبايل) ماترن بقى
يا اخى

زميلتها: قولى مافيش جديد

وعد: جديد ازاي يعنى

زميلتها: يعنى انا شايفة انك طولتى اوى

وعد: مش فاهمة

زميلتها: يعنى فرحينا بقى لازم تتنازلى شوية ماتطلبيش
طلبات كتير..... انتى شايفة الجواز قليل ازاي ومافيش
عرسان وانتى برضه بتكبرى

وعد: نعم انا اسفة يا مدام رجاء انا مبسوفة اوى فى
حياتى ودى خصوصياتى ماحش حد يدخل فيها وبعدين
انتى مش شايفة ان عندك شغل كتير اوى المفروض تسلميه

زميلتها: صحيح مافكيش غير لسان

وعد: نعم بتقولى حاجة

زميلتها: بقولك انا بنصحك بس.....الحق عليا

وعد: متشكرة على النصيحة (وتتحدث مع نفسها) الله يخربيتك يا ابن السحرتى طب انا بقى مش هسيبك

وعندما دخلت هذه التجربة التى أخاف منها أكثر من خوفى على المقال ومدى نجاحه، أنها الغاية النبيلة التى جعلتنى أفعل كثير من الأفعال غير المحسوبة والتهور جزء من النجاح أحياناً، إنها المغامرة ولكنها مغامرة طائشة، ولكن الذى بدأ الطريق لا يستطيع العودة فى منتصفه هذه الكلمات كتبها راوية وهى تفكر كيف تستمر فى دور هند وماذا ستفعل بعد أن كادت أن تنكشف عندما طلب منها أمير أن تساعد بالميزانية وهى لا تعرف شئ عن المحاسبة والميزانيات وتفكر ماذا تفعل فى هذا المأزق إلى أن توصلت لحل شيطانى، لا يستطيع إبليس نفسه أن يصل إليه أما وعد فكانت تنتظر نبيل من الصباح حتى المساء بعد أن عادت من عملها، وهى ممتدة على سريرها تكتم الغيظ بداخلها لفشل خططها حتى جاءت المكالمات المنتظرة ورن الموبايل وظهر اسمه على الشاشة فمنعت نفسها من الرد فرن للمرة الثانية فضغطت على الزر الأخضر (الرد)

وفى طريقة ارستقراطية وبعض الغرور ردت

وعد:الو مين معايا

نبيل :انسة وعد

وعد:ايوة انا

نبيل :انا نبيل

وعد :مين نبيل

نبيل :نبيل السحرتى بتاع الكافيه

وعد:كافيه اه ايوة افكرتك

نبيل :الحقيقة انا اسف اوى كان المفروض اتكلم من
بدري علشان اطمئن عليكى بس كان عندى شغل

وعد:لا مافيش حاجةانا كويسة دلوقتى معلش
انا مضطرة اقفل علشان انا فى بارتى

نبيل :طب ثانية انا كنت عايز اعزمك على بارتى
عندى فى الفيلا بمناسبة مشروع جديد انا داخله و اوعى
تقولى لا

وعد:هشوف **el schedule** بتاعى وارد عليك

نبيل : الحفلة الخميس الجاى ومافيش اعتذرات بليز

وعد:اوك الخميس الى جاى عندى (وكأنها
تبحت جدول مواعيدها) لا حاجة ممكن اعملها بعدين....
اوك جاية

نبيل :تمام هبعثلك العنوان على الواتس اكيد عندك
واتس

وعد:اكيد

نبيل :اوك جود نايت

وعد:جود نايت

وبعد أن تنهى المكالمة تقف على سريرها وتقفز من
الفرحة

وعد:اخيرا يا ابن السحرتى مش هتفلت من ايدي

ويجلس شريف يلعب connect ٤ مع ابن اخته الذى
يعشقه الذى بلغ من العمر حادية عشر عام ثم يغلبه
فيفرح كالأطفال الصغار

شريف : yup غلبتك انا مبسوط اوى ودلوقتى بقى
هتنفذ اى طلب اطلبه منك

ديفيد: ماشى يا خالو انت فرحان فيا يا شيرى

شريف: ولد بطل تقولى يا شيرى دى

فيكيده ديفيد: يا شيرى

شريف: ديفيد احنا اتفقنا كلام رجالة الى هيغلب
هيطلب من الخسران طلب ينفذه له

ديفيد: ايوة

شريف: انا عايزك تتعلم كمانجا

ديفيد: بس انا مابجبهاش

شريف: هو انا بقولك جبها انا بقولك اتعلمها

ديفيد: اتعلم حاجة مابجبهاش

شريف: احنا قولنا ايه

ديفيد: حاضر يا خالو

شريف: ولما تيجى المدرسة هنا اوعى تقول قدامها
خالو دى قولى شيرى

ديفيد: مدرسة اه طيب شيرى عجبك
دلوقتى

شريف: وبعدين

ديفيد: هي حلوة

شريف: الكامنجة

ديفيد: المدرسة يا خالو

فينظر له شريف وهو يضحك: انت المسلسلات التركى
بوظت لك دماغك

ديفيد: لا يا خالو تقصد الكامنجة هي اللي عجبتي

فيحضنه شريف ويقبله: انا بحبك اوى يا دودو

فييكى ديفيد: وانا بحبك يا بابا بحبك اوى.....
انت خالى وصاحبى وابويا انا ماعرفش حد تانى بيحبنى
كده ادك

فتنظر جيرمين من خلف باب الغرفة تبكى من المشهد
الذى تراه، بقدر الفرحه التى داخلها بعلاقة ديفيد
وشريف ولكن يغلب عليها الحزن والألم من فقدان زوجها
وفقدان ديفيد لآبيه

جن جنون أمير من سكرتيته الجديدة التى قرر أن
يطردها قبل أن يعينها، السكرتيرة التى تغيبت ثلاثة أيام
وأهم أيام فى نهاية الشهر.....تقفل الميزانية حتى يفاجأ
بها تدخل مكتبه وهو يجهز قرار فصلها

امير :ما كنتى تخذى يومين اجازة كمان سايباني ٣ أيام
مواعيدى ملخطة.....وبرتب شغلى بنفسى و حضرتك
بتصيفى.....يا ترى صيفتى كويس

فتنظر له بعد أن أصبحت ممثلة رائعة تمثل عليه الحزن
وترتدى ملابس سوداء

أمير :بتبصى لى ليه ماتحاوليش تستعطفينى لان قرار
رفدك انا مضيته خلاص

هند:من غير حضرتك ماتعرف ان كنت غايبة ليه

فيعطيه ظهره :مايهمنيش

هند تبكى :انا اسفة بس ماكتتش قادرة انزل من البيت
بعد موت بابا ولاقادرة اشوف اى حد

فيتفاجئ بالخبر ويلتفت إليها ويجلس على الكرسي
أمامها، وهى تبكى و تنظر إلى الأرض لا يعلم أمير ماذا
يفعل، فيرفع وجهها بيده

أمير: انا اسف اسف بجد ماتعيطيش ماهو انا
كمان يتيم زيک

فتنظر له ولأول مرة ترى أمير من الداخل

أمير: انا عارف فراق بابكى صعب اد ايه انا كمان
مجربه بس الدنيا دايمًا بتاخذ مننا اقرب حد علشان
تكسرنا بس عارفة بقى الشاطر بيعمل ايه
هند: ايه

أمير: بيقوى ويضحك على الدنيا يقوم ويكمل
فتنظر له راوية (هند) وهى تبكى على ما تفعله به: انت
طيب اوى يا مستر

أمير: هند اعتبرينى اخوكى ولو احتاجتى اى حاجة
قولى لى

فيسمع صوت شخص يسعل (يكح) وكأنه يستأذن
للدخول وينظر عند الباب ليجده

أمير: نبيل اهلا اتفضلى روحى على مكتبك يا
هند

هند تمسح دموعها: يعنى حضرتك مش هتفصلنى

أمیر یتسم: تفتکری انتی ایہ ہفصلک واقولک روحی
على مكتبك

هند (بفرحة): متشکرة متشکرة اوی

وتخرج إلى مكتبها ويجلس نبیل أمام أمیر

أمیر: تشرب ایہ

نبیل: اشرب ایہ لا مافیش داعی انا مش مصدق الفیلم
الهندي الی شوفته.....امیر ابن الطحاوی بقی عنده
غرامیات بس اسمح لی ذوقک وحش اوی محتاج تلبس نظارة

أمیر: انت بتتکلم عن ایہ

نبیل: عن السكرتيرة طبعا

أمیر: نبیل مش کل الناس زیك.....اولا انا عمری
ماكنت بتاع بنات.....ثانیا عیب اوی تتکلم کده احنا
کلنا بنی ادمین ويمكن البنت الی شکلها وحش دی
ومش عجباک تكون احسن منی ومنک

نبیل: یا نهارک اسود هو انت بتحبها ولا ایہ

أمیر: بحب مین.....دی واحدة بابها لسه متوفی
فلازم من الرحمة والانسانية اقف جانبها

نبيل: رحمة طيب يا ابو رحمة..... انا عامل حفلة في البيت عندى يوم الخميس وبقولك ايه بلاش تعتذر زى كل مرة وتقولى ماليش فى جو الحفلاتده بيزنس فى ناس بتعمل احسن بيزنس فى الحفلات الى مش عجبك دى

أمير: بس انا

نبيل: امير انت هتيجى

أمير: حاضر

نبيل: فرصة اعرفك على وعد

أمير: وعد مين

نبيل: بنت اتعرفت عليها من كام يوم بس حاسس ان ممكن يكون فى بيزنس كبير بينا

أمير: هو انت مابتفكرش غير فى البيزنس والمكسب والخسارة

نبيل: طبعا امال ابقى رجل اعمال ناجح ازاي اتعلم منى

أمير: طبعا انت استاذ

نبيل :عارفهستناك

أمير :اوك

تقف ماهى فى غرفة الموسيقى يلتف حولها تلاميذها
وهى تعزف على الأورج ثم تختار طالب ليعزف مقطوعة
جرس الفسحة وزملائه يغنونها مع اللحن حتى يضرب
الجرس

ماهى :هايلين يا ولاد بكرة نكمل جهزوا أنفسكم
عايزين اخر السنة نعمل حفلة حلوة كلكم هتشتروا فيها
واحد من التلاميذ :ميس بابا مش هيوافق بابا
بيقولى ان الموسيقى حرام

ماهى :حرام..... لا يا حبيبي الموسيقى مش حرام
.....بابا اكيد مايقصدهش كده عموما انا هكلمه يلا
انزلوا علشان الفسحةبكرة هنكمل تدريب

الفراشة :مدام سميحة عايزة حضرتك

وتتجه إلى مكتب الناظرة

ماهى :خير يا **madame** سميحة

منير :حضارة ايه احنا فى الحضارة ولا فى النجاح
والسقوط.....وبعدين انا مش فاهم انتى مدرسة انجليزى
.....مالك ومال المزيكا

ماريهان : ايه المشكلة انى ادرس لغتينانجليش
وموسيقىالموسيقى لغة عالمية وبعدين التعليم مش
نجاح وسقوطمش امتحانات نروح ندلق الكلمتين
ونجرى عن اذنكم

وتركههم وتخرج لتستقبل المفاجأة الكبيرة عندما
شاهدت شريف الذى أتى إلى مكان عملها فجأة وبدون
سابق إنذار

ماريهان :انت

شريف :اسف انى جيت لك مكان شغلك بس المرة
دى عندى سبب

ماريهان :مافيش مشكلة يا دكتور

شريف :ايهمافيش مشكلة بجد انتى مش
زعلانة

ماريهان: لا طبعا انا كنت هجى لك العيادة

شريف :معقول غريبة.... تنورى طبعا انتى تعبانة ولا حاجة

ماريهان :يعنى لازم اكون تعبانة علشان اجى لك مش
احنا اصحاب ولا ايه

شريف :نعم..... انتى مالك النهاردة انتى كويسة ؟

ماريهان :طبعاً كويسة جداً كنت عايزنى فى ايه

شريف :عزمكقصدى جيرمين عزماكى على
الغدا

ماريهان:غدا او كيه ممكن تستنانى

شريف :انتى كويسة ؟ متأكدة

ماريهان :طبعاً انا خلصت حصصى همضى واجى معاك
استنانى

شريف :هى مالها بتكلمنى كويس النهاردة كده ليه ؟

فتذهب ماريهان وتمضى انصراف ثم تذهب معه
فيفتح لها باب السيارة بجانبه لتركب فتنظر له كأنها
تفاجأت بهذه الحركة اللطيفة منه وتركب ويغلق الباب
ويذهب ليركب فى كرسيه وينطلق بسيارته

تقرأ وعد الجريدة وهى جالسة على مكتبها لتتفاجئ بصورة فتاة بجانب نبيل السحرتى فى الجريدة ومكتوب تحت الصورة الشريك الذى ينتظر عالم رجال الأعمال والإعلام كشف قصة الحب الخفية بينهم وهم يقونها سرًا..... فترفض وعد أن يضيع ما خططت له فصارت مثل المجنونة تفكر كيف تجعل ابن السحرتى لا يرى غيرها بين النساء..... لتقرأ إعلان صغير يغير حياتها إنها من تؤلف القلوب وتقرأ الغيب وتعرف الأسرار فساعدتها هذا الإعلان حتى أهتدت إلى فكرة شيطانية، فكيد النساء لا يستطيع أحد الوقوف أمامه، فعندما يرسمون المكاييد لن ينجى منها إبليس ذاته. إن كان لا يسحره جمالها فتسحره بطريقة أخرى ولكن الأهم أن يصبح ملكها ومسحور بها بأى وسيلة، فتتصل وتأخذ موعد من تلك المشعوذة .

وفى عز اندماجها بين الأوراق والمواعيد وترتيب أرقام المتصلين فهو عمل جديد عليها ولكنها مضطرة..... تتفاجئ هند (راوية) بأمر يفتح باب مكتبها وهى غارقة بكتابة مقلتها بعد أن أنهت من عمل الشركة

أمير: انا اسف انى اخرتك يا هند انتى عارفة ان كان فى شغل كثير اوى النهاردة واجتماع مجلس ادارة

هند: ده شغلى يا فندم

أمير: انتى بتكتبى ايه

فتتوتر هند: لا دى مواعيد بكرة كنت بكتبها علشان مانساش

أمير: اوك تقدرى تروحي

فترتب اشيائها المبعثرة على المكتب والاوراق فيضع يده على يديها.....فتنظر له باندهاش

أمير: استنى هو صلك ماينفعش تروحي لو حدك دلوقتى

هند: لا انا هروح عادى ما فيش حاجة

أمير: قولت استنى لازم ازعق ولا ايه

هند: حاضر

أمير: ايوة كده اسمعى الكلام اتفضلى يلا

هند: يادى المصيبة

أمير: بتقولى ايه

هند: لا ما فيش

فتخرج راوية من هذه الورطة وتجعله يصلها عند منزل إحدى صديقاتها...تشكره ثم تنزل من السيارة

وتصعد لصديقتها ماريهان التى تفاجأت بمنظرها ولبسها وشكلها وتسألها الكثير من الأسئلة ولكنها تطلب منها أن تؤجل أسئلتها وتغير ملابسها وشكلها لتعود إلى شكلها الأصلي..... ثم تنزل وتأخذ تاكسى حتى تذهب إلى المنزل وتضع المفتاح فى باب الشقة وهى فى غاية القلق وتفكر كيف سيتصرف معاها أخاها ثم تفتح الباب لتجد أخاها أمامها

طارق: اهلا ما لسه بدرى يا هانم

راوية: اصل الشغل

طارق: مش عايز ولا كلمة قاعدتك فى البيت ده كوم والشغل كوم تانى

راوية: انت مش هتقدر تمنعنى

طارق: انا اخوكى

راوية: وانا مش قاصر

فيرفع يده ويضربها بالقلم فتصدم وتنظر له وهو ينظر لها لايعرف كيف فعل ذلك

راوية: كده انا عرفت اختار..... بكرة الصبح هلم هدومى وهمشى هقععد عند خالى

طارق باستغراب وكأنها قالت شئ عجيب : خالك

راوية :ايوة

طارق (بعصبية :لو خرجتى من البيت ده مش هتدخليه

تا نى

فتقترب راوية من أخيها وتنظر له :طارق انا فعلا

مش هدخل البيت تانى

ثم تدخل إلى غرفتها وتجهز حقيبتها وكأنها قررت ألا

تعود وتحمل حقيبتها

راوية :طارق لو سمحت انزل وصلنى خالى دلوقتى

طارق :ايه

راوية :مش قادرة استنى للصبح لو سمحت توصلنى

عند خالو دلوقتى

فتستيقظ شمس من نومها لتجد هذا الوضع الغريب

وتنظر إلى راوية والحقيقة

شمس :ايه ده فى ايه انتوا نازلين ولا ايه

..... ايه الشنطة دى

طارق :مافيش ادخلى كملى نومك انتى يا شمس

شمس: هو ايه الى بيحصل بالضبط

راوية: فى ايه يا شمس رايحة اقعد عند خالو تعبان
ومحتاج حد معاه هتحققى معايا ولا ايه هتوصلنى
يا طارق ولا اخد تاكسى

طارق: يلا يا راوية هو صلك

وتنزل معه راوية وتذهب معه بالسيارة ولم ينطق أحد
منهم بكلمة طول الطريق حتى وصلا إلى منزل خالهم
..... ثم نزل من السيارة وحمل لها الحقيبة وركبا المصعد
وهما ينظران لبعضهم البعض وكأنهم سيفتقدان بعضهم
ثم وصل إلى الدور الرابع ودق طارق الجرس ففتح خالهم
الباب ولم يعرفهم بسبب خلافات بينه وبين والدتهم لم
يرَ أولادها ولم يروه سوى فى صور قديمة فى ألبومات كانت
تحتفظ بها والدتهم إنه رجل طويل القامة عريض
المنكبين فى سن الستون من عمره علامات الزمن
تظهر فى وجهه ذو البشرة البيضاء الذى بدأ أن يشيخ، شاربه
الذى أصبح فضي وشعره الأبيض فينظر له طارق
فى أول مرة يراه فيها وكأنه يسأله لماذا لم تكن معنا وتنظر
له راوية نظرة مليئة بالكراهية لأنه قاطعهم طوال هذه
السنوات أما هو فلم يعرفهم فسألهم

الخال: انتوا مين عايزين مين

طارق: غربية ماعرفتناش

راوية: معقول مافيش حد فينا شبهها

الخال: هي مين دى

طارق: حنان انت مش عندك اخت اسمها حنان

الخال: انتوا تعرفوها منين ثانية واحدة ادخل

اجيب النظارة

ويدخل ويلبس نظارة النظر وينظر لهم بدقة وتركيز

الخال: انتى راوية حنة من حنان وانت

اكيد طارق

فيحاول ان يضم راوية الى صدره و لكنها تصده

راوية: ممكن انا دلوقتى وبعدين نتعرف بكرة

طارق: راوية هتتعد عندك كام يوم ممكن

الخال: البيت بيتكم

طارق: انا لازم انزل تصبحوا على خير

ويتركهم وينزل فتسأل راوية خالها الذى تراه لأول مرة
 عن الغرفة التى ستنام فيها ثم يشير لها إلى الغرفة.....
 تدخل الغرفة التى قال لها إنها كانت ملكًا لوالدتها.....
 إنه منزل العائلة التى لم تفكر أبدًا أن تعود إليها بعد أن
 اختارت وتحملت أوجاع اختيارها فتتظر حولها تجد
 البساطة بكل مكان فى تلك الغرفة.....كم كانت رقيقة
 تلك السيدة ذات الوجه الملائكى التى تراه راوية فى صورة
 والدتها المعلقة على الحائط....تلك المرأة التى عرفت أن
 لاختيارها جمال وحلاوة ستعيشها وتتذوقها مع من تحب
 وأيضًا له أوجاع ولكن تحملتها وحيدة.....فجلست
 على مقعد بجانب النافذة التى تتوسط الغرفة وكتبت فى
 مذاكرتها...حياتنا كفصول السنة يمر علينا الخريف الذى
 تتساقط معه بعض الأشياء والأشخاص من حياتنا ويليهِ
 شتاء ببرودته وكآبته وأمطاره التى نختبئ منها ويليهِ
 الربيع الذى تتفتح به أحلامنا التى كنا نعتقد بأن برودة
 الشتاء قتلتها ثم الصيف الذى تظهر به سمائنا صافية دون
 غيوم فتنتلق أحلامنا دون حواجز تمنعها.....وجميع
 هذه الفصول مجبورين جميعًا أن نمر بها.

فى الصباح يضع خال راوية اطباق الفطور على الطاولة و
 يضع دائمًا طبق العسل الأبيض الذى يحبه ولكن اليوم يضع

راویۃ: ھم، ایہ

راوية: ماما

راوية: مش عارفة اصدق انك كنت بتحبها اصلا

راویة: انا لولا انی متخانقة مع طارق ما كنتش جیت

راویة: برضه مش هتقدر تقنعنی انك طیب اوی زی

تتجه نحو الباب وتفتحه.....ويستمر الخال في حديثه

الخال: على فكرة يا راوية انتي ماتشبهيهاش بس.....

انتى هي عنيدة بالضبط نفس العند وما بتسمع عيش

غير لدماغك

فتنظر له راوية :والغريبة انك نسخة من طارق اخويا
وكل راجل زيكم عمره ماهيعترف انه غلطانسلام
وتغلق الباب وترحل..... تركب تاكسى لتذهب
به إلى شركة أمير و تنزل قبل الشركة بشارع لتدخل فندق
تغير ملابسها و تضع الميكاب الذى تظهر به أمامه.....
تلك الفتاة القبيحة التى لا تهتم بنفسها ولا ترتدى مثل
باقى الفتيات ترتدى نظارة كعب كوباية و تسريحة شعرها
مثل ممثلات الأبيض وأسود.....ترتدى بدل مثل
الرجال ينقصها الكرافت وتنكر فى صورة الفتاة التى
لايمكن لذلك الوسيم أن يحبها أبداً وتذهب إلى الشركة .
يجلس سيف و طه صامتون وكأنهم يفكرون بعمل أو
قضية مهمةيفكرون فى طريقة يستطيع بها سيف
الفوز بقلب خطيبته وفجأة

يصرخ طه :لقيتها

سيف :هى مين

طه :الدباديب يا سيف

سيف :نعم دبديب

طه :الدباديب ليها سحر غريب البنات تحبها اوى

سيف: انت بتهزر

طه: بتكلم جد طبعاً هاتلها دبدوب كبير

سيف: دبدوب ضابط محترم زى يروح يحيب لخطبته
دبدوب

طه: امال هتجبلها كلبش يا سيادة الرائد

سيف: انا على اخر الزمن اجيب دباذيب انت اتجننت
امشى من قدامىشوف وراك ايه قال دباذيب قال

طه: انا غلطان طب بلاش دباذيب ادام مضايقتك
هاتلها ارنوب

سيف: متأكد انك ضابطامشى من قدامى يا
طه بدل ما البسك تهمة

طه: انا غلطان عايز اديك من خبرتى انت حر

يخرج طه ويجلس سيف وهو يفكر كيف يجعل خطيبته
تقع فى حبه

تنتهى ماهى من حصة الموسيقى مع تلميذها الجديد
ديفيد الذى تعتقد بأنه ابن شريف ثم يجلس شريف
امامها على الطاولة ويتحدث معها

شريف :ايه الاخبار..... ديفيد عامل ايه معاكى

ديفيد :ممكّن اخد فسحة بقى

ماهى :ماشى يا استاذ ديفيد اتفضل

شريف :قولى لى عامل ايه

ماهى :حاسة انه ما عندوش اهتمام خالص للكامنجة.....
كأن حد فارضها عليها

شريف متوتر :فارضها لا خالص ده هو الى
اتحايل عليا علشان ياخذها

ماهى :غريبة والاغرب انك من ساعة مادخلت
ما جبتليش حتى كوباية مية

شريف :ههههههههه اقولك الصراحة اصلى قلقان منك

ماهى :قلقان

شريف :اصلك لما بيبقى قدامك كوباية مية او عصير
ما حدش بيضمن هتعملى ايه..... وانا بالذات كل
ما تشوفينى تغرقينى من كرمك

ماهى :ههههههههههههه اه فهمت انت خايف ادلقها
عليك..... انت قلبك اسود اوى على فكرة
شريف :بس انتى قلبك نضيف اوى يا ماهى.....
حلو حلو اوى

فتتوتر ماريهان :امال فين مدام جيرمين
شريف :همممم جيرمين اه جيرمين لسه مارجعتش
ماهى :مارجعتش
شريف :اصل وانتى قاعدة مع ديفيد نزلت تحيب
حاجة من جنب البيت هنا وجاية
ماهى :انا لازم انزل

فتفتح الباب وتدخل جيرمين حاملة بعض الاكياس
شريف :اهى جت
جيرمين :هو انا اتأخرت ولا ايه
شريف :تعالى الحقى دى شكلها مش عايزة تتغدى
معانا وعايزة تنزل

جيرمين :بقولك ايه يا مريهان انا مابحبش اناهد مع
حد هتتغدى يعنى هتتغدى

ماهى :اصل

شريف :اقعدى بقى

جيرمين :ثوانى الغدا هيكون جاهز

فتذهب إلى المطبخ لتجهز الغدا

شريف :قولى لى اخبار معدتك ايه لسه بتتعبك

ماهى :لا مش اوى

شريف :طب كويس الادوية جابت نتيجة

ماهى :نشكر ربنا

شريف :قولى لى يا ماهى انتى حبيتى قبل كده

ماهى :ده سؤال دكتور لمريضة

شريف :لا صديق لصديقة

ماهى :لا

شريف :حلو

ماهى :هو ايه اللى حلو

شريف :قصدى اكيد ربنا شايلك حاجة حلوة

فتنظر قمر لشعر مازن :ايه ده انت هتدخل الجيش ولا ايه

مازن :مش لما كنت مطوله ماكنش عجبك

قمر:وانا مالي يعجبني ولا مايعجبنيش انت غريب اوى

مازن :اتفضلي

قمر :ايه ده ...

مازن : ده الكتاب اللى كنتى محتاجة بس ماكنش معاكى

فلو سه

قمر:انت ايه حكايتك بترقبني ولا ايه

مازن :بساعذك عايز اساعذك بس

قمر :انت هتمشي من قدامي ولا اعملها معاك

مازن :لا مالوش لزوم بس انا حبيت اقولك انى لقت

لك شغلة احسن من عربية الكبدية بس براحتك لو مش

عايزة بلاشامشى احسن

فتمسك قمر يده :استنى انت جايب لى شغل بجد

مازن :هتسمعيني

قمر :قول

مازن :واحنا واقفين كده ؟

قمر :هتقول ولا اسبيك وامشى

مازن :انا مش عارف انتى دمك حامى ليه كده حاضر
هقول..... شغل معايا فى الشركة اللى بشتغل فيها شركة
امير الطحاوى

وفى السادسة مساءً كانت جاسمن تجلس أمام
التلفاز وهى ترتدى بجامتها الزرقاء التى تعشقها ،فنصف
خزانتها مملوءة بالملابس الزرقاء جلست تشاهد
التلفاز وبجانبيها والدتها التى لم تنتهى من حديثها عن
خطيب ابنتها وتسألها عنه وعن السبب فى عدم رؤيتها
لخطيبها وإهمالها له ، فتسكت جاسمن تتظاهر بأنها مشغولة
تشاهد الفيلم حتى يرن الجرس وتقوم جاسمن لتفتح
لتجد سيف على الباب معه هديته

جاسمن :سيف

سيف :مساء الخير انا قولت انك مابتسألش فيا قولت
اسأل انا..... ممكن ادخل

جاسمن وهى تنظر له باستغراب :اتفضل

فيدخل سيف فترحب به الأم وتقوم لتجهز له كوب
من الشاي فيجلس على الأريكة بجانب جاسمن وهي
تشاهد التلفاز

سيف: على فكرة انا جيت

جاسمن: طيب اهلا وسهلاصحيح ايه الى
معاك ده

ويعطيه لها سيف: افتحيه

فتفتحه جاسمن: دبدوب دبدوب يا سيف

سيف: عجبك

جاسمن: مش مصدقك جايب لى دبدوب

سيف: الله يخربيتك يا طه الزفت انا قولت له انها مش
هتتعجبك

جاسمن: طه مين الهدية دى بمناسبة ايه

سيف: عيد الفلاح

جاسمن: دمك مش خفيف ونكتك سخيفة

سيف: من غير مناسبة يا سیتی

جاسمن: طيب ميرسى بس انا مابحبش الدباديب

سيف: اجبلك قطط مثلاً

جاسمن: ماتجلبش حاجة خالص

سيف: جاسمن انا عايز اتكلم معاكي فى حاجة

جاسمن: خير

سيف: انا حاسس انك بعيد عنى يمكن علشان مش عارفانى كويس..... وممكن كمان تكونى واخدة فكرة غلط عنى علشان ضابط وتعامل مع مجرمين وكده

جاسمن: اه صح بيطلعوكم دايمًا فى الافلام انكم جد اوى وطول النهار بتزعقوا وبتشكوا فى كل الى حوالىكم سيف: ههههههههه اه وبتخن صوتنا واحنا بتكلم زى محمد صبحى فى «الشيطانة التى احببتنى» كده

جاسمن: يعنى

سيف: انا ممكن اكون جد شوية..... بس اكيد مش بتخن صوتى كده ولا بزقق طول اليوم..... انا حاجة تانية خالص غير ما انتى فاكدة

جاسمن: تفتكر يا سيف ده وقته تعرفنى على نفسك

.....

سيف: تعرفى انى نفسى اشوفك وانتى بترقصى باليه

جاسمن: خلاص ابقى تعالى يا سيدى الاوبرا
اتفرج..... بس دلوقتى والنبي تسيبنى انام احسن هموت
من التعب

سيف: طيب استأذن انا

الأم: ايه يا ابنى الشاى

سيف: معلىش يا طنط هشر به فى وقت تانى..... عن
اذنك

وتوصله الام الى الباب

الأم: انتى ماعندكيش دم يا بت انتى

فتحتضن الدب الذى أهدها لها : ماما بجدا انا مش
عايزة اى كلام عن اذنك انا داخله انام

الأم: تنامى الساعة ٦ ونص

جاسمن: ماما بجدا انا مش قادرة اناهد مع حد
خالص عن اذنك

وتدخل غرفتها تضع الهدية على كرسى بجانب باب
الغرفة ثم تفتح خزانها وتأخذ منها صندوق خشب تفتحه

وتنظر في الصور الفوتوغرافية التى بداخله..... وتذكره
إنه الحبيب القديم وتذكر حين ذهبت إليه لتبشره بأن
والدها وافق وحددت له موعد معه لتجده بين أحضان
صديقه و تصفعه قلم على وجههإنها الخيانة أكثر
الأشياء التى تكرهها المرأة ولا تسامح فيها.....فحياتها
توقفت عند ذلك المشهد الذى لا يفارقهاأغلقت
قلبها منذ ذلك اليوم .

اقتربت الساعة على الحادية عشر فسرقتها الوقت فى
عملها حتى انصرف جميع موظفى الشركة عدا هى وأمير
فقط، نادى عليها أمير ودخلت إلى مكتبه

أمير: هند انتى لسه مامشتيش

هند: كنت بخلص شوية حاجات

أمير: طب يلا امشى الوقت اتأخر وانا كمان ماشى
.....تعالى اوصلك فى سكتى

عندما اقتربا من الباب تفاجئ بهواء شديد أغلق الباب

أمير: يانهار اسود الباب اتقفل

هند: ايه المشكلة نفتحه

أمیر: ده بايظ

هند: یعنی ایه

أمیر: بصی احنا نحاول محاولة انا همسك الباب اشدہ
وانتى تمسکینی تشدینی

هند: امسكك

امیر: مالک واقفة مبرءى لیه کده یلا تعالى امسکینی
علشان نشد جامد والباب يتفتح
فتقترب منه وتمسك قميصه

أمیر: ایه ده

هند: ایه

أمیر: انتی کده هتشدینی ولا هتشدی القميص
هند انتی رکبتی موتسیکل قبل کده

هند: لا لیه

أمیر: احضنینی

هند: ایه

أمیر: بقولك احضنینی یعنی امسکینی جامد علشان
احنا الاتین نشد الباب سوا یمکن يتفتح

فتقترب منه ببطء وكأنها تحسب خطواتها بتأنى وتقف وراءه وتتشبث به وتحتضنه من الخلف فتشعر بمشاعر غريبة المرة الأولى التى تقترب بها من شخص إلى هذا الحد، فلماذا تشعر بهذا الاحساس، ترتجف وكأنها صعقت عندما اقتربت... يمسك أمير مقبض الباب ويشده

أمير: يلا نشد جامد بقى علشان الباب يتفتح

أثناء محاولتهم لفتح الباب.... يخرج المقبض فى يد أمير ثم يقعان على الأرض من قوة الجذب، وينهض أمير ويمد لها يده ليساعدها على النهوض

أمير: انتى كويسة

هند: اه

أمير: الباب شكله مش هيتفتح شكلنا هنبيت هنا للصباح

هند: ايه يا نهار اسود نبيت يعنى ايه

أمير: اهدى يا هند انتى خايفة ولا ايه

فتبدأ هند بالبكاء: انا عايزة اروح

أمير: اهدى اهدى يا هند

هند: هنعمل ايه دلوقتى

أمير: هند احنا مش هنعرف نعمل حاجة الموظفين
كلهم روحوا.... ممكن تهدى بقى

هند: طب دلوقتى خالو هيقلق عليا

أمير: طب خدى كلميه من تليفونى طمنيه عليكى

فتأخذ منه الموبايل وتطلب رقم منزل خالها

هند: الو ايوه يا خالو انا هبات عند واحدة صاحبتي لا
متقلقش هى بس مامتها تعبانه شويه فمش هقدر اسيبها
لوحدها ماشى سلام

فينظر لها أمير يستغرب: هند انتى بتكذبى

هند: ومين فينا ما بيكذبش يا مستر

أمير: وبتكذبى ليه

هند: ساعات بنضطر نكذب علشان ما حدش هيصدقنا
لما نقول الحقيقة..... زى دلوقتى كده فى حد هيصدقنى
لو قولت له انى محبوسة مع صاحب الشركة فى المكتب
ولا هيقوله ياترى ايه الى حصل جوه المكتب الى بابيه
مقفول عليهم

أمير: همممممم اه معاكى حق.....

هند: انا عارفة انى وحشة بس فى الاخر بنت والناس
هتتكلم عليا

أمير: يا بختك يا هند على الاقل فى حد يقلق عليكى

هند: وانت يا مستر ماحدش بيقلق عليك

أمير: لا ما عنديش حد يقلق عليا انا عايش فى البيت
لوحدى ماحدش هيعرف انا روجت ولا لا

هند: يعنى ما عندكش حد بيعبك

أمير: عندى ناس عاملين بيحبونى و انا بعمل نفسى
مصدقهم علشان انا راجل مقدرش اقول انى محتاج حد او
حاسس انى ضعيف وانا لوحدى.... تعرفى لما كنت صغير
وماما ماتت قالولى ماتعيطش عيب انت راجل..... بس
لما البيت فضى ودخلت لبابا الاوضة فتحت الباب لقيته
حاضن صورة ماما وبيعيط اكتشفت ان الراجل بيضعف
ويعحزن وبيعيط بس لو حده علشان الناس ماتقولش انه
مش راجل..... ليه هو مش انسان بيعس وبيتألم

فتنظر له وكأنها بدأت ترى شخص آخر لم تراه من
قبل

أمير: كان يحبها اوى الناس كانت بتقوله ماتحسسهاش
بحبك علشان ماتركبكش مع انه كان يحبها ويعبر لها
عن حبه فى كل لحظة وهى كانت كل يوم بتجبه اكرت وكان
نفسها تعمل كل حاجة علشانه وماركبتوش ولا حاجة

هند: مامتك وباباك كانوا حلويين اوى

أمير: اسف صدعتك بس ادينا بنتسالى فى الحبسة دى
وانتى بابكى ومامتك كانوا يحبوا بعض برضه

هند: ماما كانت بتجبه اوى وهو كمان حبها.....هى
سابت اهلها علشانه وهو اهلكه قاطعوا لانها ماكتتش
مستواهم قصة حبهم الدنيا كلها كانت بتحكى
عنها بس فجأة سابها واختفى و ماطلعتش من قصة الحب
دى غير بولد وبنت ضيعت عمرها عليهم

أمير: غريبة مش انتى قولتى لى انه مات

هند: هممم اه عرفت من اسبوعين انه مات

أمير: امال ليه قصص الحب دى مابقتش موجودة

هند: علشان بنخاف نحب

أمير: ازاي مافكرتش فيه

هند: هو ايه

أمير: الموبايل اكلم حد يحى يفتح لنا

فيمسك الموبايل ويرميه على المكتب

أمير: يوووه فصل شحن

هند: يظهر مافيش فايدة

أمير: ايه ده انتى مش خايفة زى الاول ليه

هند: مmmmmممش عارفة

أمير: عموما انا هقعدهناك على كرسى المكتب وانت

خليكى هنا على الكنبه علشان تبقى مرتاحة

فتنام هند على كنبه جلد بالمكتب وأعطاهها أمير الجاكت
الذى كان يرتديه

أمير: خدى يا هند الجو ساعات بيبرد بالليل

هند: بس حضرتك هتبرد

أمير: لا ماتخافيش عليا

ويذهب ويجلس على كرسية الدوار

وفى اليوم التالى ذهب مازن إلى شركة أمير الطحاوى
و دخل إلى مكتبه فى الشئون القانونية فرأى صبحى
الفراش ينظف المكتب فقد اشتاق له ولقهوته
المظبوطة التى لا مثيل لها

مازن: صباح الخير يا عم صبحى

صبحى: اهلا يا استاذ مازن ايه يا راجل الاجازة
الطويل دى

مازن: علشان او حشكم .. و قولت اريح من الشغل
شوية

صبحى: خير كان فى حاجة

مازن: والدتى كانت تعبانة شوية

صبحى: الف سلامة عليها

مازن: شكرا يا راجل يا طيب امال محدش جه ولا ايه

صبحى: لا لسه وروحت انصف اوضة امير بيه لقيت
الباب مقفول..... يظهر انه بايظ وحاولت افتحه بس
الواحد ماعدش فيه صحة

مازن: طب بص بقى يا راجل يا طيب روح انت اعملى
فنجان القهوة المظبوط وانا اروح اشوف الباب المعصلج ده

صبحى: انت تؤمر

فيذهب مازن إلى مكتب أمير ويدفع الباب بكتفه أكثر
من مرة حتى ينجح فى فتحه، ليتفاجئ بالمشهد الذى رآه ،

،امير نائم على كرسي مكتبه وسكرتيرته نائمة على الأريكة
الجلد ومغطاة بجاكيت أمير.....فوقف مندهش أمام
ذلك المشهد ودخل....ثم اقترب من الفتاة النائمة التي
بالرغم أنه يراها لأول مرة ولكنه يشعر كأنه يعرفها.....
فتحت هند (راوية) عينيها ورأته أمامها فصرخت من
المفاجأة.....فستيقظ أمير على صراخها

أمير: في ايه

مازن: صباح الخير يا مستر امير

أمير: اهلا يا مازن ايه ده انت رجعت من الاجازة

مازن: هو حضرتك ايه الى نايمك هنا ومين الانسة

أمير: اصل الباب اتقفل علينا واتحبسنا ماكناش عارفين
نخرج

مازن: انتي صرختي ليه يا انسة شوفتي عفريت

هند متوترة: لا ده انا اصلى اتخضيت

أمير: حصل الخير الانسة هند سكرتيرتي الجديدة
اصلك كنت في اجازة لما اتعينت أوده الاستاذ مازن شئون
قانونية

مازن: اهلا نورتي الشركة يا انسة هند..... غريبة

أمير: في حاجة

مازن: لا اصل انا كنت عايز اتكلم مع حضرتك في
واحدة قريتي بتدور على شغل وانا لاحظت انا في ناس
كثير مشيت فلو في مكان ليها ياريت

أمير: قريتك طيب اعمل معاد يا هند علشان اعملها
انترفيو هند متنحة ليه

هند: مميم ايوه

أمير: لا انتي مش هنا معاكى حق طيب بصي
روحي خدي دش وغيرى هدمك وانا كمان برضه هعمل
كده علشان احنا خللنا هنا

هند: ايوه يا فندم حاضر

وينظر لها مازن طوال الوقت وهي تنظر له

أمير: هند يلا روجي ولو سمحتي يا هند اتصلي
الغى مواعيدى النهاردة

هند: حاضر عن اذنكم

أمير: معلش يا مازن ابعت لحد يصلح الباب ده

مازن: حاضر يا فندم

أمير: ايه ده استنى الف مبروك انت حلقت
مازن: يادى شعرى ده مش عارف كان مزعلكم فى ايه
أمير: شكلك كده احسن

على مسرح الأوبرا كانت جاسمن تتدرب على باليه
بحيرة البجع الذى تعشقه وهى تتصبب عرقاً لا تعرف
إن كانت عرق من مجهود البروفة أم من الموجة الحارة التى
بدأت بالهجوم لتعلن أنه أتى ذلك الفصل الذى يعشقه
الأطفال لأنه فصل البلاج والأجازة فذهبت
فى البريك لغرفتها لتجد على المنضدة علبة كبيرة مملوءة
بالشكولاتة ويأتى من خلفها

سيف: صباح الخير

جاسمن: انت ايه الحكاية امبارح دبذوب والنهاردة
شيكولاتة

سيف: ممكن تندهيل باسمى

جاسمن: سيف انا الشكولاته بتجب لى حساسية

سيف: الله اسمى حلو لما بتناديلى بيه

جاسمن: سيف ماتعصبنيش

سيف: وماله اتعصبى براحتك ماهو انتى الى
غلطانة ماقولتليش بتحبى ايه ومابتحبيش ايه

جاسمن: هو انت ماوركش شغل

سيف: طبعاً ورايا

جاسمن: طيب يبقى نتقابل على الغدا

سيف: حلو موافق جدا انا همشى علشان اخلص شغلى
بسرعة.... ونتقابل بس ابقى كلمينى قولى لى نتقابل فى

جاسمن: اوك

فيمشى سيف وهو سعيد ويترك جاسمن التى تفكر
ماذا تفعل

جاسمن: وبعدين ياربى اعمل ايه معاه علشان اطفشه
ده مرة يجيب لى دبذوب والتانية يجيب لى شوكلاته والمرتين
اكسفه علشان يزعل وبرضه مايزعلش

فتمسك موبايلىها وتتصل بوالدته وتسألها عن ما يجبه
ومايكرهه سيف وتقول لها أنها تريد أن تفاجئه

في غرفة المعلمين يجلس مجموع من زملاء ماهى يتحدثون
أما ماهى فتجلس شاردة في عالم آخر ترى نفسها تفكر
في صديقها الجديد شريف الذى أصبحت تفكر فيه كثيرًا
بطريقة جعلتها تقلق فيرن موبايلا ل ترى رقمه فتتردد أن
ترد عليه ولكنه يحاول الاتصال مرة أخرى حتى ترد

ماهى: الو

شريف: ماهى ازيك

ماهى: اهلا يا دكتور في حاجة

شريف: اصل كنت عايزك في موضوع كده

ماهى: موضوع ايه

شريف: لما اشوفك هتعرفي

ماهى: تشوفنى

شريف: اه مش انتى هتيجي لديفيد

ماهى: انشاء الله

شريف: يبقى هشوفك في حاجة مهمة لازم اقولها لك

ماهى: طيب اولك بس هقفل دلوقتى علشان عندي
حصّة

ثم تنهى المكالمة وهى محتارة..... كيف تبتعد عنه
وأصبح جزء من حياتها اليومية وفى كل يوم يقترب منها
أكثر ففكرت أن تهرب من تلك المطاردات..... لا تعرف
إن كان هو الذى يطاردها.... أم ظلله الذى أصبح يطارد
أحلامها ليلاً وخيالها نهاراً..... ثم فتحت الموبايل
وطلبت رقم أب اعترافها

ماهى :ايوة يا ابونا يسى مش قدسك كنت قلت
لى على عريس..... ماشى انا هشوفه

وفى كافيته تجلس جاسمن و راوية صامتان تماماً ثم
تنظر راوية لجاسمن

راوية :انتى جايبانى تسمعينى سكاتك

جاسمن :الموضوع بيتعقد يا راوية انا قولت انا
هتخطب وبعدين اطفشه بس شكله مش هيطفش

راوية :بصراحة انا مش شايفة مشكلة مش يمكن ده
حلم عمرك اللى بتتمنيه

جاسمن :انتى بتقولى ايه يا راوية ما انتى عارفة اللى
فيها

راوية :انا مش فهماكى

جاسمن :خلاص انا هتصرف سيبك منىانتى
مالك

راوية :انا الى فعلا الحكاية عقربت معايا على الاخر

جاسمن :حكاية ايه

راوية :امير الطحاوىعارفة مين طلع شغال فى
شركتة مازن

جاسمن :مازن مين

راوية :مازن بتاعنا

جاسمن :يا نهار اسود وعرفك

راوية :ماعرفشانا المصايب نازلة ترف فوق
دماغى اتخانقت مع طارق وقاعدة عند خالى وزاد عليهم
كمان حكاية مازن الى هيكشفنى

جاسمن :لا ده الموضوع كبير وطلع منين خالك ده
انتى عمرك ماحكيتى عنه

راوية :ده موضوع كبير هحكيه لك بعدين

جاسمن: انتى لازم تسيبك من موضوع امير ده خالص
انا قلبى حاسس الحكاية دى مش هتخلص على خير

راوية: ربنا يستر قولى لى انتى هتعملى ايه مع سيف

جاسمن: هعمل فيه مقلب هيطلع من عينه

راوية: الله يكون فى عونته

أما وعد فكان لديها خطة أخرى لتصل إلى هدفها
فذهبت لمن تستطيع مساعدتها ودخلت هذا المكان العجيب
الذى يشبه مغارة تسكنها الأشباح وجلست أمامها
تلك المرأة التى ترتدى « جليية » عجيبة و ترتدى عليها
عقد كبير غريب الشكل

المرأة: خير يا حلوة اوّمرى

وعد: ايه ده انتى مش المفروض تعرفى لوحدك

المرأة: انتى بتمتحنينى يا وعد

وعد: ايه ده عرفتى اسمى منين

المرأة: دى حاجات كبيرة عليكى دول ناس عاليين مش
اى حد يوصلهم

وعد: هما مين دول

المرأة: الى انتى جايلهم علشان يقربوا البعيد أو يحققوا
المطلوب ويخلوا ابن السحرتى يبقى بيكى مسحور

وعد: انتى بيكى يا قادرة يا واصلة... قولى لى بقى
ازاى يبقى مسحور بيا ومجنون

المرأة: بصى يا حلوة انا وصلت لهم طلبك وهم
هيقضوا غرضك.... فوتى عليا كمان يومين هديكى
حجاب هيبقى معاكى سريع المفعول

وعد: لا يومين ده انا عايزاكى انتى تبقى سريعة المفعول
ده لازم يبقى معايا النهاردة

المرأة: مممممم هتدفعى مستعجل يعنى

وعد: هو انا جاى اكشف عمومًا ماشى مستعجل
مستعجل

المرأة: خلاص اطلعى استنى بره هحضر هولاك واندهلك

وعد: بس انتى متأكدة مفعوله اكيد

المرأة: بقولك هيجيلك راع

وعد: اوك

وفي المكان الذي تحبه ماهى كثيراً.....إنه المكان الذي
تهرب فيه من جميع البشر وتستريح به تدخل ماهى
وتسجد أمام الهيكل ثم ترفع رأسها وهى تبكى

ماهى :ليه يارب ده غلط غلط ازاي احب واحد
متجوز او حتى استلطفه او افكر فيه مش ممكن انت لازم
ماتسبنيش ارجوك ماتسبنيش وسامحني انقذني يارب
من الاحساس اللى جوايا غلط احس كده غلط
يارب ساعدني ساعدني انا تعبانة اوى اشفيني منه

يقف شريف أمام الكنيسة مع جيرمين

جيرمين :لو انت بجد معجب بيها لازم تقولها لانها
مستحيل هتفكر فيك وهى فاهمة انك متجوز

شريف :هقولها طبعاً بس لما اتأكد انها بتحبني

جيرمين :شريف هتحبك ازاي او تفكر فيك
احنا ما عندناش جواز تانى ولا طلاق يعنى مش ممكن
هتفكر فيك

شريف :يا خبر عندك حق ده انا حطيت نفسى فى
مشكلة كبيرة

جيرمين :ربنا معاك انا هسيبكاروح اخد ديفيد
من الكورال

فتتركه ويدخل الكنيسة ليجد ماهى انتهت من الصلاة
وتمسح دموعها فيقف أمامها

شريف :ماهى انتى بتعطى

ماهى :بعيط..... مابيعطش طبعاً

شريف :فى ايه

ماهى :مافيش

شريف :ماهى انا عايز اقولك انى..

ماهى :انا هتخطب يا شريف انت ومراتك معزومين
طبعاً

فيصدم شريف ويصمت

ماهى :عايز تقولى ايه

شريف بحزن:عايز اقولك انك هتبقى حلوة اوى وانتى
عروسة يا بخته.....عن اذنك

ويتركها ويرحلثم يرن موبيلها

ماهى :ايوة.....وعد... اه هقابلك ...لا مافيش انا
كويسة ماشى هجيلك

وعلى حمام سباحة كبير فى نادى من النوادى المعروفة
يجلس كثير من الأعضاء على الطاولات التى تحيطه فى
شكل دائرى..... منهم من يستعد للنزول الماء، وآخر
يلتقط صوراً لأطفاله داخل البسينطفلين يلعبان
بجانب البسين بالكرة.....يجلس سيف مصدوم أمام
طاولة مليئة بالطعام الشهى وتجلس أمامه جاسمن التى
تحاول أن تكتم ضحكتها وتنظر له

سيف :سمك

جاسمن :ايه رأيك فى المفاجأة دى

سيف :سمك

جاسمن :مالك اوعى تكون مابتحبوش

سيف مصدوم :انا بموت

جاسمن :ايه

سيف :بموت فيه

جاسمن :انا بعشقهبس شكلك كده مضايق منه

سيف: بالعكس انا بحبه بحبه اوى

جاسمن: طب يلا عايزاك تخلص عليه كله

سيف: اه هاكل طبعا

فيبدأ سيف يأكل من السمك وهو مضطر ويضغط على نفسه بأن يحتمل تلك الغذاء التى أصرت عليه جاسمن إنه أكثر شئ سئ يكرهه فى الحياة الأسماك ويجلس مثل الطفل الصغير الذى يشرب اللبن لكى لا يضربه والده وبعد تلك الوجبة التى يكرهها جلسوا ليتحدثان ويشربان عصير الليمون الذى طلباه ثم ذهبوا وبعد أن وصل إلى المنزل تأكد كم يحبها وصارح نفسه نعم احب تلك المجنونة التى من أجلها تناولت السمك الذى أكرهه وسأحتمل الحساسية التى لم تتركنى بعد تلك الوجبة ولن أشفى منها سوى بالعقاقير والأدوية الجلدية سأشفى من الحساسية التى تسكن جسدى ولكن كيف أشفى من حبها الذى أصاب روحي إنه الحب الأول بالرغم انه يشعر برفضها له ولكنه يحاول أحياناً نرفض وهناك أنواع كثيرة من الرفض هناك رفض لأن الوقت خطأ وهناك أيضاً رفض لأن الشخص خطأ أما الرفض الثالث بسبب الذكريات التى تحاصرنا ولا نستطيع التخلص منها فهل عندما تشعر أنك مرفوض

عليك أن ترحل أم عليك أن تحاول ذلك..... كان السؤال
الذى يدور داخلههل ترفضنى أنا.....أم ترفض
الوقت الذى أتيت به؟

وفى نادى على النيل تجلسان ماهى و وعد تحكى لها ما
فعلته لتصل إلى نيل السحرتى

وعد:ايه المكان الجامد ده و رومانسى كمان

ماهى :وحياتك انا مش فايقه

وعد:طب قولى لى انا جتلك انتى بالذات علشان عارفة
انك هتفوقينى وهتدينى بالجزمة

ماهى :انتى عايزانى اديكى بالجزمة ولا عايزة تستمرى
فى الى انتى بتخططى له غلط غلط الى بتعمليه
غلط

وعد:هو غلط ابقى فى مستوى احسن

ماهى :تكذبى عليه وبعدين تسحرى له غلط

وعد :غلط بس على الاقل بحاول اوصل للى عايزاه
لكن انتى عملتى ايه يا ماهى ولا حاجة انتى خايفة
تجبنى وخايفة تتجبنى ده انتى حتى خايفة تعيشى
خايفة تغلطى وعايزة تفضل فى دور المثالية ده مافيش

حد مثالى يا ماهى و لو موجود مايقاش عايش لان الى
ماجر بش وماغلطش بيقى ميت فهمتى

ماهى :ايه الى بتقولى ده

وعد:بقولك فوقى يا ماهى انتى حتى ماتقدر يش
تاخذى خطوة فى حياتك انتى فى حياتك مفعول به
مش فاعل ما عندك يش جرأة تاخذى خطوة دايمًا مستنية
الخطوة من الى قدامك فوقى وعيشى بقى

ماهى :انتى جاية تدينى درس واضح انك
مقتنعة باللى بتعمله انتى حرة

وعد :هو انتى بس الى بتدى دروس واضح ان احنا
الاتنين مش هنتغير ولا انتى هتبطلى مثالية ولا انا هبطل
اغلط

ماهى :انا خايفة عليكى الى انت بتعملى ده اخرته ايه
افرضى التجوزتى تبقى بتتجوزيه على غش

وعد:سببى الى يحصل يحصل يا ماهى

ماهى :امال جاية لى ليه

وعد:صدقينى انا بجد مش عارفة.....قولى لى
صحيح انتى اخبارك ايه

ماهى :انا فى مصيبة كبيرة يا وعد كبيرة اوى بس
ازاى حصلت ماعرفش فجأة لقتنى بحس بحاجات غريبة
و باين انه حب

وعد:وايه المشكلة

ماهى :بحب راجل متجوز يا وعد عارفة يعنى ايه
متجوز احنا فى ديننا ما عندناش جواز ثانى

وعد :يعنى لو عندكم كنت هتوفقى

ماهى :لا يا وعد برضه كنت هبعد عارفة ليه لانى
مارضاش اعمل فى واحدة تانية الى مارضاش يتعمل فىا

ويقضى أمير الطحاوى ليلته أمام التلفاز ثم يقرر أن
يغلقه ويذهب ليأخذ دش ساخن لينسى به تعب يوم ملئ
بالعمل ويدخل الحمام ويقف تحت الدش ويفتح
المياه التى تتدفق فوق رأسه فتنسيه تعب اليوم كله ثم
يتذكر فجأة تلك الليلة التى قضاها سجين بمكتبه مع
سكرتيرته تلك الغريبة التى دخلت إلى حياته فجأة
..... امرأة ليست جميلة على الاطلاق ولكنها عن طريق
القدر أصبحت سكرتيرة شاب وسيم ومليونير ثم يغلق
المياه ويرتدى روب الحمام ويخرج يجلس على chaise-long

فى غرفة نومه ويمسك كتاب ليقراه ثم يعود ليشرد بتلك
الليلة مرة أخرى

أمير: يا بختك يا هند عندك عيلة و حد يسأل عليكى

ثم يجلس أمام المرأة ويمسك زجاجة العطر وينظر
لنفسه

امير: مالك انت ليه زعلان كده علشان عايش
لواحدك..... ولا علشان كل يوم زى الى قبله والناس
بتحسدك على العربيات والفلوس والبدل والنادى ومليون
واحد يتمنى يكون مكانك ياريتهم ياخدوا مكانك.....
ياريتهم يشوفوا الحقيقة الى جوة القصر الى بقى شبه
بيت الاشباح ده..... ياريتهم يعرفوا ايه الى وراه المظاهر
الى شايفنها بس ما حدش بيشف الحقيقة غير صاحبها
يمكن اول ليلة حسيت فيها انى مش لوحدى وان فى بنى
ادم بيكلمنى واكلمه امبارح بس

وتلك الليلة ذاتها تجلس راوية فى غرفتها تفكر ماذا
ستفعل مع ذلك الوسيم وماذا لو كشفها مازن ثم يدق
باب غرفتها ويفتح خالها الباب

راوية: فى حاجة

الخال :ممكن اقعد معاكى شوية

راوية :اتفضل

الخال :انا عارف انك مش طايفة تتكلمى معايا بس
انا نفسى اعرف ايه الى حصل بينك وبين طارق

راوية :خناقة عادى

الخال :تعرفى انك زى حنان فى كل حاجة امك
كانت عينة زيك وما فهمتش كلامى انه خوف عليها زى
ما انتى بتعملى مع طارق دلوقتى كأنى بشوف التاريخ
بيعيد نفسه زمان امك مشيت وسابت البيت لما حاولت
احذرها من جوازها من ابوكى وخوفت عليها فهمت
انى واقف فى طريقها وده كان سبب سوء التفاهم الى بينا
وطارق برضه خايف عليكى بس انتى فاهمة انه عايز
يسيطر عليكى ويتحكم فيكى زى ما هى فهمت زمان

راوية :انت اد كده كنت بتحب ماما امال ليه كنت
واقف فى جوازها من الى بتجبه

الخال :علشان كنت شايف الى هيحصل كنت عارف
ان عيلته مش هتسيبهم فى حالهم لانها مش من مستواها
بس هما الحب عماهم امك كانت مكسوفة ترجع لى
بعد ما ابوكى اختفى كانت دايمًا تحب تبان قوية

المجنونة كانت فاكرة انى هشتت فيها بس انا فضلت
متابع اخبارها من بعيد وبحاول اساعدها من غير ماتعرف

راوية :معقول هي ماكتتش تعرف انك بتحبها كده

الخال :زى ما انتى فاكرة ان طارق مايحبكيش يا
مجنونة مش بقولك انك طالعة لها

راوية :خالو ممكن تاخذنى فى حضنك تعرف من ساعة
ماما ماتت وماحدش حضنى ابدا

فياخذها خالها فى حضنه فتنام مثل الطفلة الصغيرة فى
حضن والدتها التى تشعرها بالأمان

وفى صباح مشرق تجلس فى الشرفة جاسمن مع أختها
نجوى يحسبون القهوة سوياً

نجوى :جاسمن لسه ماحددتيش معاد الفرح

جاسمن :فرح مين

نجوى :فرحك

فيدخل جلال عليهن فجأة

جلال :اهلا يا جيسى ده ايه النور ده

جاسمن: میرسی یا جلال

جلال: ممکن کوبایه شای یا نجوی لو سمحتی

نجوی: اه حاضر

وتنهض نجوی لتحضر الشای لزوجها

جلال: جاسمن انا عايز اكلمك في موضوع مهم انا زى
اخوكى وانتى عارفة

جاسمن: طبعا

جلال: لو مش عايزة سيف افسخى الخطوبة ماتكمليش

فتنظر له بدهشة

جلال: انا بقولك كده علشان مش علشانك
اوعى تفتكرى ان الراجل حيوان ماعندوش مشاعر بالعكس
لو اتجوزتیه وانتى مش بتحبیه تبقى بتدبجیه وحرام عليكى
تعملی فيه كده

جاسمن: غريبة يا جلال انا عمرى ماشوفتك بتتكلم
كده

جلال: انتى عارفة يا جاسمن الستات دايمًا بيفتكروا
ان الراجل كل الى يهمه من الست العلاقة زى الحيوانات

لكن مش دى الحقيقة الراجل بيحب زى الست ويبقى محتاج يتحب لو حس انها بتجبه بيبقى اسعد واحد فى الدنيا.....ولو حس انها مابتجوش عمره مايحاول يقرب لها مهما ان كانت حلوة بيكرها ويكره نفسه معاها ومايقدرش حتى ينام معاها فى اوضة واحدة انتى فهمانى

جاسمن: جلال هو انت ونجوى مبسوطين مع بعض

جلال: عايزة الحقيقة ولا اكذب

جاسمن: الحقيقة

جلال: جيسى او عى تكررى غلطة نجوى تانى انا مش عايزك تعيشى فى مأساة.....ولا سيف يستاهل منك كده

جاسمن: انا ماكنتش اعرف انك مودع للدرجة دى يا جلال

جلال: انا نصحتك واللى يريحك اعمله

فتدخل نجوى وتضع الشاى أمام جلال

جلال: معلىش انا لازم انزل عندى شغل عن اذنك

نجوى: هو جلال ماله

جاسمن: انتى بس الى تعرفى ماله

جمعت وعد كل المعلومات التى تفيدها عن نبيل
ماهى الأماكن التى يجلس فيها، أين يذهب ومتى ومن
يقابل ولهذا علمت عن عاداته بأن يجلس فى كوستا
المعادى التى رآته فيه أول مرة فذهبت إلى هناك
فراها و نادى عليها

نبيل: انسة وعد معقولة

وعد: معقول ايه الصدفة دى

نبيل: فعلا صدفة حلوة انتى جاية مع حد

وعد: لا خالص انا متعودة اخد قهوتى هنا

نبيل: وانا كمان متعود اخد قهوتى هنا

وعد: غريبة دى

نبيل: تشربى ايه

وعد: اكسبرسو باللبن

نبيل: غريبة فينادى على النادل ويطلب اتنين

اكسبرسو باللبن

وعد: ايه عامل ايه

نبيل :تمام بس مش غريبة دىواحدة حلوة زيك
كده تيجى تقعد لواحدها

وعد:سمعت انك شقى وعينيك زايغة بس دلوقتى
صدقت

نبيل :لا صدقيني ماقصدش بس مستغرب

وعد:مستغرب انى مش مرتبطة

نبيل :معقول

وعد:بصراحة ماقبلتش حد يشدنى

نبيل :بس انتى تشدى اى حد بس مين بقى الى يشدك

وعد:واحد جيتل لطيف وطموح انا احب الراجل
الى بيحب شغله

نبيل :انا كمان بحب الست الذكية الطموحة

وعد:ومالقتهاش لسه

نبيل :قربت بتهيألى انى قربتعلى فكرة انتى
حلوة اوى

وعد :دى معاكسة

فيأتى النادل ويضع القهوة أمامهم ويحتسونها

ويعطس يظهر أنه مريض..... وقال لها بأن تأتى إليه
لأن هناك أوراق هامة وشيكات لابد أن يوقع عليها اليوم
فذهبت إليه وأخذت معها الأوراق واستقلت تاكسى.....
عندما وصلت إلى فيلته ادخلها البواب من باب المنزل
ورنت جرس الباب الداخلى للفيلا ففتح لها أمير ويظهر
عليه المرض

أمير يسعل بشدة :احم احم .. اسف اوى يا هند انى
خليتك تيجى بس لازم الاوراق دى امضى عليها النهاردة

هند:مستر امير حضرتك شكلك تعبان

أمير :دول شوية برد بس جامدين شوية

ويجلس على الانتريه فى الهول

هند :هو مافيش حد يعملك شوية شوربة بليمون و
فراخ مسلوقة هتخليك زى الفل

أمير :انا الى عملهم اصل الطباخ بقاله اسبوع فى
اجازة ابنه كان تعبان شوية

هند :حضرتك مش قادر تقف ممكن لو سمحت
تطلع ترتاح

فحاول أن يقف ولم يستطع فركضت هند إلى الباب
.....تنادى للبواب ليسنده واستند عليه أمير حتى
وصل إلى غرفته ووضعته في سريره

هند:مستر أمير لو سمحت ماتتحركش من السرير
..... اتفضل ادى الاوراق والشيكات اهي امضيها عقبال
ما اعملك شوية شوربة وفراخ تقوت بيهم نفسك

أمير:اقوت ههههههههه لا ماتتعيش نفسك يا هند

هند:لو سمحت تسييني اعمل الى انا عايزاه...

وتنزل إلى المطبخ وتطلب من البواب أن يشتري لها
بعض الأشياء من السوبر ماركت وتجهز الطعام وتصعد
إلى غرفة أمير وتضع الطعام أمامه

هند:اتفضل

أمير:ايه ده انتى برضه عملتى الى فى دماغك

وتضع يدها على رأسه

هند:ايه ده انت حرارتك عالية بعد مأكلا
هتأخذ الدوا ده يلا

فينظر لها :انتى طيبة اوى يا هند

هند: متشكرة بس برضه هتاكل اتفضل

أمير: مش هتاكل معايا

هند: لا الاكل ده مخصوص ليك اتفضل يلا

فيأكل امير ثم تعطيه الدواء وتنده على عم لطفى
البواب

هند: عم لطفى لو سمحت اعمله اللى قولت لك
عليه

عم لطفى: حاضر

أمير: هو ايه ده اللى هيعمله

هند: مشروب هيعجبك اوى وهيضيع البرد ده فى ليلة
واحدة

أمير: انا متشكر يا هند تعبتك اوى

هند: على ايه مافيش حاجة

ثم تنظر هند إلى برواز على الكومدينو بجانب السرير
به صورة فتاة

هند: لو مافيه اش قلة ذوق يعنىهى مين اللى فى
الصورة دى

أمير: دى البنت الى كنت هتجوزها

هند: وراحت فين

أمير: ماتت كنا خلاص هتجوز ويوم الفرح
اتقلبت بينا العربية وانا بجبها من عند الكوافير بس
للاسف ماتت لوحدها وماخذتنيش معاها

هند: انا اسفة

أمير: بتأسفى على ايه ... انا لحد دلوقتى مش قادر
انسى علشان كده الناس بتقول انى نحس اوى

هند: مافيش حاجة اسمها نحس يا مستر سييك
منهم دول ناس بيقولوا اى كلام أحضرتك اكيد ربنا
هيسعدك وتحب تانى وتتجوز انت برضه مستر امير
الطحاوى اى واحدة تتمناك

أمير: علشان الفلوس علشان انا امير الطحاوى

هند: لا علشان انت طيب طيب اوى

أمير: انتى شايقة كده شايقة انى اتحب

ثم يأتى عم لطفى ويعطى لأمير كوب به جنزاييل
بالليمون

أمير: ايه ده جنزبيل باليمون ده انا مابطقوش

هند: لو عايز تخف بسرعة لازم تشربه

أمير: اه انا فعلا عندي بكرة حفلة مهمة

هند: يبقى اشرب

فيغصب على نفسه مثل الاطفال الصغار ويشربه

هند: هایل كده انت شاطر يا مستر

أمير: ده انتی الی شاطرة افنعتینی وختلتنی اشربه
.....على فكرة انتی رایحة معایا حفلة بكرة

هند: انا

أمير: طبعا دی حفلة شغل ولازم یبقى معایا سكرتیرتی

هند: بس انا شكلی یعنی

أمير: هند انا مش عايز اسمع ای كلام

فتدخل نانسی فجأة: ايه ده ازای سایب الباب یا زفت
انت

عم لطفی: انا

نانسی: انت مهمل امشی شوف شغلک

عم لطفى :امرك يا ست هانم

هند:معلش يا انسة نانسى اصلى انا الى قولت له
علشان

نانسى :علشان ايه..... انتى مين اصلا

أمير :هند سكرتيرتى كنت طالب منها شوية اوراق تجييهالى

نانسى :أمير حيبى الف سلامة عليك ياروحى.....
انتى قاعدة هنا بتعملى ايه اتفضلى يلا مش جبتى الاوراق

أمير : خدى يا هند انا مضيت على الاوراق.....
ارجعى على الشركة و الغى مواعيدى النهاردة

هند:حاضر يا مستر عن اذنك

وتنصرف هند ويظهر غضب أمير

أمير:فى ايه يا نانسى مالك نازلة زعيق من ساعة
مادخلتى

نانسى :حيبى انا خايفة عليك

أمير :انا سكت كتير عليكى بس انا مش عاجبنى ابدا
تصرفاتك مع الى شغالين عندى وبعدين دول شغالين
عندى انا مش عندك

نانسى :انا فاهمة الناس دى كويس وبعرف اتعامل
معاهم اكتر منك

أمير :نانسى انتى قولتى لى ان عندك حفلة النهاردة مع
اصحابك

نانسى :ايه اللى بتقوله ده اروح اسهر واسيبك
أمير :سهرتك مع اصحابك مش هتتعوض وانا دلوقتى
احسن هنام شوية وهبقى كويس

نانسى :او كيه يا حبيبى لو عوزت حاجة كلمنى

فتمشى نانسى ويأخذ امير موبايله ويطلب رقم مازن

أمير يتحدث فى الموبايل :ايوة يا مازن اسمع انت طبعا
عارف هند السكرتيرة.....تعرف تجيب لى فستان سواريه
نفس مقاسها ماتسألش كتير..... انا عارف ان ذوقك حلو
..... لونه لونه تركواز هبقى حلويلا تنزل
النهارده تجيبه انا هقول للحسابات يدولك فلوس
انت مالك الفستان ليها ولا لحد تانى انت تنفذ بس
ويغلق الخط

وفى تلك الليلة تجلس راوية فى الشرفة تسمع سمية
بعلبكى وهى تغنى يا عاشقة الورد وهى شاردة.....

تفكر ماذا ستفعل غداً مع ذلك المليونير الذى أصبحت
جزء من حياته وأصبح قريب منها بطريقة تخيفها
.....ماذا سيحدث غداً.....حتى يدخل عليها
خالها وهى غير متبهة وكأنها فى عالم آخر

الخال: راوية راوية

راوية: بتنده لى يا خالو

الخال: فى ايه يا بنتى انتى مش هنا خالص انتى
عاملة زى اللى بيحب

راوية: بحب ههههه لا يا خالو

الخال: امال ايه

راوية: ده مشكلة فى الشغل

الخال: مشكلة فى الشغل وبتسمعى يا عاشقة الورد

راوية: وفيها ايه

الخال: مافيش..... طيب يا بنتى مش ناوية تصلحى
اخوكى

راوية: انت زهقت منى ولا ايه

الخال: لا طبعاً انتى منورة وعائزك تقعدى معايا على طول من غير خصام بينك وبين اخوكى

راوية: كل حاجة هتتصلح فى وقتها يا خالو

تجلس وعد على سريرها تفكر ماذا سيحدث فى حفل الغد وتقوم تفتح خزانها وتختار ماذا سترتدى من الفساتين التى استعارتها من صديقتها وفى هذا الوقت يفكر مازن فى غرفته ويسأل نفسه من هى هند ولماذا يهتم أمير الشاب الوسيم الغنى بسكرتيرة قبيحة مثلها هند التى يعتقد بأنه رآها من قبل و كأنه يعرفها وظل الجميع ينتظر غداً بما يحمله

وفى ظل ما يحلمون بالغد لم تستطع نجوى أن تخبئ ما بداخلها من مشاعر فظلت تنتظر زوجها حتى عاد من عمله فى وقت متأخر وفتح باب الشقة ودخل ثم يتفاجئ بما جهزته فرأى عشاء هادئ على ضوء الشموع ورائها كالسندريلا التى تستعد للذهاب لحفلة الأمير ترتدى فستان أبيض وتظهر به كالملائكة فنظر لها وهو مندهش

جلال: ايه ده فى ايه

نجوى: ده عشاء

جلال :لمين

نجوى :علشانك

جلال :فى ايه يا نجوى انتى عايزة ايه

نجوى :انا اسفة

جلال :على ايه

نجوى :على كل حاجة على كل الم سبيتھولك
..... على كل جرح جارحتھولك

وتقترب منه وتحاول ان تضع يدها على كتفه فيبتعد
عنها

نجوى :ياااه للدرجادى مش طايق حتى انى المسك

جلال :كفاية يا نجوىجه الوقت نهى التمثيلية
السخيفة دى الى كان لازم تخلص من زمان
نجوى :انت بتقول ايه

جلال :نجوى الحياة الى بينا دى بقت متعبة ولا انتى
مرتاحة ولا انا مرتاح انا شايف احسن انك تبدئى حياتك
من جديد وانا مستعد انى اديك حريتك.....وكويس
الى كان ممكن يربطنا راح

نجوى : انا مش عايزة اكون ام لأبن او بنت حد تانى
غيرك

جلال: انتى بتقولى لى الكلام ده ليه

نجوى : علشان بحبك

جلال: نعم

نجوى: انت مش مصدقنى

جلال: انتى كويسة يا نجوى

نجوى : انا كويسة وبحبك ماتسبنش ممكن
تسأخنى ونبدئ حياتنا كأننا لسة متجوزين النهاردة
فينظر لها وهو لا يصدق ما يسمعه

جلال: انتى عايزة ايه يا نجوى

نجوى : عايزاك انت انت بس لو اتدتنى
حرىتى زى ما بتقول برضه هتشارك انت
جلال: ليه

نجوى : علشان انت حبيى الى اختارت اكمل معاه
حياتى وابقى ام ولاده وما ينفعش حد غيرك

فبعد هذه السنوات.... بعد أن تزوجته دون أن تحبه..... شعرت أنه أعطاها كل الحب الذى لم تكن تستحقه..... بعد أن تزوجته فقط لتفرح بفرح بستان زفاف ودبلة زواج..... أو خوفاً من لقب يمكن أن يطاردها.... شعرت أخيراً أن ذلك الرجل يستحق أكثر من الحب..... لأنه أحبها..... كل يوم تعرف ذلك الرجل أكثر الذى كان بالنسبة لها مجرد زوج..... مظهر اجتماعى ليس أكثر..... كانت معه امرأة بدون مشاعر وعندما شعر بعدم رغبتها به ابتعد..... فبدأت هى أن تقترب وتعرفه..... أحبته بعد أن شعرت بحبه لها..... بعد أن شعرت بالجرح الذى سببته لذلك الزوج الذى كانت كل خطيئته أنه فقط عريس مناسب تقدم لفتاة تريد أن تتزوج فقط ولكنها الآن تكتشف أنها زوجة وحبيبة تريد أن تعيد حبسها إليها.

فعندما نخطئ أيضاً ليست نهاية العالم..... حتى عندما نخطئ فى الاختيار من الممكن أن نحول هذا الخطأ إلى سبب سعادتنا..... الحب هو من يصحح الأخطاء التى ارتكبتها.... عندما نقرب ونحب اختيارنا..... نرى به أشياء لن نراها من قبل لأننا كنا نفكر فقط... كيف نعاقب أنفسنا على ذلك الخطأ الذى اخترناه بإرادتنا ولكننا بدلاً من أن نحاول أن نكون سعداء.. نجبر أنفسنا

ونقنعها أننا نستحق التعاسة.... ولكن فقط الأذكاء هم من يصححون أخطائهم بدلاً من معاقبة أنفسهم..... كانت تلك الكلمات مقدمة راوية لمقالها الجديد عن الخطأ في اختيار شريك الحياة...الذى نختاره أحياناً تحت ضغوط المجتمع لنهرب من مصطلح عانس وأحياناً تحت ضغوط الوحدة والاحتياج العاطفى نخطئ ونفتح قلوبنا لأول إنسان يُشبع ذلك الاحتياج.

وجاء طارق إلى المنزل الذى أصبح ساكن بدون راوية أخته..وتقوم شمس باستجوابه كالعادة ويشور عليها أيضاً كالعادة فتضيع لغة الحوار بينهم حتى تعود إلى نفس الموضوع وتتهمه بأنه لا يريد لها ويريد التخلص منها ليتزوج من أخرى

طارق:انا مش عارف انتى بتجيبى الكلام ده منين من كتر ما انا مبسوط معاكى هروح اجرب تانى شمس:كويس انك قولتها انك مش مبسوط معايا

طارق:كفايه بقى يا شمس هو انتى غاوية نكد انا فعلا قربت اكرهكانا ماليش ذنب انك مابتخالفيش علشان تطلعيه عليا كل يوم

شمس: صحيح انت مالکش ذنب وانا فعلا الموضوع
ده مجننى علشان كده انا بطلب منك تطلقنى

طارق: انتى التجنتى رسمى

شمس: طارق انا عارفة انك بتخونى

طارق: بتقولى ايه

شمس: يمكن اكون انا اللى بجنانى وتهورى خربت
بيتى بأيدى اتجوزها وطلقنى

طارق: هى مين

شمس: انا شوفت ال messages بتاعتها على موبايلك
(بسخرية) يا بيبى

فيغضب ويرفع يده عليها: انتى كمان بتفتشى ورايا

شمس: كمان بترفع ايدك عليا ماهى مش اول مرة
..... بس المرة دى انا هسيب البيت وامشى كفاية
اهانات بقى

فتذهب إلى غرفتها تأخذ حقيبة ملابسها التى جهزتها
سابقاً وتتركه وتذهب

وجاء اليوم المنتظر، يوم الحفلة التى جهزها نبيل فى بيته
..... هذا اليوم الذى ينتظره الجميع وفى مكتب أمير
صباحًا نادى هند سكرتيرته

أمير: هند تعالى

هند: صباح الخير يا فندم

أمير: اقفلى الباب وراكى

هند: نعم

أمير: اقفلى الباب وراكى..... ولا خائفة تتحبسى
تانى ماتخافيش انا صلحت الباب

فتغلق الباب وهى خائفة من هدوءه وصمته

أمير: قربى مالك خائفة ليه

هند: هو فى ايه حضرتك

فينهض أمير من على كرسيه ويقترب منها

أمير: هند شايقة الفستان ده الى على الكنبه ده

هند: اه

أمير: ايه رأيك فيه

هند: حلو اوى

أمير: ايه رأيك فى لونه

هند: تحفة..... هو فيه ايه حضرتك

أمير: ادخلى قيسيه

هند: نعم

أمير: ادخلى الحمام قيسيه

هند: حضرتك متأكد

أمير: معقول اكون بهز يعنى اتفضلى

فتدخل ترتديه وتخرج به

أمير: يا سلام برافو عليه مقاسك بالضبط

هند: هو مين

أمير: ماتخديش فى بالك ... مبروك عليكى الفستان.....

ده اقل حاجة اشكرك بيه على اللى عملتيه امبارح

هند: ازاي ده شكله غالى اوى

أمير: ماهو ده للشغل برضه هتحضري بيه الحفلة معايا

النهاردة..... بس اللون طلع حلو عليكى زى ماتخيلته

هند: انا عايزة اقول

أمير: ماتقوليش حاجة يلا انتى اجازة النهاردة
روحى علشان تلحقى تضبطى نفسك عند الكوافير وانا
هاجى اخذك بليل

هند: لا لا حضرتك ماتتعبش نفسك

أمير: لا هتعب مش عايزانى اجى اخذك علشان
خالك يعنى خلاص هستناكى فى الشارع الى وراكم حلو
كده

هند: اصل

امير: ما خلاص بقى ولا اصل ولا فصل يلا علشان
تلحقى

أما فى الاستقبال عند باب الشركة كان يقف مازن أمام
الحسنة زميلته الجديدة قمر التى توسط لها لتعمل معه فى
الشركة

مازن: مبروك يا سبتى الوظيفة الجديدة

قمر: قولتها لى خمسين مرة النهارده

مازن: خليه واحد وخمسين

قمر: انا شكلى هترقد قبل ما اتثبت

مازن: لا ما تقلقيش وبعدين انا جايلك فى شغل

قمر: شغل ايه

مازن: جاى اسألك ماجاليش تليفونات النهاردة

قمر: سايب مكتبك وشغلك وجاى علشان تسألنى
جالى تليفون..... وبعدين تليفون ايه الى هيجى لك يا
بتاع الشئون القانونية انت

مازن: ايه ده بقى ده بقى ده بقى ده قوام كده اتغيرتى
عليا..... يا فتاة الاستقبال انتى

قمر: ماتغلطش

مازن: ماشى يبقى ماتقوليليش يا بتاع الشئون القانونية

قمر: هتروح على شغلك ولا اقولهالك تانى

مازن: لا الطيب احسن

أما فى مديرية أمن الجيزة يجلس الرائد سيف على مكتبه
وهو منشغل بقضية..... يدق الباب

سيف: ادخل.... فيه ايه يا عسكرى

العسكرى: واحدة يا باشا بتقول عايزة سيادتك

سيف: واحدة مين

جاسمن: انا

تدخل وهى تحمل بيدها علبة حمراء يظهر أنها هدية

فيقف فجأة كطفل ينط من على كرسيه فرحاً عندما
تأتى والدته لتأخذه من المدرسة

سيف: جيسى اتفضلى اقفل الباب يا عسكرى وروح
شوف شغلك

العسكرى: تمام يا باشا

فيمشى ويغلق الباب خلفه

سيف: ايه المفاجأة الحلوة دى تشربى ايه

جاسمن: لا انا مش هقعد مش عايزة اعطلك.....
اصلى قولت اجب لك الهدية دى زى ما انتى جبتى لى
هدية

سيف: ميرسى اوى

جاسمن: بس يارب تعجبك ماتفتحهاش غير لما
امشى.....ولما تشوفها كلمنى وقولى رأيك فيها

سيف: ايه جو المفاجأت ده

سيف: انا عندى عقده منها

طه: هو مين اللي جامها لك

سیف: جاسمن

طه : کمان هههههههه طه الحمد لله انها ماکنتش هنا
وانت بتعمل الشقلبات دی کان هیبقى شکلک وحش
اوی یا معلم

سيف: على رأيك كانت تبقى مصيبة سييك من موضوع القطعة ده وخلينا في شقة المهندسينأنا عايزك تأجر شقة في العمارة الى قدامها على انك خواجه يونانى علشان نبدأ نخط فيها معدات المراقبة التحريات اثبتت ان الاسلحة بخوها في الشقة دى

طه : اوامر ك يا كبير

وفي كازينو على النيل تجلس ماهى ومايكل عريس المستقبل ليتحدثان في تفاصيل تخص حياتهم ومستقبلهم ويتحدثان في تفاصيل الخطوبة، فيضع ميدلية المفاتيح ونظارة الشمس امامه على الطاولة وهى تضع الشنطة بجانبها على الكرسي ويطلبها عصر برتقال من الجرسون

مايكل :ايه رأيك نعمل الخطوبة فين

ماهى :فى اى حته

مايكل :هو ليه انا حاسك مش مهمته كده

ماهى :لا يا مايكل عادى انا سيباك تختار على ذوقك

فيأتى الجرسون ويضع العصير ويمشى

مايكل :ماهى لو فى حاجة صارحيني

ماهى :حاجة ايه

مايكل :اي حاجة عموما ادى نفسك فرصة
تفكرى انا هديكى اسبوعين تفكرى انتى عايضة
الخطوبة دى ولا لا وبعدين تردى عليا بس اوعى
تفتكرى انك ممكن ترتبطينى بحد علشان تنسى حد تانى
تبقى بتظلمينى عن اذنك

ويضع الحساب على الطاولة ويمشى فتجلس ماهى
وحيدة تفكر فى حديثه

أما فى الليل ليلة ينيرها البدر وحيد فى السماء
..... يبدأ المرح فى قصر نبيل السحرتى الكثير
من رجال الأعمال ونجوم المجتمع والصحافة والفن
تدخل وعد التى تعتقد أنها نجمة الحفل التى ستستحوذ

على قلب الأمير وأمواله وتقلب حياتها وتسكن القصر
وتدخل هند بفستانها التركوزي مع أمير الطحاوي

أَمِير: مالِك يا هِنْد

هند: هو كان لازم اجى مع حضرتك يعنى انا مكسوفة
اوى ل حضرتك كل الناس بتصلنا

[illegible]

ہند: یعنی حضرتک مش شایف یا مستر کلہم معاہم
ملکات جمال و حضرتک یعنی

أمير: هند شايقة نص الستات الحلوين دول عملين
عمليات تجميل اصلا

هند: بس انا يعنى مش حلوة

أمیر: اسکتی یا ہند شویۃ احنا جاہین نبسط ونشتغل

هند: نشتغل

أمیر: طبعاً رجل الاعمال الناجح يستغل ای حاجة فی شغلہ

فتنظر هند و تنصدم و تتوتر عندما ترى وعد

هند: انا عايزة امشي

أمير: مالك في ايه اهدى

هند: عايزة امشى يا مستر

أمير: احنا جايين نشتغل مش نهزر..... خليكى هنا
هيجبك حاجة تهديكى

نبيل: اهلا يا وعد نورتي الحفلة

وعد: ميرسى

نبيل: عن اذنك ثوانى وجاى

ويذهب ويقف مع سيده جميلة جداً ويضحك معاها
ثم يأخذها ليرقص معاها

وعد: ده ولا سأل فيا خالص..... وبعدين لازم احط
الحجاب فى اوضة نومه

فتدخل القصر وكأنها ذاهبة إلى الحمام

وعد: لو سمحت

الخادم: ايوة يا فندم

وعد: قولى لو سمحت الحمام فين

الخادم: حضر تك هتمشى يمين كده هتلاقيه

وعد:اه جنب اوضة نبيل بيه

الخادم:لا اوضة نبيل بيه فى الدور التانى

وعد:اه افتكرت هو مرة فرجنى على الفيلا كانت فوق
اول اوضة

الخادم:لا تالت اوضة

وعد:متشكرة

فتذهب إلى الحمام ثم تتفقد الطريق وتصعد دون أن
يراهأ أحد إلى غرفته وتضع الحجاب داخل الوسادة ثم
تفتح الباب لتنزل تراه قادم فتختبئ وراء الستار ليدخل
وهو يتحدث فى الموبايل

نبيل :معلش يا ماما الدوشة عليا بره..... ايه
هتأخرى فى السفر ماهوده العادى يعنى ايه بكلمك كده
ليه امال عايزانى اكلمك ازاي يعنى ماشى براحتك سلام
فينظر فى المرأة ويتحدث مع نفسه :طب بتقولى ليه يعنى
علشان اقلها خليكى هناك على طول عموما انا مابقتش
محتاج لها انا بقيت انجح رجل اعمال فى مصر.....انتى
امتى هتفتكرى انك امكل الى بتفتكره انك سيدة
اعمال

أمیر: برافو علیکی انتی هایله..... مش عارف لیه
حاسس زی مانکون رقصنا مع بعض قبل کده

هند: لا خالص

أمیر: مجرد احساس یعنی قولى لی یا هند انتی
مرتبطة

فتتوتر وتدوس على قدمه

هند: اسفة

أمیر: انتی مالک اتوتری کده ده مجرد سؤال دردشة
یعنی

هند: هو حضرتك بتتريق عليا

أمیر: لیه

هند: علشان بتسألنی السؤال ده ای راجل بیدور
على بنت حلوة

أمیر: هند..... الراجل فعلا بيشده فی الست جمالها
لبسها جسمها بس الی یخلیه یحبها حاجات تانية خالص

هند: حاجات تانية ازای

أمير: وقفتها جانبه..... حنيتها..... ثقتها فيه
..... تقدرها لظروفه ست تقدر تفهمه..... هي دي
الست الى يحبها الراجل

هند: يمكن

أمير: انت لسه صغيرة يا هند مش كل حاجة في الدنيا
ممکن تفهميها

هند: بس انا قربت على التلاتين

أمير: برضه صغيرة..... الدنيا كبيرة اوى أطول مانتى
عائشه فيها هتتعلمى كثير

فتتلفت وعد حول نفسها حتى تصدم بنيل

نيل: انتى فين بدور عليكى

وعد: فى حاجة

نيل: تسمحي لى بالرقصة دي

وعد: sure

فتذهب لترقص معه وأثناء الرقصة يقترب منها ويهمس لها

نيل: على فكرة انتى احلى واحدة فى الحفلة

وعد: مش مصدقك

نبيل: بس انا بتكلم بجد على فكرة

وعد: هعمل انى مصدقة

نبيل: تعرفى يا وعد انك شبه تفاحة ادم

وعد: قصدك انى هخرجك من الجنة

نبيل: لا تفاحته هو خرجته من الجنة بس تفاحتى انا
هتدخلنى الجنة

وعد: تعرف انى مش بصدق ولا كلمة من اللى بتقوها

نبيل: عارف بس هخليكى تصدقينى

وعد: ازاي

نبيل: انا ليا طريقتى ده انا ابن السحرتى برضه

فخلال الرقص تصطدم وعد وهند ببعضهن فينظرن
لبعضهن

نبيل: مش تخلى بالك مابتعرفيش ترقصى ماترقصيش

أمير: معلش اكيد ماكنتش تقصد وبعدين لو سمحت
يا نبيل ماتكلمش حد معايا بالشكل ده

نبيل: جرى ايه يا امير انت بتكلمنى انا كده علشان
حثة سكرتيرة

هند: يا مستر محصلش حاجة

وعد: الموضوع مش مستاهل يا نبيل

أمير: لا حصل اسكتى يا هند لو سمحتى يلا
اتفضلى يا هند لو سمحتى علشان اوصلك

هند: مستر

أمير: اتفضلى

نبيل: جرى ايه يا امير انت بتتلكك ولا ايه

أمير: لما تعرف تعامل ضيوفك يا نبيل بيه ابقى
اعزمهم.... يلا يا هند

وعد: بعد اذنك يا نبيل ثانية واحدة

ويذهب أمير وهند وتذهب وعد خلفهم وتنادى
عليهم ليتنظروها وتعتذر لهم عن ما حدث وتطلب من
هند أن تتحدث معاها وحدها لتعتذر لها

فتذهب هند معاها ويتنظرها أمير بقرب سيارته فيذهب
له نبيل

وعد: هو انا ماشوفتكيش قبل كده

هند: لا مايتهيأ ليش

وعد: غربية

هند: عن اذنك علشان متأخرش على مستر امير
وتستدير للخلف لتذهب فتفاجئها وعد وتنادى عليها

وعد: راوية

فتلتفت هند لها

هند: وعد وطى صوتك اعملى معروف
وعد: يعنى انتى راوية فعلا عاملة فى نفسك كده ليه

هند: انتى ايه اللى جابك هنا

وعد: انتى هتردى على سؤال بسؤال

هند: ده موضوع كبير هفهمهولك بعدين

وعد: طيب بس لازم نتقابل بكرة

نبيل: انا مش قادر اصدق انك تجب لى واحدة زى دى
الحفلة بتاعتى الى مليانة رجال اعمال واعلاميين ونجوم
مجتمع

أمير: انت جاي تكمل خناقة

نبيل: وانت بتخانق علشان دى

أمير: اللى انت بتتكلم عليها دى موظفة عندى ومش
اى موظفة دى سكرتيرتى يعنى اكر واحد بثق فيها

نبيل: او عى تكون اتجننت وبتحبها

أمير: بحب مين انت بتخرف بتقول ايه بقولك
ايه يا نبيل شكلك شربت كتير وسكرت سبنى دلوقتى
علشان مانخسرش بعض للابد

هند: مستر هنمشى

أمير: ايوه يا هند ممكن تروح انت لضيوفك يا نبيل

نبيل متعجب: ماشى بكرة نتكلم

فيدخل نبيل إلى حديقة فيلته الكبيرة المليئة بنجوم
المجتمع وصفوته ويفتح أمير باب السيارة لهند ويركب
سيارته ويذهبون فيبحث عن وعد حتى يجدها

نبيل: وعد معلش انا اسف انا وامير متعودين
على كده

وعد: مافيش حاجة بس ليه الموضوع ماكنش يستاهل

نبيل: بصراحة متغاض مش عارف ازاي عامل راس حته
سكرتيرة براسنا يعنى بصراحة مأخد موظفينه عليه اوى

وعد: عادى يعنى

نبيل: مش عادى لازم كل واحد يعرف حجمه ومستواه

فتظهر على وعد علامات خيبة الأمل والضييق عندما
تحدث نبيل عن المستويات والفروق الاجتماعية وكأنه
يقولها أنه من المستحيل أن يقع في حب فتاة فقيرة مثلها
فأن علم حقيقتها ماذا سيفعل بها فيلاحظ ان وجهها تغير
وكأنها صدمت

نبيل: مالك في حاجة

وعد: لا انا بس تعبانة وعازية اروح

نبيل: ازاي ده لسه السهرة هتبدأ

وعد: لا معلش انا تعبانة

فيمسك يدها ويجذبها إليه: لسه بدرى

وعد: نبيل انت سكران

نبيل: انت اللى سكرتيني

وعد: او عى سيب ايدى لو سمحت

نبيل: انا عارف انى عجبك زى ما انتى عجبانى

فتقاومه وتضربه بالقلم على وجهه

هند: يهكم

أمير: طبعاً انتى موظفة عندى وأنا ما قبلش حد يهين
الموظفين بتوعى وما بحبش طريقة نبيل فمعاملته للناس
خيار وفؤوس دى

هند: ههههههه ايه ده حضرتك عرفت ال **expression** ده مينين

أمير: انتى فكرانى خواجه ولا ايه

هند: بس يعنى

أمير: اه ابن ناس وكده يعنى لا يا سیتی انا
بحب الافلام الابيض واسود زى عينى فسمع فيها
expression كتير اوى زى دى

هند: هو حضرتك ما خدتش انسة نانسى معاك ليه
الحفلة

أمير: نانسى واخدها ليه

هند: يعنى هى خطبتك وهتشرك فى الحفلة كلها نجوم
مجتمع

امير: خطبتى هههههههههههه نانسى بنت عمى وانا
شخصياً ما برتحلهاش انا عارف هى عايزة منى ايه
..... هى بترسم على كده فعلاً بس انا لا

هند: یعنی حضرتك عارف انها عايزاك تحبها

أمير: لا عارف انها بتحب فلوسى انا عارف يا
هند ان حتى عمامى طمعانين فيا بس عامل نفسى مش
عارف انا برتاح اوى لما بتكلم معاكى بحس
انى لقيت حد استأمنه

هند: انا

أمير: ايوة طبعاً انا واثق يا هند انك مش هتبعينى
وواثق كمان انك مش زيهم علشان كده بعترك
صديقة..... عرفتى بعزك ليه

هند: وصلنا

أمير: ايه ده ما حستش بالطريق خالص عموما
ماتأخريش بكرة

هند: حاضر

أمير: تصبحى على خير

هند: همممم وحضرتك من اهله

تصل وعد إلى منزلها وتجد والدتها فى انتظارها.....
تجلس على الكنبه

الأم: ايه ده انتى ايه ما عندكيش دم علشان ترجعى الفجر
حضر تك

وعد: اعملى معروف ياماما انا مش ناقصاكى

فيخرج أحاها من غرفته

ناصر: حمد الله على السلامة يا هانم

وعد: ناصر انت جيت من شرم امتى

ناصر: ايه اللى جايبك متأخر كده

وعد: كنت فى فرح واحدة صاحبتى

ناصر: عموما مش هتكلم معاكى دلوقتى ادخلى نامى
والنهار له عنين

وتدخل وعد غرفتها ترمى على سريرها وتبكى من
شدة الألم فى ضياع حلمها بالزواج من نبيل الذى اعتاد
على مصادقة النساء دون الزواج منهن وكان يريد أن يلعب
معها نفس اللعبة..... فمن المستحيل أن تلعبها معه
تلك الفتاة التى تحلم بالتخلص من الفقر وقبحه.....
فأنتهت الأحلام وعادت إلى الواقع المرير

كلنا نتوجع عندما نواجه الواقع وقيوده..... فعندما
علمت اليوم أنه الواقع أننى لست هند التى يعرفها ذلك

الشاب اللطيف الذى لم يرتكب معى أى ذنوب لأعاقبه
 بأن اكذب عليه وأخدعه تلك الخدعة ، أصبحت ضعيفة
 لا أعرف ماذا افعل لأكسر تلك القيود التى قيدتها
 لذاتى بإرادتى الحقيقة أننى أكذب.....لماذا أشعر
 بكل هذا الإحساس بالذنب نحو ذلك المسكينهل
 لأنه أعطانى ثقة لا أستحقها أم لأننى أصبحت مثل من
 حوله جميعاً.....أخدعه مثلهملا يستحق أن أخونه
 وأخدعه فيماذا أفعل ؟هذه كانت كلمات راوية التى
 كتبتها فى مذاكرتها لتلك الليلة.....فتح خال راوية باب
 الغرفة فوجدها تقف تنظر من نافذة غرفتها حزينة شاردة
 فأقرب منها وضع يده على كتفها

الخال: راوية مالك يا بنتى

راوية :خالو

الخال: اسف دخلت من غير ما اخبطمالك يا
 حبيبتى معقول انتى زعلانة من طارق اخوكى
 راوية :طارق ياااااااااا يا خالو انا نسيتكنت
 محتاجة بابا دلوقتى اوى يكون جانبى
 الخال: مش بيقولوا الخال والد ولا انا مانفعلش
 راوية :انا ظلمتك اوى يا خالو سامحنى

الخال: احنا مش فى ارض الملايكة يا حبيبتى ... كلنا
بنغلط ساعات كتير عينينا بتخدعنا مابنشوفش
الحقيقة علشان كده بنحكم غلط

راوية: بس ساعات بنغلط علشان عايزين نوصل لهدف
نبيل

الخال: تفتكرى الهدف النبيل ده ممكن نوصله بالغش

توترت راوية: انا ماكنش قصدى بس
حضرتك عرفت ازاي

الخال: من حاجات كتير اوى اللبس الغريب الى
شوفته فى دولابك ... و كلامك مع صاحبك سمعته
غصب عنى بالصدفة

راوية: اعمل ايه يا خالو

الخال: انتى حاسة بأيه

راوية: حاسة تأنيب ضمير فظيع

الخال: ادام ضميرك انبك بيقى انتى بتعملى حاجة غلط
..... لو مش مرتاحة يا بنتى لازم تنهى اللعبة الى
انتى بدأتيها

وتمر الليالى الحيرة على الفتيات الاربعة فمن منا بلا
خطيئة.....هناك من يكذب ليتجمل.....وهناك من
يكذب ليخفى ضعفه.....ومن يكذب ليصل إلى هدف
ما وهناك أيضاً من يكذب حتى على نفسه ليحمى نفسه
من أن يقع فى الخطأ حتى يحتفظ بذاته المثالية أمام نفسه
والجميع يحاول أن يكون من أهل الجنة الذين لا يخطئون
مثل ماريهان التى كانت تعاقب نفسها كل يوم على حباً
خاطئ لم تقصد الوقوع به

أما الأمور فى شركة أمير الطحاوى لا تجرى كما ينبغى
.....إخفاء هند ثلاثة أيام بعد تلك الليلة...جعلته
يجن جنونه على جميع موظفيه حتى لاحظ الموظفين ذلك
التغيير الغريب والتوتر والعصبية الغير معتادة فتدخل عليه
قمر مكتبه لتعرض عليه بعض الأوراق فينهرها بشدة
أمير: فى ايه...ايه الى حاصل فى الشركة....ماحدث
بيشوف شغله

قمر: هدى نفسك بس حضرتك.....الى انت عايزه
هعمله ل حضرتك

أمير: انتى فعلا مكانك الاستقبال مش هنا فى مكتبى
.....اتفضللى امشى من قدامى

قمر :حاضر يا فندم بس استاذ نبيل بره عايز يقابلك
 أمير :دخليه واتفضللى انتى.....ايه ده ياربى ماحدش
 عارف يمشى الشغل لازم اعمل كل حاجة بنفسى
 نبيل :ايه مالك اعصابك تعبانة ولا ايه
 أمير :شايفنى اتجننت ولا ايه
 نبيل :لا شايفك عصبي بس على غير العادة
 أمير :مافيش حد شايف شغله
 نبيل :امال فين سكرتيرتك اللى قلبت عليها علشانها
 أمير :هند بقالها ٣ ايام مابتجيش علشان كده الشغل
 كله متعطل
 نبيل :مهمم الموضوع كده.....او عى تكون بتحبها
 تبقى اتجننت
 أمير :حب.....حب ايه الموضوع مش كده....هند
 شائلة عنى كتير وبعدين علاقات الناس مش حب بس فى
 حاجة اسمها احترام بس طبعاً ساعدتك ماتعرفوش
 نبيل :الحمد لله افكرتك اتجننت.....انا الى للاسف
 ضيعت من ايدى واحدة مش هعوضها.....وعد الى
 شوفتها معايا فى الحفلة

أمير: ماها

نبيل: هي دي بالضبط الست اللي بدور عليها جميلة
وبنت ناس وانا وهى ممكن نعمل مشاريع جامدة مع
بعض

أمير: مشاريع وفلوس انت ما بتفكرش فى حياتك غير
فى الفلوس هتكسب كام وتخسر كام

نبيل: طبعا

أمير: والحب والمشاعر

نبيل: الحب سبت هولك انت يا سى روميو

أمير: انت ما عندكش احساس ولا عمره هيجيلك بس
هقول ايه ما انت نبيل السحرتى

نبيل: سييك من الاحساس وخلينا فى الشغل..... اخبار
المشروع بتاعنا ايه..... الاوتيل الى هندخل شركاء فيه

أمير: لما ترجع هندعمل اجتماع انا وانت وهى
ومازن علشان نشوف هنعمل ايه

نبيل باستنكار: هند..... اه طيب

تقف قمر في مكانها في الاستقبال ويظهر على وجهها
الغضب حتى يأتي إليها مازن ويتحدث معها

مازن بأستغراب: الله.... انتى مش روحتى مكتب امير
ايه اللى جابك الاستقبال تانى

قمر: انا هتجنن... مستر امير بقى عصبى اوى قعد
يزعق فيا وفي الاخر قالى انزلى الاستقبال

مازن: هو فعلا اليومين دول بقى غريب... الشركة دى
بقى بيحصل فيها حاجات غريبة اوى

قمر: فعلا

مازن: عموما انا كنت عايزك في موضوع تانى

قمر: خير

مازن: انا شايف ان بيت الحارة ده صعب انك تقعدى
فيه.... ده ايل للسقوط

قمر: امال ارواح فين

مازن: ما هو ده اللى كنت عايز اكلمك فيه.....ايه
رأيك تيجى تقعدى عندى انتى واخواتك

قمر: انا ماكتتش مرتحالك من الاول صحيح انك
سافل و واطى

مازن: سببى اكل كلامى

قمر: الكلام خلص يا متر ومن بكرة انا هستقل
خالص علشان ماشوفش وشك الله الغنى عن شغل
جاي من ناحيتك

أما فى عمارة بالمهندسين كان سيف يسهر ليلًا ليراقب
إحدى العمارات من نافذة العمارة المواجهة لها حتى
يتفاجئ عندما يرى جاسمن تدخل تلك العمارة القديمة
التي يراقبها

سيف: مش معقول جاسمن ايه الى جابها هنا

طه: جاسمن مين خطيتك

سيف: واضح القضية دى هتبقى مليانة مفاجآت
اسمع يا طه عايزك تستمر فى المراقبة وتكتبى لى تقرير اول
بأول عن كل بيتددوا على العمارة دى

طه: تمام يا باشا

ذهبت ماريهان إلى ديفيد تلميذها بعد أن تأكدت بعدم
وجود شريف بالمنزل فأستقبلتها جيرمين بالترحاب

وسألته لماذا انقطعت عن الدروس ولم تأتِ إلا عندما
حدثها تلميذها بأنه أشتاق إليها و إلى دروسها الموسيقية
..... فتهربت ماريهان من الإجابة بأنها كانت مشغولة
وبعد أن انتهى الدرسأصرت على الذهاب قبل مجئ
شريف وعندما نزلت تفاجأت به على درج المنزل

شريف :ماهى

ماهى :ازيك يا شريف

شريف :ياااه لدرجة دى مش عايزة تشوفينى

ماهى :اديني شوفتك

شريف :ومالك بتقولها من غير نفس كده

ماهى :بقولها عادى يا دكتور وبعدين ليه هتهرب منك
يعنى بالعكس انا بحب اتكلم معاك

شريف :بجد

ماهى :طبعاً انت زى اخويا بالضبط

شريف :اخوكى ...متشكرامال صحيح خطوبتك
امتى ؟

ماهى :قريب انشاء الله

شريف: هو انتى زعلانة منى فى حاجة ؟

ماهى: زعلانة بس انك معطلنى ممكن انزل.....
تسمح توسع لى

شريف: اتفضلىبس على فكرة ماجاوبتيش على
سؤالى

ماهى: دكتور شريف بتهيألى انت معملتش حاجة
تزعل علشان ازعل ولا انت شايف ايهعن اذنك انا
اتأخرت

وتنزل ماهى مندفعة دون أن تلتفت له فيقف شريف
حائراً ماذا يفعليجبها ولا يستطيع الاعتراف أمامها
بالكذبة التى ستقضى على علاقتهم...أحياناً نسجن أنفسنا
بأنفسنا ونقيدها بقيود نحن صنعناها بأيدينا . فلولا تلك
القضبان التى وضعها حوله واحدة تلو الأخرى وسجن
نفسه خلفها.....كان من الممكن أن يعيش سعيداً.

يحاول أمير مراراً أن يتصل بهند حتى ترد عليه ويبلغها
أنها إن لم تأتِ إلى الشركةسيأتى هو إليها إلى منزل
خالها ليعرف ما السبب وراء اختفائهافتقرر
راوية بأن تذهب وتقول الحقيقة ولكنها لا تستطيع لتلجأ
لحيلة أخرى وتجهز استقالتهالم تجد من تحكى معه

سوى مازن الذى حاولت الاتصال به ولم يستطع الرد
...لأنه فى ذلك الوقت ذهب أيضًا ليعتذر عن خطاءه
الذى لم يقصده.....فدخل إلى منزل قمر وسمع صوتها
تصرخ فى أخيها الصغير.

قمر: اتجننت انت اتجننت يا شادىمخدرات

شادى :ده مش انا يا قمر ده العيال بتوع الشارع كنت
قاعد معاهمقالوا لى جرب وبعدين ما طلعتش بتموت
يعنى زى ما بيطلعوا فى التلفزيون

فترفع يدها وتصفعه بقوة على وجهه ثم تبكى وتحتضنه

قمر :يا حمار عايز تضيع نفسك ده انت رجلنا تعمل
كدهانا ماليش غيرك انت واختك حرام عليك

فينحنى شادى ويقبل يدها ثم يقبلها رأسها

شادى :ورحمة بابا وماما ماتز على مش هعملها تانى
حقك عليا

فيقف مازن مذهول أمام ذلك المشهد خلف الباب لا
يراه أحد حتى تأتى أختها الصغيرة ذات العشر سنوات
فتجده واقف عند الباب

نور: انت مين

مازن: مازن اسمى مازن وانتى

نور: نور

مازن: انتى اخت قمر مش كده

نور: انت تعرف ابله قمر

مازن: ممكن تدخلى تتقولى لها بس بلاش تقولى لها
اسمى .. لو عرفته ممكن تحدفنى انا وانتى من الشباك
فتدخل نور وتنده أختها الكبرى التى تعتبرها والدتها
.... فتخرج له قمر وتصرخ فى وجهه وتريد أن تطرده

مازن: ممكن تدينى فرصه اعتذر لك عن سوء الفهم
... انا كان قصدى تشتغلى ممرضة وتعدى مع مامتى وكده
تتحل مشكلتك ومشكلتى

قمر: مامتك

مازن: ايوه ماما عندها كنسر وكنت محتاج لها ممرضة
تكون معاها على طول لانها رافضة المستشفى

قمر: دى كدبة جديدة

مازن: صديقنىوبعدين انا عارف انك بتلعبى
كارتيه كويسمعقول هودى نفسى فى داهية وهعمل
دقة نقص معاكى العمر مش بعزئة يا حبيبتى

شادى :مين ده

مازن :استاذ شادىانا مازن زميل قمر فى الشغل...
وجايب لكم بيت تانى حلو اوى احسن من ده ياريت تقنع
اختك توافق انها تسيب البيت هنا

شادى :بيت تانى ليه بقى بتوزع بيوت

قمر :شادى مادخلش نفسك

شادى :انا راجل البيت ده

مازن :معقول يكون عندك اخ راجل كده وتخافى من اى
حاجةبتهياالى النهاردة بالذات عرفتى ان البيت ده
مايناسبكيش ولازم تسبيهولا انا غلطان

فتنظر إلى أخيها وتملكها الرعب عندما رأت فى يده
المخدرات وأختها الصغيرة التى كادت تموت من رطوبة
المنزل

ذهبت راوية الى شركة امير وهى تستعد لتقدم له
استقالتها..... لتجد ما لا يسرها

أمير: معقول يا هند كل الفترة دي ماتجيش الشركة

هند: فترة بس دول ٤ ايام بس

أمير: الشغل متلغبط على الآخر

هند: بس انا كنت جاية علشان

يقاطعها أمير: علشان ايه

هند: كنت عايزة اقول لحضرتك انى

أمير: او عى تقولى انك هتغيبى تانى كده..... هند
انا مقدرش استغنى عنك.... قصدى الشركة ماينفعش
تسيبها وتمشى احنا داخلين شغل كبير وماينفعش تسيبها
دلو قتى

هند: بس انا كنت جاية اقدم استقالتى

فتغير وجه امير: استقالتك ليه حد زعلك

هند: لا اصلى

أمير: هاتى الاستقالة

فتعطيهها له ليفاجئها ويمزق الاستقالة

أمير: انتى مش هتسيبنى وتمشى

فتصدم وتنظر له و تتسع عينيها مندهشة من رد فعله
أمير:هتفضلى بصالى كثير..... نسيتى مكان مكتبك
ولا ايهالشغل مستينكى اتفضلى

فتأتى الرياح بما لاتشتهى السفن وتضطر راوية
الاستمرار فى اللعبة و تذهب إلى مكتب نانسى لتمضى منها
بعض الأوراق فتسمع خطتها الجديد التى وضعتها لتوقع
أمير بشبكتهما وعندما تذهب إلى مكتبها تجد المفاجأة
مازن جالس على مكتبها ينتظرها

مازن:اهلا بالست هند اللى وقفت الشركة كلها على
رجل واحدة

هند:هو فى ايه

مازن:تحبى اقولك ياهند ولا يا راوية

هند:ايه اللى بتقوله ده

فينهض من على مقعده ويقف ويرفع رجله يسندها
على الحائط ويربع يديه وينظر لها

مازن:مممكن افهم بتعملى كده ليه

فتقترب منه راوية وتضع يدها على فمه لتمنعه من
الكلام

هند: مازن اعمل معروف اسكت انا هفهمك بعدين

ويتفاجأ بأمرير يفتح باب المكتب ويراهم يقفان
قريبان من بعضهم البعض.... فيشك ان هناك علاقة تربط
بينهم..... فلم يستطع السيطرة على اعصابه

أمير: مازن بتعمل ايه هنا

مازن بتوتر: انا كنتكنت باخد ورق من هند

أمير: ورق ايه

مازن: ورق بتاع

تقاطعه هند: بتاع المشروع الجديد

أمير: طب اتفضل على مكتبك

فيخرج مازن وتنظر هند إلى أمير خوفاً من أن يكون
قد سمع الحديث

هند: حضرتك كنت عايز حاجة

أمير : اه طبعاً عايزعايزك تشوفي شغلك
وما تخليش حاجة تعطلك

يذهب سيف ليقابل خطيبته فيجدها جالسة على طاولة
.....تنظر الى النيل وكأنها تحدثه ويحييها فيجلس امامها
ولا تشعر به

سيف: جاسمن

فلتفت إليه جاسمن: اسفة ما اخدتش بالى انك هنا

سيف: ده واضح انك حكى له كتير

جاسمن: هو مين

سيف: النيل

جاسمن: سيف انا اسفة انا هتكلم معاك
بصراحة

سيف: ياريت

جاسمن: انا عايزة افسخ الخطوبة مش هقدر
اكمل معاك

سيف: عارف

جاسمن بأستغراب: عارف؟

سيف: كل المقابل الى كتى بتعملها فيا علشان
تطفشيني بيها فاكرة القطعة الى جبتها الى مع انى
متأكد انك اكيد عرفتى انها اكر حاجة بخاف منها

فتبتسم جاسمن و يكمل سيف حديثه

سيف: والسّمك الى عرفتي ان عندى حساسية منه
روحتي عزماني عليه.....تعرفي ان مقابلك دى يمكن هى
الى حبتنى فيكى اكثر.....عرفتنى انك لطيفة ودمك
خفيف ورقيقة.....على فكرة انتى حلوة اوى

جاسمن: سيف انت بتقول كده ليه

سيف: انا طول عمري ما عرفتش بنات وماهتمتش
اعرف.....وماعرفش اقول كلام حلو لبنت ولا اعرف
بيحبوا ايه.....انا كل همى كان دراستى وبس.....
ماكتتش برکز فى اى حاجة تانية عمري ما حسيت انى عايز
احب ولا كان ليا فتاة احلام.....ماكتتش اعرف ايه
الحب الى الناس بتكلم عنه يمكن علشان مدخلتش اى
علاقة ماكتتش اعرف ان عندى مشاعر اصلا

جاسمن: بتقولى الكلام ده ليه

سيف: لأننى عرفت معاكى انى عندى مشاعر لاول
مرة احس الاحاسيس دى.....لأننى بحبك بس مش
هضغط عليكى تكملى معايا لو هتقلعى الدبلة ده حقك
.....بس انا مش هقلعها وهستاكى دبتك هتفضل فى
ايدى وفى اى وقت هتجيلى هكون مستنيكى

فتقف جاسمن وتنزع الدبلة من اصبعها وتضعها على الطاولة :انا اسفة يا سيف انت تستاهل واحدة احسن منى ...واحدة تحبك مش واحدة تاخذك مرحلة فى حياتها انا اسفة اسفة اوى

وتقف لتستعد للذهاب

سيف :ممكن اسألك سؤال يا جيسى قبل ماتمشى

فتنظر له وتتنظر سؤاله

سيف :انتى ليه من الاول شايفة ان خطوبتنا مرحلة فى حياتك ومصممة انها تفضل مرحلةليه مصره على الشروط الى حطتها للعلاقة دى ومصره تكمليها للأخر بنفس الشروطبنفس البداية ونفس النهاية الى انتى حطتها وكأنك مش عايزة تجربى او تدخلى اى علاقة فى حياتك

جاسمن :ممكن ماجاوبش وماتزعلش منى

سيف :ممكن

يجلس طارق فى منزله الذى ملأته الوحدة والحزن بعد أن أصبح فارغاً يتجول فى الغرفينظر إلى غرفة أخته ويرى غرفتها خالية و مرة أخرى إلى غرفته ويفتح

خزانة ملابس زوجته ليراها فارغة ثم يجلس على سريره ويضع رأسه على الوسادة ويفكر لماذا حدث كل هذا؟ من تسبب في ذلك وضياع ذلك المنزل هل هو الرجل عماد الأسرة أم الزوجة من سبب تلك الكارثة

وفي شرفة منزل والدها تجلس شمس أيضاً شاردة... فقد اشتاقت لزوجها الذى تشعر انها دفعته إلى الخطأ بيديها.... دفعته إلى الخيانة بغيرتها الزائدة وشكها به وشكوتها المستمرة فعندما راجعت نفسها وجدت أنها أخطأت مثله وأكثر ولكنها لا تستطيع الاعتذار لأنه جرح كبريائها كما يمنعه أيضاً كبريائه لأنهم قالوا له «الرجل لا يخطئ ولا يعتذر» وفجأة تسمع شمس صراخ من غرفة والدها فتركض إليه لتجده يصرخ من الألم فتتصل بالاسعاف

يتصل نبيل بوعد ويقابلها في إحدى الكافيهات الشهيرة، يصل بموعده و ينتظرها فتدخل وتبحث في الوجوه حتى تراه يجلس على طاولة بجانب زجاج يرى منه المارة أمام الكافيه فتجلس أمامه

وعد: نعم

نبيل: انا اسف بجد... انا كنت سكران مش دريان
بعمل ايه

وعد: جاييني هنا علشان تقولى كده..... انت فاكرنى ايه

يفتح أمامها علبة قطيفة بها خاتم سوليتير

نبيل: وعد تقبلى تتجوزينى

فتنظر له وعد وتتذكر ذلك الحجاب الذى تخيل إنه
السبب بذلك التغيير..... فتشعر بالذنب وتقرر أن تعترف
له بالحقيقة

نبيل: وعد ما بترديش ليه

وعد: ادام وصلت لجواز انا مقدرش اغشك

نبيل: تغشينى

وعد بتوتر: انا مش بنت رجل اعمال ولا غنية يا نبيل

نبيل: ايه اكيد بتهزرى

وعد: لا بتكلم جد وفى حاجة اهم من كده بصراحة انا
(ثم تلغثم فى الكلام) انا

نبيل: انتى ايه

وعد: عملت لك عمل علشان تحبنى وتتجوزنى

نبيل مصدومًا: عمل ازاي يعنى مش فاهم
 يانهار اسود سحرتى لى مش مصدق انتى تعمل فى
 انا كده انا الى دوخت نص بنات مصر نبيل
 السحرتى تيجى على اخر الزمن واحدة تضحك عليه

وعد: انا

يقاطعها نبيل: انتى تسكتى خالص وبتقولى لى ليه
 دلوقتى

وعد: علشان بحبك

نبيل غاضبًا: مش عايز اسمع منك ولا كلمة

يتركها ويرحل فتظل مكانها تبكى، لا تعرف ما سر
 بكائها هل تحبه؟ أم حزينه على ضياع فرصتها
 بأن تترك الحارة؟ أم إنها تبكى على ما فعلته معه
 وخداعها له؟ لا تعرف ولكنها تبكى .

يجلس أمير أمام التلفاز وهو لا يرى ماذا يشاهد
 شارد يفكر لماذا أصبح متوتر دائمًا وشديد العصبية، غياب
 هند عن العمل لماذا قلب كيانه ماذا يحدث له؟
 ما هذا التغيير الذى يظهر عليه لدرجة يراها جميع من حوله
 ويتحدث مع ذاته «ايه الى بيحصل ده ... ليه بعمل كده، انا
 اتجننت ولا ايه طول ما هى غايبة وانا هتجنن ليه

.....ولما شوفت مازن في مكتبها اتضايقت وزعقت فيه ليه
.....وايه الكلام الى قولته لها ده ألا مش معقول.....
مش ممكن هند.....معقول اكون....لا مش معقول»

أما في منزل ماهى زيارة غير متوقعة....يرن جرس
الباب فتترك ماريهان الكتاب الذى بيدها وتذهب وتفتح
الباب لتتفاجئ بشخص غير مرحب به في منزلهم، فوالدها
ينظر له كشخص غير مرغوب به

ماهى: مازن

مازن: انا اسف يا ماهى جت لك من غير معاد
باباكي موجودة

ماهى: ايوه يا مازن ادخل

الاب: مين يا ماهى.....انت

مازن: انا اسف ياعمو.....انا بس كنت عايز
ماريهان في حاجة تخص الشغل

الأب: وشغل ايه الى بينكم

ماهى: ده شغل هبقى اكلمك عنه بعدين

الأب: كده طيب.....انا هقعد في البلكونة احسن
الجوهنا خنقنى

فيذهب الاب ليجلس في الشرفة

مازن :باباكي لسه بيعاملنى على انى اخو الارهابى

ماهى :مازن ماتقولش كده

مازن :اخويا مش ارهابى يا ماهى.... مش ارهابى

ماهى :مازن كفاية بقى تعذب نفسك بالموضوع ده

دى حاجة من سنينانا مصدقك

مازن :ماحدش مصدق...تخيلى انهم بعطولى ولسه

بيراقبونى لحد دلوقتى

ماهى :هما مين

مازن :الى يقولوا عليه ارهابى ..انا جيت اتكلم

معاكى انا مخنوق اوى

ماهى :مازن احكى لى فى ايه

مازن :لا مافيش داعى خلاص..... انا نازل هسهر

شوية مع ناس صحابى وهبقى كويسانا جيت بس

علشان اقولك ان اخويا مش ارهابى.....انتى بالذات

لازم تعرفى انه مظلوم صدقنى انتى اقرب صاحبة ليا يا

ماريهان او عى تصدقى كلامهم عن اذنك

وينزل مازن من منزل ماريهان وحالته سيئة للغاية
ويأتى والدها ويتحدث معها..... ويأمرها بقطع علاقتها به
الأب: انا مش طلبت منك قبل كده مازن ده ماتعرفهوش
تانى وبشتغلى معاه كمان من ورايا

ماهى: بابا

الأب: بلا بابا بلا بتاع انتى عملتى اعتبار حتى ل دم
امك ولا نسييتى ان اخوه هو الارهابى الى فجر الكنيسة
وقتلها..... قتل امك الى كل ذنبها انها كانت رايحة تصلى

ماهى: بابا مصطفى مش موجود علشان يدافع عن
نفسه والحادثة دى قبل الثورة وهما ما تهمهوش بانه
مشترك فى الجريمة دى غير بعد موته..... ما حدش عارف
الحقيقة غير مصطفى ومصطفى مات يا بابا

الأب: انتى الى بتقولى كده..... هى الى اتقتلت مش امك

فتنهار ماهى فى البكاء وتصرخ: حراااام عليك يا بابا
كفايه..... كفايه بقى

فيكى الأب ويحتضنها فتنظر لصورة والدها وهى
تبكى بحرقه حتى تتذكر مشهد الانفجار الذى رآته من
بعيد لا يتعدى الدقيقة وانتهى كل شئ وهى تركض نحو

والدتها وتسقط بجانبها على الأرض وتأخذها في حضنها
وتصرخ وتطلب المساعدة لتنقذها ويملى الدم فستانها
الأبيض ويتحول لونه إلى الأحمر وهى تبكى وتضم والدتها
في صدرها إنه الألم عندما يهاجمك الظلم ولا
تستطيع محاربته وتركع على ركبتيك تصلى لله أن يعزيك
ويحمل ألمك تصلى بأن تستطيع الغفران لمن أساءوا
إليك من المؤلم أن تحمل الظلم بداخلك ولا تستطيع
أن تنتقم لأنك لست بظالم مثل من ظلمك لأن إنجيلك
يطلب منك الغفران ولكنه وعد « الرب يدافع عنكم وأنتم
تصمتون » لا أحد يعلو عليه فهو الله فوق الجميع .

ويعود مازن إلى منزله وحالته سيئة من كثرة الشرب
..... ليجد قمر تنتظره ويظهر عليها القلق

قمر: مازن اتأخرت كده ليه

مازن: مانمتيش ليه

قمر: انا قولت يمكن تعوز تتعشى

مازن: قولت لك ميت مرة انتى مابتشتغليش هنا
شغالة

قمر: هى الشغالة بس اللى بتحضر العشا لسيدها مش
ممكن الاخت تحضر العشا لأخوها ولا انا اقل من انك

تعتبرنى اختك انا مهما عملت معاك مش هيكفى
 علشان اشكرك على اللى بتعمله معايا

فيقترب منها مازن ويضع يديه على كتفيها :بس انتى
 مش اختى قمر تعرفى انك حلوة اول مرة اخد
 بالى انك حلوة كده

قمر :حلوةمازن انت كويس؟

مازن :كويس اوى

قمر :طب اوعى ايديك لو سمحت

مازن :قمر انتى ماتعرفيش انتى ايه بالنسبة لى

قمر :بقولك سبنى

وتصفعه وتركض فى محاولة للهرب منه فيركض
 خلفها ويمسك بها كالوحش الذى ينقض على فريسته
 وقد فقد وعيه تحت تأثير الخمر ويحاول ان يعتدى
 عليها فتقاومه وتحاول منعه ثم يظهر عليها الخوف وتبكى
 وتترجاه ان يتركها وشأنها

قمر باكية :ارجوك سيبنىماتعملش فيا كده

فينظر مازن الى دموعها وكأنها جعلته يصحو من سكره

مازن : انا اسفاسف يا قمر

ويتركها..... فتركض في رعب الى غرفتها باكية.....
ويجلس هو الآخر في الصالة ويكي...غير مصدق ما
الذى كاد ان يفعله بتلك الفتاة المسكينة.

فتمر تلك الليلة وكأنها كابوس تريد قمر أن تستيقظ
منه لا تصدق ما حدث من مازن الذى كانت تثق به
ثقة عمياء وأصبحت لا تستطيع العيش معه بعد محاولته
لإغتصابها..... لا تصدق كيف تحول ذلك الملاك إلى
شيطان في دقائق وفي الصباح جهزت حقيبة ملابسها
وملابس أخواتها وفوجئ بها مازن تحمل حقيبتها

أم مازن:قمر فى ايه انتى مسافرة

قمر :معلش يا ماما انا اصلى بيتى واحسنى

نور :بس انا مبسوفة هنا

قمر :اسكتى يا نور

شادى :طب نعرف بس انتى بتعملى كده ليه هو احنا
عيال سحباهم فى ايدك

مازن :مممكن تيجى نفطر مع بعض وبعد كده نتكلم

أم مازن :تعالى يا حبيبتي قعدى جانبى

فيجلسون حول الطاولة ليفطروا سوياً والجميع يأكل
عدا مازن وقمر اللذان يهربان من النظر لبعضهم
البعض... وهو لا يستطيع أن يضع عينه في عينيها

أم مازن: مابتكلوش ليه يا ولاد

مازن: ابد يا ماما باكل اهو..... تجبى اصبلك شاي
يا انسة قمر

قمر: شكرا مش عايزة

أم مازن: هو في حد زعلك يا حبيتي

فتنظر قمر لمازن ولا تستطيع ان تتحدث

أم مازن: او عى يكون مازن هو الى مزعلك

قمر: ابد يا ماما ما فيش حاجة انا بس البيت واحشني

فينظر لها مازن وكأنه يعتذر

أم مازن: هو ايه الحكاية يا ولاد بتبصوا البعض كده
ليه..... في ايه

مازن: ما فيش يا ست الكل قومي انتى بس ارتاحى في
اوضتك وانا هقنع قمر تغير رأيها

أم مازن: وحياتي عندك ما تمشى انت بقيتي زي بنتي
وغلاوتك من غلاوة مازن ربنا يعلم لو مازن
مزعلك قولي لي وانا اقطع لك رقابته

قمر: تجبي اساعدك يا ماما

أم مازن: لا نور وشادي هياخدوني اوضتي يلا يا
ولاد مجهز الكم حاجة هتعجبكم اوى

فيذهب معاها شادي ونور ثم تلتفت قمر الى
مازن

قمر: لو سمحت تسبني امشى

مازن: انا اسف مش عارف ايه الى كنت هعمله ده أنا
مش هدافع عن نفسي بس صدقيني انا ما كنتش في حالتى
الطبيعية انا ما قدرش اعمل جريمة زي دى وكم ان
معاكى انتى ما قدرش

قمر: انت كان شكلك مرعب انا خوفت منك

مازن: ارجوكى تسامحينى اوعدك ده مش هيحصل
تانى انتى ما تعرفيش الالم الى عايش فيه وخلانى
اشرب بالشكل ده

وينظر الى صورة معلقة على الحائط

مازن: كنتى سألتينى قبل كده عن صاحب الصورة دى
وانا ماجاوبتكيش بس النهاردة لازم احكى لكده
ييقى مصطفى اخويا الصغير

قمر: اخوك

مازن: تعرفى ايه اللى خلانى اشرب بالشكل البشع ده
امبارح.....علشان مدبوح بحاول انسى قالوا لى ان الشرب
بينسى وطلع ماينسش

قمر: هو فى

مازن: هو فى احسن مكان تعرفى انا ايه اللى دبحنى
.....مش مهم انهم بييجرونى كل شوية ويستجوبونى
.....مش مهم انى بتهان ولا انى بتراقب ولا بتعامل
كأنى مجرم بس مايقولوش عليه ارهابى.....اخويا مش
ارهابىلا مش ارهابىاخويا شهيد مات
علشان كان فاكرا ان بموته البلد دى هتعيش.....كان
جزائه اتهاموه انه ارهابى

فأقربت منه قمر فى محاولة لتهديتهلم تستطع ان
تراه ضعيف بهذا الشكلفأكمل حديثه عن اخيه
مازن: قالوا نشيلها لو احد مايقدرش يدافع عن نفسه
لأنه ماتقالوا انه ارهابى وقاله انه نزل يقلب

النظام يوم ٢٥ لصالح الاخوان قالوا انه اخوانى أ
وانه فجر الكنيسة طب هيفجر الكنيسة ازاي وصحبه
جواها طب هيفجرها ليه اصلا وهى مكان عبادة وبيت
ربنا وهيقتل ليه اصلا وهو كان على طول بيصلى
..... هو فى حد بيصلى ويعرف ربنا هيقتل طب يصلى
بأنهى وش ده مرة مسك عيل فى الشارع هزقه
علشان بيضرب كلب ومن كتر ما صعب عليه جابه
هنا البيت علشان يرييه واقوله يا مصطفى ازاي
تجيب كلب من الشارع مش يمكن مسعود مايردش عليا
والاقيه جايب طبق اكل وحطه للكلب وبيطبط عليه و
يأكله يقتل بنى ادم ازاي

قمر: مازن كفاية اهدى

مازن: مصطفى ده كان احسن منى انا ولد
مؤدب ومحترم ومايحبش يشوف ظلم ويسكت
عيبه الوحيد انه كان بيحب البلد اوى قلت له بلاش لقيته
ابتسم وطبطب عليا وقالى تعالى معايا يا مازن احنا هننزل
علشان بلدنا تبقى احلى ... البلد دى تستاهل احسن من
كده تستاهل نعمل كتير علشانها احنا نازلين
علشان الى غلط فيها يتحاسب حضنى ونزل وما رجعش
يا قمر ما رجعش

وسقط على مقعد خلفه وظل ييكي فوقفت خلف
كرسيه

قمر: ياااااااااا انت شايك كل ده لوحكالى
يشوفك من بعيد وانت بتضحك وععيش حياتك بالطول
والعرض مش هيقول ان ده مازن الى اتعرض لكل ده
ولسه واقف على حيله ويضحكالى شافك
وانت مربى شعرك يقول عليك بنى ادم تافه ومافكش
ريجة الرجولة بس ساعات الافعال الغريبة بيبقى وراها
جروح وتجارب محدش يصدقها

فيرفع مازن رأسه: بس الراجل مش بشعره طويل ولا
قصيرانا كنت بعمل كده علشان بقيت احب
اعمل كل حاجة عكس الى يقوها الناسحركة
تمرد يعنىلكن انا راجل اوى على فكرة

قمر: خلاص يا عم الراجلهو الراجل
بيعط

مازن: هو انا مش بنى ادم زيك

فتبتسم قمر: مازن انت نظيف اوى

مازن: مش زعلانة منىساحتينى

قمر: ساحتك

مازن: ومش هتمشى

قمر: مش هتمشى..... على فكرة مصطفى اخوك شكله
احلى منك

مازن: عارف..... كان ابن موت الله يرجمه ماكنش
يبطل ضحك..... كل اللي يشوفوه كان يقول الواد ده
بيضحك وكأنه بيعاند الدنيا ويجبرها تضحك له

قمر: وانت عملت ايه لما قالوا عليه ارهابى بقيت
تشرب وبس..... لا لازم ترفع قضية بالادلة ان الكلام ده
مش حقيقى وتبرئه لو متأكد انه برئ

مازن: انا عارف ان فى ناس كويسة وبتحاول تخلى البلد
دى احسن..... بس السوس كتير اوى مش هيدى فرصة
لحد وفى كل حنة..... كل حنة

قمر: صعب بس مش مستحيل والفساد الى معشش
من سنين مش معقول هينصف فى سنتين تلاتة

وعندما تدخل ماريهان الكنيسة تجدها خالية مظلمة
وأضواء خافتة فقط تنيرها في هدوء هذا المكان الذى
تستريح فيه روحها وتشعر بالسلام وتحب دائماً أن تأتى له
وهو خالى من الناس.... تجلس مع الله فى بيته.... وتكون
معه وحدها..... هو وهى فقط..... تريده لها.....
يسمعها هى فقط.... وتحكى له لتشاركه فرحتها عندما
تكون سعيدة..... ويحضرها عندما تحزن، تنظر إلى أيقونة
السيد المسيح وتتحدث معه وتعرف أنه يسمعها

ماهى :تعرف بعد ماما ماتت..... انا تعبت اوى
وزعلت واتهمتك انك ظلمتنى بس انت كنت بتقف
جانبى وبتخفف الوجع..... بس لسه بسألك ليه
سايب الظالم يستمر فى ظلمه انت وحدك الى تعرف
الاجابة..... لسه يارب بيظلموا..... معاك حق احنا
فى دنيا مش فى السما ولا فى الجنة..... والملائكة لاتسكن
الارض..... يمكن يكون وعد عندها حق انى عايزة
اكون مثالية واعيش فى المدينة الفاضلة مع انى بغلط زيم
صحيح انا مش بقتل ولا بسرقة بس بغلط غصب عنى
وانت دايمًا بتسامح..... علشان انت الاله واحنا بشر
انت بتحبنا اوى..... ماينفعش احب حد ماينفعليش ده
متجوز..... الحب ده غلط وانت لازم تشيل الحب ده من

قلبی ساعدنی ونورلی عینیا ساعدنی وماتسبنیش
کده ورینی یارب مشیئتک وارادتک

فتنیر أضواء الكنيسة وتنظر خلفها وتجد شريف ينظر لها

شريف: ماريهان

ماريهان: دكتور شريف

شريف: ازيك

ماريهان: نشكر ربنا وانت

شريف: انا مش كويس

ماريهان: ليه تعبان

شريف: اوى فى حاجة جوايا بتعذبنى عايز اقولها لك
حتى لو كنتى هتتخطبى برضه لازم تعرفيها

ماريهان: انا مش هتخطب

شريف: وانا مش متجوز زى ما انتى فاكرة كل الموضوع
سوء تفاهم انا لابس دبله لأنى ارمل أجيرمين دى

تبقى اختى وديفيد ابنها

فتنظر له وهى مصدومة

شريف: كل الموضوع سوء فهم منك وانا اتمشيت
معاكى علشان كنت عايز اقرب منك بس للاسف اللعبة
الى لعبتها بدل ماتقاربنى بعدتنى

ماريهان بغضب: انا كنت بهرب منك دلوقتى
مش طايقة اشوفك

وتتركه وتمضى

وفى المشفى تحمل شمس سجادة الصلاة بعد أن أنهت
صلاتها وتضعها على المقعد وتدعى «اللهم ماتقبل منا
..... اشفيه يا رب يا ارحم الراحمين» وتنظر الى
ابيها الرائد على السرير وتقبل رأسه وتجلس بجانبه
وتفتح قرآنها وتقرأ لكى تهدئ روحها المبعثرة التى مزقت
بين مرض والدها وحرمانها من الإنجاب وخلافها مع
زوجها فتأتى التجارب أحياناً لإختبار صبرنا وأحياناً
لتمزيق أرواحنا ولكن عندما نلجأ إلى الله تجدد أرواحنا
السكينة والهدوء والراحة.

جميعنا يقول يا رب إنها الكلمة التى نحتاجها جميعاً
..... فإنه الكون واحد يحب البشر جميعاً وعندما ندعوه
يستجيب إن الايمان علاقة حب بين الخالق والمخلوق
..... علاقة خاصة بين الاثنان فقط الله والانسان

فأسمعني ياخالقى ادعوك حائرة ماذا أفعل لا أستطيع أن
أتحمل العبء وحدى ماذا افعل فشعورى بالذنب يقتلنى
.....كُتبت راوية هذه الكلمات بيد مرتعشة فى مذكرتها
فیدخل علیها خالها فجأة

راوية :خالو فى ايه

الخال :واحدة على التليفون بتعيط ومش فاهم منها
حاجة غير انها عايزاكى

فتركض راوية نحو الهاتفتمسك السماعة وتسمع
صوت شمس باكية «بابا مات يا راوية »

فى هذ الوقت كانت هناك مكالمة أخرى بين وعد ونبيل
الذى أتصل بها ليعتذر «وعد انا اسفانا بس
اتفاجئت باللى انتى قولتيهوانا لسه بكرر طلبى
والحقيقة الى قولتيها ماغيرش حاجة»..... فكادت وعد
تطير من الفرحه لاتصدق أذنها...تحقق حلمها سريعاً
وستعيش حياتها كما اختارتها مع الشخص الكامل الذى
تحلم به..... إنه الملاك الذى نزل من السماء....يملك
كل شئ قلب يحبهاوقصر سيجعلها سيدته
ويعوض لها أيامها الحزينة وينسيها الألم الذى رآته.

ذهبت راوية إلى أخيها، عندما رآها حضنها واعتذر لها..... فأخبرته بوفاة والد زوجته وانها بحاجة له ثم ذهبت إلى العزاء، نظرت إلى شمس التي كانت ترتدى ملابس الحداد ولا تستطيع الوقوف تستند على كرسي بجانبها وهي تأخذ عزاء والدها فتحضنها راوية وتجلس بجانبها حتى ينتهى العزاء ويدخل طارق ويقف أمام شمس فتتظر له وتبكي فيأخذها بين ذراعيه

طارق: انا اسف انا مش هسييك تانى

شمس: بابا مات يا طارق خلاص ماليش ضهر

طارق: انا سندك واهلك وابوكى وابنك..... اوعى تسينى تايه كده تانى

يدخل أمير إلى مكتبه بحثاً عنها فلا يجدها، فيجلس على مكتبه وينظر إلى الفراغ والهدوء الذى يعم المكان دونها ويشعر بضيقه وكأن الغرفة خالية من الاوكسجين..... لماذا أصبح المكتب كئيب هكذا.... ماذا ينقصه لايعرف الاجابة.... فقط هى تعرفها أصبحت جزء من مكان يحبه ، وربما أصبحت هى نفسها مكان يحبه وظل مثل المجنون يتسأل هل جنت وفجأة تفتح الباب وتدخل

هند: صباح الخير

أمير: ايه يا هند ايه حكايتك جاية الظهر وبتقولى
لى صباح الخير

هند: انا اسفة يا فندم اصل كان فى مشوار كده بخلصه

أمير بأهتمام: مشوار مشوار ايه

هند: نعم

أمير: ده استفسار يعنى مش عايزة تردى بلاش

هند: مستر امير هو فى حاجة مضايكاك منى

أمير: لا مافيش حاجة

فتخاف راوية من أن يكون علم بالحقيقة تصرفاته
أصبحت غريبة ولا تستطيع فهمه

هند: مستر امير هو حضرتك كويس

أمير: شايفانى اتجننت ولا ايه

هند: لا انا

أمير: خلاص روحى على مكتبك

هند: حاضر

أمير بتوتر :استنىهند كنت عايز اتكلم معاكى
فى حاجة يعنى عايزة اسألك.....انتى يعنى عندك
اقصد اقول انتى

هند: انا ايه

أمير :انتى..... ولا حاجةانا هتجنن او تقريبا
اتجننت خلاص

هند :مستر امير هو حضرتك حد قالك حاجة عنى

أمير :حاجة مش فاهم تقصدى ايه

هند: لا مافيش

فيرن جرس الهاتف ويرفع الساعة ويتحدث فيجدها
نانسى تطلب منه أن يذهب إلى مكتبها..... وبعد أن
يغلق

أمير :نانسىمش عارف دى عايزة ايه دلوقتى

هند:او عى تروح يا مستر دى خية منصوبة

أمير :خية

هند:يعنى حفرة ومحفورة لك.....دلوقتى معاد بريك
الموظفين يعنى مافيش حد فى شركة

أمير: مش فاهم

هند: وبس يا مستر افهم انت بقى

أمير: لا يا ماما انا واثق من نفسى

هند: بس هى مش مضمونة

أمير: اشمعنى النهاردة الى بتنصب لى خية

هند: علشان انا سمعتها امبارح وهى بيتكلم عن الحكاية
دى وانها حاولت مع حضرتك بكل الطرق ومافضلش
غير طريقة واحدة لازم تنفذها النهاردة

أمير: اه طب بصى خليكى ورا الباب لو حسيتى بأى
مصبية تلحقينى

وفجأة تدخل عليهم نانسى

نانسى: لقيتك اتأخرت قولت اجى اشوفكايه ده
ايه الى جابك النهاردة مش انتى كنتى غايبة

هند: لا انا استأذنت

نانسى: طب يلا روحى اتغدىواقفة بتبصى لى
كده ليه

فتذهب هند وتغلق الباب وتقف خلفه

أمير: يادى المصيبة

نانسى: بتقول ايه

أمير: لا مافيش فى ايه يا نانسى

نانسى تبكى: شوفت الى حصل تخيل بابا جايب لى
عريس وعازينى اوافق بالغصب انت لازم تقف له

أمير: الف مبروك طب وزعلانة ليه

فتقترب منه وتضع رأسها على صدره وتبكى

نانسى : مش معقول كل المدى دى ومش حاسس

أمير: اه المصيبة بتقرب اهى

فتفتح هند الباب فجأة

نانسى: ايه ده انتى فى سوق هنا مش تخبطى

هند: انا اسفة اصل الحقيقة وانا رايجة اتغدى افتكرت
ان عندى شغل مهم اوى اخلاصه على الكمبيوتر

نانسى: تعالى نسيب لها المكتب خالص ونتكلم فى
مكتبى يا امير

أمير: لا ده موضوعك ده ماينفعش نتكلم فيه هنا ولا فى
اى مكان تانى..... انتى روحى مكتبك كده واهدى.....
وانا هكلم عمو واقوله مايضغطش عليكى

نانسى بغيط: كده ماشى يا امير

فتذهب وتغلق الباب خلفها بعنف وينظر أمير إلى هند
ويبتسم

أمير: هند

هند: ايوة يا مستر

أمير: متشكر..... انتى نعمة ربنا بعثها فى وقتها

فتنظر له..... عينها فى عينه مندهشة من نظره لها التى
لا تفهمها.

على مدرج جامعة القاهرة، مبنى إعلام تنزل قمر
لتمضى إلى المنزل بعد أنتهاء محاضرتها..... وتنتظرها
المفاجأة الكبيرة..... زيارة غير متوقعة..... لترى
عمها الذى لم تره منذ سنوات ينتظرها فيأخذها ويجلسان
فى كافيتريا بالجامعة

قمر: عمى مش معقول

العم: وحشتينى يا بنت اخويا

قمر: يااااااااه يا عمو لسه فاكر انى وحشتك

العم: انتى شايلة اوى يا قمر انتى عارفة ان غضب
عنى لو عندى مكان فى بيتى كنت اخدتكم تعيشوا معايا
أما كنتش سييتكم لكن اعمل ايه العين بصيرة والايده قصيرة

قمر: خلاص يا عمى مالوش لازمة الكلام ده

العم: انا روجت سألت عليكى فى بيتكم القديم
مالقتكىش قالولى انك عزلتى

قمر: خير يا عمى

العم: جيت اطمئن عليكى انتى واخواتك واقولك
مفاجأة هتبسطك اوى

قمر: مفاجأة

العم: جايلك عريس ومرتاح وهيشيلك انتى واخواتك
فى عينيه

قمر: وهيسبنى اكمل الكلية واشتغل

العم: طبعا وهيشيل عنك كثير اوى

قمر تبسم وترسم الفرحة بعيونها: بجد طب ياريت
تخلينى اقابله

العم :ده عريس زى ماقال الكتاب مافهوش غلطة

قمر:يعنى اوافق من غير ما اشوفه وعنده كام سنة اكبر
منى بأد ايه يعنى

العم :السن مش مهم....مش اكبر بكتير اوى يعنى هو
عنده ٤٥ سنة

فتتنطفأ البهجة فى عيني قمر: ٤٥

العم :دى فرصة يا قمرالفرصة مابتجيش مرتين
يا بنتى لازم تفكرى كويس

قمر :افكر ده انا عندى ٢٢ سنة تبقى دى فرصة

العم :طبعاً فكرى فى نفسك وفى اخواتك فرصة انكم
تعيشوا عيشة كويسة واخواتك يتعلموا كويس وانتى

قمر :انا ايه

العم :انتى عجبك الى كانوا بيتقدموا لك ...الى
بلطجى واللى مكانيكى واللى مكوجىولا عجبك
الى كانوا بيضايقوكى فى الطلعة والنازلة علشان مالكيش
راجلفكرى يا بنتى دى فرصة مش هتكرر وبعدين
تتجوزى راجل يحميكى من نظرات الناس الى مابترحمش
.... احسن ما تبقى

قمر: عانس

العم: يا بنتى احنا عندنا فى البلد الى ادك معاهم عيال
ألبت ١٩ سنة بتكون فى بيت جوزها وبتبقى كده متجوزة
كبيرة كمان

يجلس مازن وناصر صديق طفولته على قهوة فى طلعت
حرب وينادون القهوجى كما يسمونه

مازن: ٢ قهوة مطبوط

القهوجى: ايوا جاى وانتين قهوة مطبوط للبشوات

ناصر: لسه غاوى القهوة زى

مازن: لا طلبت القهوة دى علشان اتنين غيرنا يشربوها

ههههههههه

ناصر: احلى حاجة فيك انك مابتغيرش يا مازن

مازن: بس انت اتغيرت اوى يا ناصر..... ماصدقتش
وعد لما قالت لى انك سبت شرم

ناصر: يعنى نصيبى خلص لحد كده هناك

مازن: مش فاهم

ناصر: صراحة انا كنت واخذ اجازة علشان نازل
اخطب بس الحال اتغير وبدل ما انزل اخطب قدمت
استقالتى وسييت الشغل والعروسة وكل حاجة

مازن: ايه ده بجد كنت هتخطب وبعدين الموضوع باظ ليه
ناصر: طلبت منها طلب..... اتجننت عليا وضربتني
بالقلم على وشى تخيل

مازن: طلب يا نهارك اسود اوعى تكون طلبت انكم
تعيشوا مع بعض الاول
ناصر: بتقول ايه

مازن: ما انت تعملها معاملتك الكثير مع
الاجانب يمكن خلتك تفكر زيهم
ناصر: بالعكس

مازن: امال ايه

ناصر: طلبت منها تعمل كشف عذرية
مازن متفاجئ: ايه..... انت اتجننت دى كان المفروض
تبيتك فى المستشفى مش تضربك بالقلم بس
ناصر: ليه بقى انشاء الله ده حقى

مازن: كسر حقك

ناصر: واحدة مسافرة لواحدھا وشغالة فى اوتيل بعيد
عن اهلھا لازم اتأكد منها

مازن: ھى ماينفعش تكون بنت ناس ومحترمة راحة
تشتغل وتصرف على نفسها الى يفكر زيک يبقى
مريض..... اعرض نفسك على دكتور نفسانى احسن

ناصر: ليه بقى ده حقى

مازن: قصدك علاقاتك مع الستات الكثير ھى الى
خلتك شاكك فى اى واحدةبس زى ما قابل يبقى
لك علاقات خليك fair بقى واقبل انها يبقى لها علاقات

ناصر: انا راجل

مازن: خلاص يا راجل وھى كمان من حقھا تاخذ واحد
ماعكش مع ستاتواحد يحترمھا ...مايشكش فيها

ناصر: يعنى انت ماعرفتش ستات

مازن: لا يا سيدى ما عرفتش عارف ليه علشان انا
راجل بحترم الست الى قدامى وبحترم العلاقة الى بينى
وبينھاومين الى قال الرجل ھو الى يعمل علاقات
مع ستات الدنيا والاخرةالعلاقة دى شئ مقدس

جدا ماينفعش تبقى غير مع واحدة بس اختارت تكمل
حياتك معاها

ناصر: يا سلام على كلام الكتبالكلام ده فى
الكتب مش فى الحقيقة

مازن: بقولك ايه يا ناصر انت تشرب القهوة بتاعتك
وتروح تاخذ لك حمام وتهدى وتفكر انك فعلا تعرض
نفسك على دكتور نفسانى

ناصر: الكلام ده مش كلامى ده كلام المجتمع اللى احنا
عايشين فيه كلهبص حواليك كده أبص كويس يامازن
هتلاقينى نسخة من الناس اللى حواليك دى وهو ده اللى
اتعلمنا

مازن: ودى مصيبة اكر انك تبقى نسخة... لو المجتمع
الى حواليك غلط صلحه وصلاح نفسك قبله بدل ما
تبقى نسخة

وعندما علم أعمام أمير أن خطتهم فشلت بزواجه من
نانسى فلم يجدوا حلول سوى التخلص من الحائل
بينهم وبين الثروة بالتخلص من ابن أخيهم فى الوقت
الذى كانت تفكر راوية فيه أن تعترف بالحقيقة لأمر
وتقول له الأسباب التى دافعتها لخداعه

تجلس هند في مكتبها وتكتب استقالة غير مسببة
لتقدمها لرئيسها لأنها لا تمتلك الشجاعة لتبوح له بالحقيقة
وتضعها على مكتب أمير

فيغضب أمير ويصرخ بها: تانى هى ايه حكايتك بالضبط

هند: انا عايزة امشى يا مستر

أمير: ليه

هند: اسفة اسباب شخصية

أمير: انتى عندك اسباب شخصية ؟

هند: ايوه طبعا هو حضرتك هتقعدى بالعافية

أمير: انتى اتجننتى انتى نسيتى انك سكرتيرتى
وانا رئيسك ازاي بتكلمينى كده ؟

هند: انا اسفة حضرتك لو سمحت تقبل الاستقالة
على فكرة اوضة الاجتماعات جاهزة عندنا اجتماع مع
مستر نبيل

فيذهب وهو غاضب وتذهب خلفه إلى غرفة
الاجتماعات ويجلسون مع نبيل الذى يراقب نظراتهم
والتوتر الذى بينهم

نبيل: هو في ايه بالضبط

أمير: في ايه يا نبيل

نبيل: مش عارف حاسس ان في حاجة غريبة

هند: اتفضل ده تصور كامل على المشروع وتكاليفه
وارباحه جبتها من الحسابات بره وبالنسبة للمسائل
القانونية مازن هيكون مسئول عنها

أمير بغضب: متشكر

هند بعصبية: العفو

ثم تنهض وتتركهم لتجمع أشياءها من مكتبها

نبيل: في ايهايه الجنان الى بيحصل ده
الشركة دى بقى بيحصل فيها حاجة غريبة اوى ومش مفهومة

أمير: معلش احنا هنا أجل الاجتماع عن اذنك

ويذهب خلفها الى مكتبها

أمير: هند بتعمل ايه

هند: لو سمحت توافق على الاستقالة

أمير: وترضى تسبيني في عز ما انا محتاجك ده جزاء
الى عملته معاكى

هند: انا اسفة

أمیر : یاااااا لدرجة دی هو انا بعملك وحش او ی کده

هند: بالعكس حضرتك بتعاملنى كويس كويس اوى
 زيادة عن اللزوم وانا ما استهلش و حضرتك تقدر
 تحيب سكر ترة تانية

أمیر: بس انا عايزك انتي

هند: وانا مش هقدر اقعد فى الشركة

وتمشی فیمسک امیر یدها: ده اخر کلام عندک

هند:ايوة

فیتړکها أمير: مع السلامة يا هند

وعندما تنزل أمام الشركة تقف وتنظر إلى أعلى لتجده
ناظرًا لها من النافذة وعينه مليئة بالحزن والتساؤلات

وبعد أن ذهبت ظل جالسًا بمكتبها.....أما راوية
عندما وصلت إلى المنزل....وقفت أمام المرأة لتتزعج البروكة
والمكياج وهى تنظر لنفسها بالمرآة.....لماذا فعلت ذلك
دون أن تعترف لها بالحقيقة.....ثم صارحت نفسها
بالحقيقة أنها لم تستطع أن تعترف له لأنها أحبته

يعود إلى المنزل وهو متوتر بعد ان حجزت والدته
بالمشفى لتستعد لإجراء العملية ويجلس في الصالة في الظلام
....يشعل سيجارة....فتضغط قمر على زر الإضاءة لتنير
الحجرة

قمر: السجائر مضرّة على الصحة

مازن: قولتي ايه

قمر: مكتوب على العلبة اهو بتؤدى للوفاة.....انا
عارفة الناس بتشرّبها ليه.....يعنى يعملوا ايه تانى.....
اكثر من انهم كاتبين على العلبة

مازن: انتى عايزة ايه يا قمر.....ما تخفيش دى
ما بتسكرش

قمر: هو السكر بس الى وحش.....ربنا مديك صحة
وشباب علشان تضيعهم

مازن: قمر اوعى تكونى لسه زعلانة منى

قمر: تفتكر لو زعلانة ولا خايفة منك هبات معاك فى
البيت لو حدى.....بس انا هزعل لو ما طفتش البتاعة دى

مازن: ماما هتعمل العملية بكرة.....متقلقيش انا
جيت اجيب حاجة وراجع ابات معاها فى المستشفى

قمر: بس انا مطمئة.....انا عايزاك انت تظمن
تعالى عايزة اوريك حاجة

فتأخذه إلى غرفة والدته ليتفاجئ ان أخواتها الصغار
يركعون ويصلون من أجلها ويدعون لها بالشفاء.....
فينظر لهم

مازن: معقول

قمر: ساعات بتتعلم من الولاد الصغيرة.....حاجات
كنا عارفنها ونسينها.....احنا لما بنكبر بننسى ان ربنا
موجود

فيمسك يدها ويقبلها

مازن: متشكر يا قمر.....انا متشكر انك جاني

يجلس سيف على مكتبه في المديرية.....وجهه أصفر
كالكرم شاحب وكأنه لم يذق النوم ليالى طويلة ويمسك
موبايله ويبحث في القائمة أسماء ويتوتر عندما يرى اسم
جاسمن.....بداخله رغبة أن يحدثها لأنه اشتاق إليها
ولكنه يتردد، في النهاية يأخذ القرار ويطلب الرقم.....
عندما تجيب جاسمن.....يرتعش صوته

جاسمن:الو سيف

سيف:ازيك يا جيسى

جاسمن:كويصة

سيف:هو انتى عملة **save** لرقمى

جاسمن:اكيد

سيف:مبسوطة

جاسمن:مبسوطة سؤال غريب اوى

سيف:انا كنت بظمن عليكى وعايضة اقولك خلى
بالك من نفسك

جاسمن:هو فى حاجة

سيف:لا خلى بالك من نفسك.....باى

ويغلق الهاتف ويدخل طه عليه

طه:جاهز

فيقوم سيف ويأخذ مسدسه من على المكتب

طه:هما دلوقتى فى شقة المهندسين بيسلموا السلاح
.....طلبت قوة كفايه

سيف: القوة بره جاهزة يلا بينا

طه: سيف انت كويس اول مرة الاقيك طالع
مأمورية وانت وشك اصفر كده

سيف: مرهق بس ومش نايم كويس يلا بينا علشان
نلحقهم

يجلس مازن مع أمير في فيلاته لتحضير حفل افتتاح
المشروع الجديد

أمير: تمام كده اتفارقنا العقود جاهزة يا مازن

مازن: تمام يا ريس احنا كده محتاجين نتفق مع
شركة دعاية مش هند هتكلّمهم

امير: هند هند استقالت

ثم يدق الباب ليفتح أمير

أمير: هند

هند: انا اسفة يا مستر مش ممكن اسيبك في نص الطريق
..... انا قررت استنى لحد ما يخلص المشروع الجديد

وتدخل وتجلس معهم في المكتب فيتسم أمير وكأنه
وجد شيئاً كان ضائع منه

هند: في كذا عرض متقدم لنا من شركات دعاية
علشان يغطوا الدعاية وحفلة الافتتاح

أمير: انا هعتمد عليكى تختارى لى احسن عرض
يلا بقى علشان نتعشى

مازن: ايه ده عندك عشا بجد

أمير: عيب عليك طلبت دليفرى طبعاً

ويرن جرس الباب فيذهب مازن ليفتحه ويستلم
الدليفرى ويقف أمير وراوية يتحدثون فى الهول

أمير: هند انا فى موضوع عايز اكلمك فيه

هند: ده انا الى كنت عايزة اكلمك فى موضوع مهم
..... انا قررت بعد الحفلة اقدم استقالتى

أمير: بتقولى ايه لا مش ممكن اسمعنى يا هند
موضوع الاستقالة ده مرفوض

وفجأة تسقط النجفة على هند ويصرخ كلا من مازن
وأمير

امير: هند

مازن: راوية

ثم ينظر أمير لمازن بدهشة ويحملونها على المشفى وفي هذا التوقيت يتصل مازن بجاسمن التي كانت في شقتها بالمهندسين مع ماريهان يتحدثون كلا في مأساته يتصل بها ويبلغها الخبر فتتصل بوعد لتبلغها أيضاً ما بلغه لها مازن عن حادثة راوية ثم تنزل هي وماريهان لتذهبان إلى المشفى فتجد الشرطة تحاصر المنزل ويتبادلون إطلاق الرصاص مع عصابة لتهريب السلاح يراها سيف فيجن خوفاً عليها فيذهب لبيعدها هي وصديقتها فتصيبه رصاصة فحاولت أن تأخذه إلى سيارتها في وسط هذه الحرب الدامية وساعدها طه بأن تضعه بسيارتها وتذهب به إلى المشفى

وعندما تصل تدخله الطوارئ وتذهب للإطمئنان على صديقتها

جاسمن: راوية فين مالها

مازن: انشاء الله سليمة

ماريهان: ايه ياربى الليلة دى بس

جاسمن :ماريهان خليكى معاهم هنزل اطمن على
سيف

مازن:سيف هو فى ايه

أمير:لاانا الى عايز اعرف فى ايه

ماريهان :سيف الضابط الى كان خاطب جاسمن
اضرب رصاصة

مازن :ايه الليلة السودا دى

أمير :فاهمنى انا يا مازن ايه حكاية راوية
وجاسمن جاية تشوف راوية هنالیه

مازن :هند تبقى

أمير :تبقى ايهلا مش معقول تبقى راوية
الصحفية صاحبة جاسمن

ويأتى طارق وزوجته وخاله

طارق :مالها راوية طمنى يا مازن

الحال :راوية مالها حد يفهمنا

مازن :حادثة بسيطة انشاء الله هتبقى كويسة

ليلة لم يروا مثلها جميعاً.....انقلب بها كل شئ بلحظة
ففضوا جميعهم أغرب وأخطر ليلة بحياتهم في
 المشفى بجانب راوية وسيف....جلس أمير حائراً
 بين قلقه على هند التى أحبها وغيظه من راوية التى
 خدعته.....أما جاسمن فبعدما اطمئنت على حالة
 صديقتها....جلست بجانب سيف لتطمئن عليه.....
 وبعدما أنهى طه واجبه وقبض على تلك العصا ذهب
 إلى المستشفى أيضاً ليجلس بجانب صديقه.....ثلاثة أيام
 تمضى ويظل الجميع فى قلق على راوية وسيف

الطبيب: حمد الله على السلامة يا بطل

سيف: الله يسلمك يا دكتور

الطبيب:كلها يومين ونكتب لك على خروج.....يلا
 اسييكم بقى عن اذنكم

طه:ايه يا عم سيف طلعت الرصاصة فى كتفك
 انا قولت انك بتموت طلعت بتدلج يا حضرة الرائد

سيف:العملية اخبارها ايه

طه:ما انت زى الجن اهو

سيف:بتكلم عن عمليتنا.....جاسمن كويسة ؟

طه :اه كله تمام يا باشا على فكرة جاسمن هى الى
نقلتك على هنا بس هى عند صاحبته بتظمن عليها

سيف :صاحبته الى كانت معاها

طه :لا واحدة تانية دى حكاية طويلة

جاسمن :سيف عامل ايه دلوقتى

طه :طب انا هنزل الكافتريا اجيب شايتشربى
معايا طبعاً

جاسمن :اه ياريت

فيخرج طه وتضع جاسمن علبة هدايا كبيرة كانت
تحملهاتضعها بجانبها

سيف :انتى كويسة

جاسمن :هههههههههههه انت الى بتسألنى

سيف :انا اول مرة كنت اروح مأمورية وانا مرعوب
بالشكل ده بعد ما عرفت انك عندك شقة فى نفس العمارة
خوفت تكونى هناك واللى حسبته لقيته

جاسمن :الحمد لله جت سليمة يا حضرة الضابط
.....اول مرة اعرف انك بتخاف

سيف: لما حبيت بدأت اخاف

جاسمن: انا كنت بفتكر ان الرجل وبالذات الضابط
عمر ما حاجة بتهمه ولا بيخاف زى ما بيطلعوه فى السينيما
كده البطل الجامد ده اللى قلبه حديد

سيف: اديكى شوفتى البطل ده بيخاف وبيحتاج يحس
بالامان.....الرجل بيخاف لما بيعحب....وبيخاف لما
يبقى اب....يبقى باين دايم لمراته او ولاده ان هو الامان
.....ولازم يظهر لهم ان قوى وشجاع حتى فى عز مايكون
من جواه مرعوب.....مع ان هو كمان محتاج للامان

جاسمن: يااااااه معقول

سيف: تعرفى اكثر لحظة كنت حسيت فيها الاحساس
ده يوم ما مات ابويا مع انى راجل بس لما مات حسيت
انى ضعيف وانى محتاج له بقيت واقف باخد عزاه وباين
فى قمة قوتى.....مع ان جويا كل الضعف.....جوايا طفل
محتاج لحضن ابوه

جاسمن: انت حساس اوى يا سيف

سيف: لا انا بنى ادم زى كل الناس بتضعف.....
ضعفت لما حسيت انك هتروحي منى.....ماقولتليش
ايه اللى معاكى ده

جاسمن:هدية

سيف:علشانى

فتعطيها له وهى تهز رأسها بالايحاب

سيف يبتسم:اوعى تكون قطعة تانى

جاسمن:افتحتها دى حاجة بتحبها.....كل سنة
وانت طيب النهاردة عيد ميلادك

يفتح سيف الهدية ويفاجئ بذلك الكائن الرقيق الذى
يحبّه إنه جرو صغير

سيف:الله.....كلب بس غريبة انتى عارفة تاريخ
ميلادى

جاسمن:فى واحدة ماتعرفش عيد ميلاد خطيبها.....
سيف توافق تتجوزنى

سيف:ايه بتقولى ايه.....انتى عايزة بجد تتجوزينى
ولا ده علشان موقف الجدة الى عملته

جاسمن:لا عايزة بجد اتجوزك بس اطمن على صاحبتى
الاول وبعدين نتجوز ونسافر وننسط ومش هنبقى دقيقة
بعيد عن بعض

تقرب منه وتقبله وتركه مصدومًا وترحل..... فيدخل
عليه صديقه ليجده مازال مصدوم

طه: مالك انت متبحر كده ليه

سيف: في حاجة حصلت مش فاهمها.....هما
الستات دول مجانين فعلا مش كده

طه: ههههههههههههه احيانا واحنا اجن علشان بتجوزهم
ونعيش معا هم في بيت واحد

وفي ممر المستشفى.... وقف الضابط مع أمير ويتحدث معه عن الحادثفأكتشف أمير من حديثه معه ان الحادث كان مدبراً وبفعل فاعل...سأله الضابط انك كان له اعداء.....ففنى امير ذلك....ثم دخل امير الى غرفة راوية ليطمئن عليها.....وينظر لوجهها الملائكى وهى مستغرقة فى النوم....فقد نجت من الموت بأعجوبة كيف كان سيعيش بدون ذلك الملاك الذى ظل يحرسه دون علمه....وهو أيضاً نجى من الموت بأعجوبة بعد أن فدته...كادت تموت بدلاً منه...ظل ينظر لها ويتسائل هل هى ملاكه أم تيممة حظه .

أما ما زن فعاد إلى المنزل ليلًا مجهدًا من كل ما حدث خلال الأيام الماضية، فيجد الأضواء جميعها مطفية
فينبر ضوء الصالة ليجد قمر جالسة على كرسي الانتريه

مازن: قمر في ايه قاعدة في الضلمة ليه

قمر: بفكر

مازن: مالك

قمر: مشاكل كلها هتتحل

مازن: مش فاهم

قمر: جايلي عريس

مازن: عريس

قمر: غنى وعنده ٤٥ سنة.....بس هيحل كل مشاكل
ويصرف على اخواتي ويدخلهم احسن مدارس

مازن: وانتى

قمر: انا ايه

مازن: بتحبيه....هتبقى سعيدة معاه.....تعرفيه.....
بيفكر ازاي.....عرفتى عيوبه وهتستحملها

قمر: انا تعبت اوى يا مازن.....تعبت من الحمل الى
تقل عليها.....انا زى اى بنت محتاجة راجل يشيل عنها
ويحميها

مازن: خسارة يا قمر كنت فاكرك غيرهم ..كنت
فاكرك مختلفة ...شديدةهتتحمل كل الظروف بس
ماتعشيش مع واحد بس لمجرد انه هيصرف عليكى
.....ماتسلميش نفسك لواحد لمجرد انك تهربى من
مشاكلك....ماتتجوزيش واحد لمجرد انه راجل وخلاص
...وظل راجل ولا ظل حيطه وتعيشى تعيشه معاه طول
حياتك

قمر: انت ماعشتش وماشوفتش الى انا شوفته
انا مابفكرش علشانىانا بفكر علشان اخواتى

مازن: خلاص وفقى على فرصة العمر بس انا خايف
لتبقى غلطة العمر

قمر: ماחדش بيمشى فى سكة اختارهاكلنا
بنمشى فى سكك ماخترناهاش

مازن: الجملة دى دايمًا بقراها فى القصص دايمًا يقولوا
كله بيمشى سكة ماخترهاش بس الحقيقة كل واحد
فيها بيختار سكتة بأرادته وبأيدهراوية هى الى
اختارت تكذب على اميروامير اختار انه يكون
سلبى ومايخدش حقه من عمامهوعد اختارت انها
تكذب وتمثل شخصية غير حقيقتها ونبيل كمان هو الى

اختار يكون ندل وانانى وغيرهم كثير.....الحياة دى
عاملة زى الامتحان فيها سؤال اجبارى بس حتى فى السؤال
الاجبارى بتدينا اختياراتفى ناس فى نفس ظروفنا
وما اختاروش نفس اختياراتنا.....الحياة اختيار مش
اجبار بس احنا بنحب نعيش دور الضحية

تحدث أمير مع نانسى على الموبايل ودعاها هى وأعمامه
أن يأتوا إلى منزله ليتعشى معهم العشاء الأخير لأنه سيعلمهم
بآخر قراراته لهم ويجلسون حول المائدة

منتصر :ايه بقى العشا الحلو ده ايه سببه ياترى

متولى :طبعا فى سبب للعزومة

نانسى :يمكن واحشناه

أمير :فعلا وحشتونىبس فى سبب تانى ان ربنا
انقذنى من الموت.....مش النجفة الى وقعت على هند
.....كان المفروض تقع عليا اناالبوليس انها معمولة
بفعل فاعل

فيظهر عليهم التوتر

منتصر :فاعل

أمير: وانا عارف الفاعل بس لو قدمتموا استقالتكم من
الشركة وقاطعتوا كل صلتكم بيا مش هجيب سيرة عن
الفاعل خالص

نانسى: بتقول ايه

متولى: اسكتى يا نانسىوبعدين

أمير: مستنى استقالتكم بكرة وادعوا بقى ان هند تقوم
بالسلامة لأن لو جراها حاجة هسلم الفاعل بأيدي

منتصر: استقالتنا هتكون على مكتبك بكرة

يقوم أمير من على المائدة

أمير: انتوا طبعاً مش اغراب كلوا لحد ماتشبعوا بالهنا
والشفا وانتوا قايمين ابقوا طفوا الانوار احسن مابحبش
اسيب انوار مفتوحةتصبحوا على خير

ويتركهم ويصعد إلى غرفته فيرحلوا وهما في شدة الغيظ.

وفي منزل خال راويةجلست راوية في غرفتها
وبجانها على سريرها ماريهان وشمس

شمس: حمد الله على سلامتك يا حبيبتىاما انا
عملت لك شوية فراخ مشوية هتاكلى صوابك وراهم

وهدلحك كمان وهجيهم لك لغاية عندك هنا بس
ما تخديش على كده

راوية: متشكرة اوى يا شمس

تذهب شمس متجهة الى المطبخ لتجهز الطعام.....
وتستمر ماريهان فى حديثها مع راوية.

ماريهان: مرات اخوكى بتحبك اوى

راوية: يظهر كده..... اول مرة اعرف انها بتحبنى
النهاردة

ماريهان: ههههههههه اشمعنى

راوية: اصلنا دايما نائر ونأير..... قولى لى عاملة ايه

ماريهان: كويسة

راوية: امال مش حاسة بكده

ماريهان: المهم انتى دلوقتى يا راوية

راوية: انا مش عارفة

ماريهان: على فكرة امير ده شكله بيعحبك اوى

راوية: بالعكس اكيد دلوقتى مش طايق يشوف وشى

ماريهان: انا شايفة عكس كده..... لو كان مش طايقك
 ماكنش اصر يحى لك يوم خروجك ويوصلك البيت
 بنفسه انتى ماشوفتهوش كان هيتجنن عليكى
 على فكرة وعد خطوبتها الاسبوع الجاى

راوية: مش عارفة موقف نبيل منها مش مريحنى
 معقول يكون يحبها ده واحد ماذى اوى أعمره ما
 أمن بالحب ابدا

ماريهان: يمكن ربنا هداه على ايديها

وفى أثناء تحضير وعد لأجمل يوم فى حياتها، جميع
 مشاكلها ستنتهى وكأنه المصباح السحرى .. كان هناك قلباً
 آخر يحترق من فراق من كان لا يتوقع مفارقتها فقد
 رحلت دون اذن ... دون وداع كانت والددة مازن
 كل ما تبقى له حتى رحلت فلم يتبق له أحد الأم
 هى كل شئ وبدونها يصبح أقوى الأقوياء لاشئ
 ضعيف بدون حزن وحيد بدون بشر من
 يختبئ بداخلها تركته مكشوف دون خيمته التى يختبئ
 بها تدفئه من شتاء الحياة العاصف ويحتمى بداخلها
 من الأخطار أصبح بلا مسكن بلا حصن
 عندما ترحل الأم يرحل معها كل شئ

جلس مازن في الظلام يضئ ضوء خافت بقعة
ضوء في وسط الظلام

وتقف أمامه قمر تحمل حقيبة ملابسها هي وأخوتها
مازن : ماشية

قمر : خلاص الى كنت قاعدة علشان اخدمها مبقتش
موجودة..... انا حسيت امي هي الى راحت بس ادم
عاشين في الدنيا لازم نودع بعض

مازن : علشان كده بتودعيني

قمر : ماينفعش اقعد هنا خلاص

مازن : وهتتجوزي العريس الغنى

قمر : لا

مازن : هتسبيني انا عايزك جانبي ماتمشيش

قمر : ازاي يا مازن اقعد معاك هنا ازاي

مازن : شادي انا طالب منك ايد اختك عايز اتجوزها

فينظر شادي إلى قمر مندهشاً وتركض نور على مازن
فيحملها لتقبله

نور: انا موافقة.... انا بحب مازن.... وفقى يا قمر
.....میزو ده طیب اوی

قمر: نور اسکتی بتقولی ایه انتی التجنتی

شادی: قمر ردی اقوله ایه

قمر: لا الی انت بتقوله ده علشان انت بس تعبان من
فراق مامتک

مازن: لا یا قمر انتی ماتعرفیش حاجة.....ماما نفسها
طلبت منی کده وماکتش تعرف ان ده الی کان جوايا فعلا
من اول یوم دخلتی فیہ البیت ده.....هی حبتک وکانت
عایزاکى تکونى ست البیت ده...وانا کمان حیيتک
بس خوفت لو طلبت منك کده تفتکری انی بستغل
مساعدتی لیکى

قمر: ده کثیر.....کثیر اوی

مازن: قمر....تتجوزینى....لو ماوفقیتش انا هفضل
جانبك لحد ما بنفسى هسلمک للحد الی یستاهلك

قمر: مازن متشکرة انک موجود.....انت بالنسبة لى
حلم فى زمن خلصت فیہ الاحلام

نبيل : ماتخدش فى بالك

تجلس صديقات العروس معاً.....تتحدثان فى زواج جاسمن

ماهى : صحيح انتى خلاص هتتجوزى سيف.....امال
كنتى فسختيها ليه من الاول

جاسمن : لانى اتخطبت له مجرد لعبة وحسيت كمان انه
اتمسك بيا بس علشان مش عايز يرجع فى كلامه ويفسخ
الخطوبة بس لما بعدت عنه شوفت الصورة بشكل تانى
وعرفت انى بحبه..... فعلا سيف هو الشخص اللى
كنت مستنياه

ماهى : مبروك انا فرحانة اوى يا جاسمن انتى تستاهلى
ربنا يعوضك

جاسمن : وانتى مش ناوية تسامحى

ماهى : مش عارفة اسامح

تذهب راوية وتجلس على طاولة أمير لتتحدث معه

راوية : أمير

أمير : ازيك يا راوية

نبيل : عن اذنكم اشوف الضيوف

راوية :انا عارفة انك زعلان منى بس صدقنى انا كان
كل قصدى انى اساعدك

أمير :انا كرهت راوية الى خدعتنى واستغلتنى بس
حببت هند الى حبتنى وقفت جانبى وحست بيا.....
مش عارف اقولك انى بكرهك

راوية :انت طيب اوى يا امير.....علشان كده
انا كنت بحاول استقيل وما اكملش وانا بكذب عليك
ومش قادرة اعترف لك بالحقيقة

أمير :وايه الى رجعت تانى

راوية : علشانمش مهم تعرف

أمير :عموما انا بشكرك انقذتى حياتى مرتين أو مسامحك
يمكن لو ماكتيش اقتحمتى حياتى كدهيمكن حياتى
ماكتش اتغيرت كده.....انتى كتنى عايضة تعرفينى
اعدائى مع انى كنت كاشفهم

راوية :وليه ماكتش بتعمل حاجة

أمير :كنت بديهم فرصة يمكن ضميرهم يصحى و
لأنهم عيلتى كنت بسامح وبقول هيتغيروابس
للاسف هما اختاروا نهايتهم بأيديهم

يجلس ناصر شقيق وعد بجانب والدته ويظهر على وجهها الفرحة بأبتها العروس ويظل جو الحفل الصاخب حتى يفاجأ نبيل الجميع بخبر خطبته ولكن كانت المفاجأة مذهلة للجميع.....لأنه أعلن خطوبته على عروس أخرى سيدة أعمال وعند سماع الخبر شعرت وعد بدوار وغثيان ووقعت ساقطة على الأرض... فأخذها أصدقاءها الذين صدموا من هول المفاجأة مثلها ونظر أمير لصديقه بإحتقار ثم يشده من يده إلى غرفة فارغة وصرخ به

أمير: ايه الى عملته ده انت اتجننت

نبيل: انا حر اعمل الى انا عايزه وماتعملش عليا
استاذ وانا التلميذ

أمير: انا لا عايز اعمل استاذ ولا بتاع انا عايز افهم ليه

نبيل: واحدة بواحدة ضحكت عليا وردتها لها

أمير: وعد ما ضحكتش عليك..... وعد صلحتك
بحقيقتها وانت كان ممكن تسييها والموضوع يخلص

نبيل: هى بقيت ضحية وانا بقيت الوحش.... وبعدين
هى الى عبيطة.....الى زيها ممكن امشى معاها.... لكن
يوم ما الفلوس تتجوز.....هتتجوز فلوس زيها

أمير: وعد صحيح غلطت بس وعد مش بتاعت مشى
وانت جربت واذا كنت بتعشق الفلوس للدرجة دى اعشقها
براحتك بس ماكنش له لازمة انك تهينها بالطريقة دى

نبيل: انا نبيل السحرتى

أمير: طظ فيك يا اخى وفي فلوسك وشركتك لو
كانت اخلاقك زفت للدرجة انك تستهزأ بالناس كده
.....مش انت صاحبى بس لازم تفوق بقى...من غير
اخلاق انت ولا حاجة..... فاهم

نبيل: انت الى مش فاهم حاجة.....الفلوس هى كل
حاجة.....اهم من اى حاجة.....الفلوس هى امك
وابوك وحييتك.....الفلوس دى هى الى خلت امى
ماتنزلش كل السنين دى تشوفنى.....الفلوس اهم من
اى حد

أمير: اهم من المشاعر والحب

نبيل: انا مابحبش غير حاجة واحدة الفلوس والبيزنس
.....مابحبش غير نبيل بس

وكانت الحقيقة صادمة للجميع...كلنا نعيش الأكاذيب
وأحياناً أيضاً نعيش بأوهام اخترعناها لأنفسنا....وهم
أننا مظلومين ومجنى علينا.....أما الحقيقة أننا نحن

من ن ظلم أنفسنا بأكاذيب نخترعها لنختبئ خلفها من
حقيقتنا

نجنى على أنفسنا بأحلام ليست لنا نرى
العالم أفسدنا ونحن من أفسدنا أنفسنا عيشنا في
آلام الماضي وأعجبنا وضع المجنى عليه الذى نعيشه
كل منا عليه أن يصحح حياته

كل منا هناك شئ أفسد حياته تربية خاطئة،
مجتمع خاطئ ولكن نحن يجب أن ندرك الخطأ و
نصححه بأيدينا وننظر إلى المستقبل ولا نعيش أخطاء الماضي
وعندما استيقظ كل منا من كذبة حياته بدأنا نفكر لماذا
حدث كل هذا لا بد أن يبدأ كل منا من جديد ..

بدأت أفكر أن العنوسة ليست هى القيد الوحيد الذى
يفرضه المجتمع على أفرادهِ وليست هى المشكلة الوحيدة
..... فهناك أفكار كثيرة فى المجتمع تظلم هؤلاء الناس
..... الفقر، الجهل، النفاق إنه مجتمع ملئ بالآفات الضارة

أما فى رحلتى للدفاع عن حق المرأة وجدتني
أدافع عن حق الرجل لكى أدافع عن أنوثتى يجب
أيضاً أن أدافع عن رجولته أزمة الرجل أن الظلم الواقع
عليه غير واضح فالمرأة يقهرها المجتمع علانيةً

أما الرجل ظلم أكثر منها لأنه ظلماً غير مرئى عندما دخلت عالم الرجال علمت الحقائق التى لا يعلمها أحد فالرجل صوره المجتمع دائماً أنه البطل الخارق الذى يهزم الأشرار أنه بدون قلب وليست له مشاعر ليعبر عنها أنه مثل الحيوان الذى لا يهوى سوى الجنس فقط و شغله الشاغل أن يسحر النساء صور المجتمع الرجل أنه القوة ، السند الذى لا يحتاج لأحد يسمعه لا يبكى أبداً

ولكن الحقيقة أنه إنسان يشعر، يحب ، يتألم ويبكى ، يخاف ويحتاج أن يشعر بالأمان فرض عليه المجتمع صورة لا بد أن يظهر عليها وعندما يريد كسرها ويعشق يسمونه «نحنوح » وعندما يحترم زوجته ويقدرها يقولون «الراجل شخشيخة فى ايديها ... سحرة له دى ولا ايه» وعندما يريد أن يخاف الله ولا يدخل فى علاقات منحرفة يسمونه «راجل خام» وعندما يبكى يقولون «طرى ومش مسترجل » فكم ظلمت يا آدم فى هذا المجتمع .

تعرفون من هو المجتمع نحن يا سادة كلنا هذا المجتمع نضع لأنفسنا قيود وصور مشوهة نعيش عليها نرسم لأنفسنا صورة المثالية ونذهب فى الخفاء نفعل كل الاشياء المحرمة .

ظلت وعد تغلق باب غرفتها أسبوع..... لا تريد أن تتحدث مع أحد تنظر من نافذتها الصغيرة على الخرابة التى أمام منزلها المليئة بالقمامة والذباب وتتذكر أنها رأت المنظر ذاته فى قصر نبيل، نعم قصر عبارة عن خرابة ولكن مظهرها أجمل وبداخلها نفس القمامة ولكن تغطيها رائحة العطور الغالية ويلتف حولها الذباب ولكنه يرتدى بدل غالية..... ذلك هو الفارق الوحيد أن الخرابة هنا مظهرها واضح ولكن فى القصر يغطيها جمال المظهر.

فالقبح ليس بالحارة فقط..... فالقصور أيضاً يملأها العفن أحياناً أكثر من الحوارى..... اكتشفت وعد أن وراء المظهر الجذاب يختبئ نفس القبح الذى كانت تريد أن تهرب منه..... يذهب إليها ماريهان صديقتها و مازن، بعد أن ذهبت جاسمن وراوية ورفضت مقابلتهم ولكن هذه المرة أصر مازن أن تفتح باب غرفتها وتخرج تجلس معهم، فخرجت وعينيها مليئة بالحزن ترتدى بيجامة النوم وكأنها ماتت عن الحياة وتجلس معهم فى الصالون

ماريهان: وعد وحشتينى

مازن: ازيك يا وعد

وعد: الحمد لله

ماريهان: انتى احسن دلوقتى

مازن: انا ممكن امسك لك نبيل ده امسح لك بكرامته
الارض

ناصر: قولت لها كده كنت عايز امسكه ارنه علقه
منعتنى

وعد: علشان يقول اننا ناس همج وبلطجية و هو البيه
النضيف المحترم

ناصر: انتى حرة عقلك فى راسك تعرفى خلاصك
انا هعملكم شأى

ماريهان: كلنا بنغلط يا وعد

وعد: انا فعلا غلطت ضحكت عليه وكان كل همى
ازاى اطلع من الفقر كنت فاكرة ان فى القصور هلاقى
فيها النظافة والناس المحترمة المتريبة كنت فاكرة
ان القصور مافيهاش تحرش ولا بلطجة الى بشوفهم فى
الحارة طلعت ماتفرقش كثير عن الى الحارة

مازن: عندك حق الاخلاق والرقى مش بالفقر والغنى

وعد: انا حلمت انى اتجوز نبيل لانه غنى و الغنى كمان
بيحلم بالاغنى منه ماحدث فينا حب الثانى

مازن: نبيل كمان بيحب الفلوس زيك لأنه فاكرا انها
الامان.....الفلوس هي الى بعدت امه عنه لأنها
فضلت الفلوس والييزنس عن ابنها

ماريهان: سيك من نبيل ودورى على نفسكاعمل
الى انتى بتحبيهمش كنتى دايمًا تنصحينى ابقى
جريئة واعمل الى بحلم بيهانا عملت بنصحتك
سييت المدرسة وعملت الى بحبهروحت الاوبرا
واشتغلت هناك وافقت مع جاسمن كمان نرجع الفرقة
بتاعتنا تانى الى اتشاغلنا عنها الفترة الى فاتت ايه رأيك
وعد: الفرقة

مازن: اه طبعًا انتى مش بس هتبقى معانا فى الفريق
.....وعد انتى طول عمرك مابتحيش شغلك سبيه
اعملى المشروع الى طول عمرك بتحلمى بيه
وعد: الخياطة

مازن: ايوة انتى دورتى انك تعتنى بسرعة وتهربى
من الحارةبس الحارة دى مش مشكلتك لوحدك
علشان كده مش الحل انك تهربى وتسببها ماتسببهمش
حليهم مشاكلهم مدي لهم ايدكعلميهم
خليهم يكبروا معاكى بس بمجهودك ومجهودهم

ماريهان :مازن معاه حقافتح لهم فصول تقوية
وفصول محو امية علميهم و شغليهم معاكى

مازن :راوية ماورثتش حد بس اشتغلت وجابت
العربية من مجهودها وانا كمان حسنت مستوايا بشغلى
ماروحتش ادور على واحدة غنية اتجوزها تحقق لى احلامى
وعد:عندك حق انا لازم احسن مستوايا بمجهودى وتعبي
.....احارب الفقر والجهل الى حواليا مش اهرب منه

مازن :وانا كمان معاكى وعندى حد تانى كمان ممكن
يشاركك فى المشروع بتاعك

وعد :مين دى

يرن الجرس وتفتح ماريهان وتدخل قمر

تقف وعد :قمر

مازن :شريكتك قمر كمان بدور على حاجة بتحبها
تشتغل فيها وانا لاحظت انها مهمة بال **fashion**
وهتساعدك كمان فى الفصول

قمر :وعد موافقة اكون شريكك

فتهز وعد رأسها بالموافقة وهى تبسم لقمر

وبدأت فرقة العوانس تتحد مرة أخرى لتجهز للحفلات التى ستقيمها، بدأت أيضًا وعد في مشروعها مع قمر التى كانت سعيدة بذلك المشروع ولكن ذلك لم ينسبها دراستها في الإعلام وأصبحت صحفية تحت التمرين في الجريدة التى تعمل بها راوية أيضًا، قرر مازن أيضًا أن يفتح مشروعه، مكتب المحاماة الخاص به..... لم ينسبهم ذلك زفاف صديقتهم جاسمن الذى بدأ الجميع الاستعداد له ويوم العرس كان هناك مفاجأة تنتظر ماريهان..... على سطح مركب عائم على النيل أقام جاسمن وسيف عرسهم الذى انتظروه..... ليلة العمر..... الجميع ينتظر العروس والعريس

راوية :امير ازيك

أمير :مش كويس يعنى انتى سييتى الشركة ماشى..... لكن مازن وقمر يسيبوا الشركة ليه..... يعنى كلكم تمشوا فجأة

راوية :معلش بقى هى دى الدنيا

أمير :طيب يا سييتى عموما انا برضه عزمكم على حفلة افتتاح المشروع بتاعى انا ونبيل..... الاوتيل الى شركه فيه..... انتى ليك فضل كبير فى المشروع ده

راوية :بالعكس انت تعبت فيه كثير

أمير :مبروك على المقال الاخير حلو اوى

راوية:ميرسى

أمير :قولى لى يا راويةلما كتتى بتساعدينى
وبتقفى جانبىكانت مين الى بتساعدنى راوية ولا هند

راوية :راوية وهند هما الاتنين واحدبيحسوا
بأحاساس واحد ويتصرفوا تصرفات واحدة

أمير :بس هند اطيب تعرفى انى حيتها

راوية :هى مين راوية ولا هند

أمير:هند الانسانة الى فهمتنىحست يا
كانت بتخاف عليا

راوية :بس راوية هى الى كانت بتخاف عليك وتنقذك
من المقالب الى بتعملك وبعدين انا عمري ماتخيلت ان
الراجل ممكن يحب ست شكلها يعنى مش حلوة.....غير
فى المسلسلات بس

أمير : نفسى حلوة بقى انا نفسى كنت هتجنن وبسأل
نفسى ازاي ده حصل بس لقيت هند فيها كل الى كنت
محتاجهكل واحدة ليها جمالهاوبعدين بينى

أمير: عيبي حاجة واحدة انى نحس

أمیر: هما فعلا قالوا انها بفعل فاعل بس للاسف
مارضتش اصدق ان ممكن يكونوا هماهتقدری
ترتبطی بواحد نحس كده وتخاطری بعمرك

أمير: واياه الى عجبك فيا بقى

أمیر یضحک :بجد اجبلك منهاخالک یعنی
مش لیکی

راوية :امير انت بجد كل حاجة فيك حلوة
أمير :مش اوى يعنىمافيش حد ملاك
ومن بين المدعوين تقف ماهى ووعد وأخاها وشريكها
فى العمل وصديقها مازن
ماهى :هايل يا وعد الفستان بتاع جاسمن برافو
عليكى
وعد:بجد انفع
ناصر:يا بنتى انتى هتبقى حديث الناس كلها بالاتيليه
الى هتفتحيه
وعد:البركة فى قمر بصراحة ساعدتنى كثير اوى
قمر :انا بجد مبسوطه طعم النجاح حلو
ومبسوطه ان اول فستانى نصممه بيقى لجاسمن
مازن :عقبال فساتنكم كلكم واخلص منكم
وتدخل جاسمن ممسكة بيد زوج أختها جلال على أغنية
« طلى بالايض » مثل الأميرة وتسير مثل الأميرة الذهابة إلى
أميرها ثم يسلمها جلال إلى سيف عريسها الذى يأخذها
ويجلسان بالكوشة ويقف بجانبهم طه وماريهان

ماهى :ايه القمر ده

جاسمن :بجد المكياج مابطش

ماهى :انتى جميلة اوى النهاردة يا جيسى تعرفى ليه
مش علشان الفستان ولا المكياج

جاسمن :امال ليه

ماهى :علشان عينيكى بتلمع وفرحانة والفرحة بتحل
.....الفرحة هى اللى بتدى للانسان جمال بجد.....
تفتكرى كتتى هتبقى حلوة كده جنب اى حد تانى غير
سيف

جاسمن :لا يا ماهىعلشان كده ماكنش ينفع
حد غير سيفعلشان جنب اى حد تانى مكتتش
هبقى جميلة كده.....لازم يكون الحد الى حلمت بيه
حتى لو هستناه عمرى كله

طه :ايه ياعم الخلاوة دى

سيف :انت جاى تتر عليا

طه :وقعت واقف يا ابن الدنيا عروستك زى القمر يا
بختك ياعم

سيف :طه امشى من وشى دلوقتىيا ابنى حرام
انا النهاردة عريس وبتجوز عايز تموتنى ليلة فرحى

طه :خلاص ياعم...طب ايه مش عايز اى حاجة

سيف :مالك يا طه انت اتجننت النهاردةامشى
يا طهوسينى فى حالى

طه :هزهر معاك يا اخى

وفجأة تتوقف الموسيقى وال dj ويمسك شريف
الميكرفون

شريف :انا اسفهاخد منكم ٥ دقائق بسانا
استأذنت العروسة والعريس وهما سمحولى اتكلم
فيه بنوتة حلوة فى وسطكم هنا انا جرحتها وكذبت عليها
انا جيت النهاردة اعتذر لهاواقولها انا اسف ...ماكتتش
اعرف انى بكذبتى دى هبنى سور بينى وبينك وماكتتش
اعرف ان الكذبة دى هتبعدننى عنكانا اسف انى
كذبت واسف انى جرحتكاوعدك آخر كذبة لو
كذبت عليكى موتينى او اعملى الى انتى عايزاه
فيه طلب طلبته من باباكى بس قالى اطلبه منك انتى

فتنظر ماريهان اليه ثم إلى والدها

شريف: ماريهان انا بحبك ساحينى... والتجوزينى
وبعدين عاقينى زى ما انتى عايزة

فيقف ديفيد أمام ماريهان ويعطيها وردة فتقبله وهى
تبكى وتنظر لشريف الذى يذهب إليها ويقف أمامها

شريف: ساحتينى

فتهز برأسها بالايجاب

لم تكن تلك النهاية ولكنها بداية أحلام جديدة.....
صنعناها بأيديناكل منا اختار طريقه الذى كان
يجبه.....أصبحت ماهى عازفة فى الاوبرا.....أما وعد
صاحبة شركة أزياء صغيرة ثم اتيليه مشهور.....أما قمر
فعملت بالصحافة بعد أن تخرجت ولكنها ما زلت تعشق
الأزياء.....كل منا حاول إصلاح المجتمع ولكن
وجدنا أننا المجتمعفيجب أن نصلح أنفسنا لنصلح
مجتمعنايجب ألا نقتل أحلامنافبالأحلام نصنع
المستقبلوطن بلا أحلام ضائعفنحن من
يخلق الأحلام ونحن من يقيدها.

التواصل مع داركتاب

Email: darkitabone@gmail.com

fasbook : darkitabone

البدج داركتاب

٠١٠٩٧٥٥٣٣٢٨